



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.281



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.281




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CINAQ. 1.7.281

1. 7. 281

1 M. 7

XV
DON



IO: BAPTISTAE DONII

PATRICH FLORENTINI

DE RESTITVENDA

SALVBRITATE

AGRI ROMANI,

OPVS POSTHVVM,

VRBANO OCTAVO

PONT. MAX.

IAMPRIDEM AB AVTORE INSCRIPTVM,

Nunc verò ab eius filijs dicatum,

EMINENTISS. ET REVERENDISS.

S. R. E. CARDINALIBVS,

ET ILLVSTRISSIMO, EXCELLENTISSIMOQVE
PRÆNESTES PRINCIPI, ERETI DVCI &c.

BARBERINIS.



FLORENTIÆ

Ex Typographia sub signo STELLÆ. MDCLXVII.

Superiorum Permissu.

VRBANO OCTAVO

EMINENTISSIMIS, ET REVERENDISSIMIS
PRINCIPIBUS, AC DOMINIS

D. FRANCISCO EPISCOPO OSTIENSI
SACRI COLLEGII DECANO,
AC S. R. E. VICECANCELLARIO,

D. ANTONIO EPISCOPO PRÆNESTINO,
AC S. R. E. CAMERARIO,

D. CAROLO TITULO S. ANGELI IN FORO
PISCIVM DIACONO
S. R. E. CARDINALIBVS,

ET ILLUSTRISS. EXCELLENTISSIMOQVE
D. MAPHAEO PRÆNESTES PRINCIPI,
ERETI DVCI. &c.

BARBERINIS.



IMMORTALEM
Vrbani Pont. Optimi
Max. Patruique Ve-
stri gloriam recolentes,
CARDINALES
EMINENTISSIMI,
ac PRINCEPS EX-
CELLENTISSIME, maximo Dei be-
neficio contigisse credimus, vt quis ad
ea tempora nasceretur, quibus ille sum-
mus terrarum Arbiter Christianæ Rei-
publicæ

publicæ clauum moderabatur. Manifestum sanè felicitatis argumentum sub eo Principe vitam ducere meruisse, cuius præclara facinora perennem laudis materiam posteris præbuerunt. Quis enim Romanorum Pontificum egregijs rerum gestarum monumentis adeò clarus extitit, vt amplissima eius opera, animique magnitudinem superare potuerit? Tot magnificentissima ædificia ad augendum Dei cultum, Urbemque exornandam, immensis sumptibus extructa; tot mirificæ munitiones, validaque propugnacula ad reprimendos perditorum hominum impetus excitata; tot ad propulsandam pestilentia latè grassantis perniciem cautiones adhibitæ, susceptique labores; aliaque innumera, quibus æternitatem nominis promeruit, satis superque testantur eorum temporum prosperitati adscribendum esse in Urbano Pontifice cunctas eas dotes admirari potuisse, quas à supremo rerum conditore Deo singillatim dispertiri solitas, in vnum collatas fuisse credendum est, vt non deesset

deesset virtutum omnium absolutissimum
exemplar, quod sibi prudentissimi Prin-
cipes ad imitandum proponerent. Nec
silentio prætereundus eximius ille litera-
rum amor, quo vehementer incensus
conquisitos vndique singulari doctrina,
ac eruditione præditos viros magnis pro-
positis præmijs ad exercendos cum lau-
de ingenij nervos excitabat, nec patie-
batur vnquam copiosis destitutos auxi-
lijs animum despondere: verùm incre-
dibili quadam munificentia eos fouens,
amplissimisque honoribus cumulans ad
capeffenda bonarum artium studia cæ-
teros inuitabat; qui adeò frequentes ea
tempestate Romam confluebant, vt
omnium doctrinarum inuentrices Athe-
nas æmulari Vrbs augustissima videre-
tur; vereque vsurpari tunc posset quod
de priscis temporibus testatum reliquit
Satyricus, *vigebant artes ingenue, summumque cer-*
tamen inter homines erat, ne quid profuturum sæculis
diu lateret. Nec mirandum plurimos ea
ætate literarum omnium cognitione
præstantes extitisse, cum magni excelsi-

* 3

que

que animi Pontifex , præter insignem
beneuolentiam qua studiosos comple-
ctebatur , sedulam & ipse , instar cele-
berrimi illius æquè Philosophi ac Impe-
ratoris Marci Antonini , nullo rerum
grauissimarum summorumque negotio-
rum detrimento , liberalibus disciplinis
nauaret operam , & in id maximè in-
cumberet , vt totius Antiquitatis noti-
tiam compararet ; ac penitiora studia
pertractans omnigenam eruditionem
abundè pasceret ; cuius adipiscendæ de-
siderium , quo à primis vsque annis fla-
grauerat , ad supremæ dignitatis apicem
euectus nunquam deposuit , editisque
semper victuris ingenij sui monumentis
vniuerso terrarum orbi manifestum fe-
cit . Hæc omnia nobiscum animo ver-
santes meritò fortunatum parentem no-
strum p. m. dicere possumus , cui non
tam omnium virtutum ornamentis ex-
cultum , atque vnicum Musarum Patro-
num venerari Pontificem contigit , quàm
erga se benignissimum experiri : nouis
enim quotidie beneficijs cumulatus , ve-
terumque

terumque familiarium loco habitus, eius
potissimum commendatione perhonorifi-
cum à Purpuratorum Patrum Colle-
gio Secretarij munus consecutus est; in
quo cum magna nominis sui gloria, nec
minori fortunarum incremento libentis-
simè consenuisset, nisi labantem imma-
turo fratrum obitu domum fulcire, ge-
nusque suum reparare satius duxisset;
ut suffectis in locum suum liberis hono-
rum patri delatorum iucundissima re-
cordatione Vobis in perpetuum deuin-
ctis, ac impensè deditis cultui, & ve-
nerationi inclytæ Domus Vestræ, tot
tantisque beneficijs, quibus ipse pleniori
obsequio, ac diuturniori famulatu ali-
qua ex parte remunerandis impar fuisset,
gratam saltem vicem rependeret.
Quapropter fidem nostram ab eo ob-
strictam liberare, memorisque animi si-
gnificationem declarare cupientes, ope-
ræpretium nos facturos putauimus, si
Vestris potissimum auspicijs opus hoc in
lucem ederemus; quod Vobis, ut spe-
ramus, non omnino ingratum, auctori

*

4

nonnihil

nonnihil gloriosum, nobis verò ad Vestrorum in nos magnitudinem meritorum publicè contestandam idoneum, præcipuè fore confidimus. Libellum, quem gloriosissimo nomini Vestro consecratum volumus, hilari serenaque fronte suscepturos Vos in maxima speramus, non tantùm quòd humanitatis est Vestræ offerentis animum potius, quàm rei oblatae pretium expendere; verùm etiam quòd sibi ab Autore nuncupari non recusauerit nunquam satis laudatus Pontifex; cuius heroicarum, ac potissimùm præclaræ liberalitatis hæredes optimis artibus promovendis gnauiter incumbitis, ac sapientiæ studio flagrantis viros mirifico amore prosequi, omnique beneficiorum genere cumulare nunquam cessatis; vt non postrema Barberinorum Principum gloria videatur, & nobiliorum disciplinarum possessione cæteris antecellere, & earum cultoribus eximios se præbere fautores. Sed non id agimus, vt in egregijs animorum Vestrorum dotibus, meritisque

ritisque in totum ferè Christianum orbem extollendis immoremur, quibus alioqui pro dignitate prædicandis metuendum est, ut pares esse possint disertissimi quique oratores; quorum eloquentiæ nunquam deficientem laudum copiam suppeditabunt Catholicæ Religionis latè propagandæ cura, ingenij præstantia, doctrinæ magnitudo, in maximis negotijs obeundis dexteritas ac prudentia, aliæque complures virtutes, quarum omnium luculentissima exempla à Vobis in isto sublimi Dignitatis fastigio edita quem non aduerterunt? Plurimum quoque gratiæ & commendationis accessurum operi existimamus ex rerum, quæ in eo tractantur, pondere atque utilitate; maxima enim sperari debet, si rectè omnia administrentur, quæ facienda censet autor pro restituenda agri Romani salubritate, quem in pristinum statum reduci posse firmis validisque, ut putamus, rationibus ostendit; ut minimè desperandum sit quin latissimi feracissimique campi rursus coli, habitarique

habitarique possint ; magno utique publicæ rei bono , nec minori fortasse genitoris nostri existimatione , qui (ut reuera erat Romanæ maiestatis studiosissimus) summis hoc in votis habebat , ut ad cæteras Urbis æternæ dotes agri salubritas responderet . Sed religio nobis est in societatem laudum Vestrarum , parentem nostrum admittere ; quidquid enim in bonarum artium studijs profecit , id totum acceptum referri debet Vestræ erga ipsum liberalitati , ac præcipuè Tuæ FRANCISCE CARDINALIS BARBERINE , Princeps optime eruditissimeque , cuius immortalia in eum , promerita grata semper mente recolimus : & quando illorum is est numerus , ut satis cumulatè gratias agere Tibi non valeamus ; illud certè præstabimus , ut tantas habere , quantas maximas animi nostri capere possunt , non desinamus . Et sanè nullum propensæ voluntatis , ac eximiæ munificentiae testimonium excogitari potest , quod patri nostro Tui semper obseruantissimo non exhibueris : il-

luni

lum namque in ædibus tuis benignè exceptum , aulicorumque numero adscriptum itinerum comitem adiungere , consiliorum Tuorum participem facere , eiusque opera in Latinis conscribendis epistolis uti voluisti ; & quod in maximi beneficij loco ponendum , æquissimum Te semper (quæ Tua est humanitas) æstimatorem ac iudicem studiorum , quibus operam dabat , præbens , ad labores alacriter subeundos , extremamque manum imponendam ijs lucubrationibus , quæ studiosis magno usus esse poterant , incitasti : sperabat enim fore aliquando ut eruditi comprobarent , quod tersum tuum ingenium , acerrimumque iudicium non læsisset . Extremum illud esset , ut summis Vos CARDINALES AMPLISSIMI , ac PRINCEPS EXCELLENTISSIME , precibus obsecrarem , ut hunc qualemcunque commentarium multis nominibus , & rationibus Vobis debitum aduersus maleuolorum obtrectiones , inuidorumque morsus tueremini : sed minimè dubitamus ,

dubitamus, quin eius operum defensionem suscepturi sitis, quem, dum viueret, amore singulari complecti, multisque modis ornare non destitistis. Quod si nos benigno fauore à Vobis respici, conatusque nostros probari intellexerimus, nostrarum partium esse putabimus maiora quædam eiusdem auctoris, & fortasse Reipublicæ literariæ non leuiter profutura syntagmata (ac in his antiquarum Inscriptionum collectanea, opus magni moliminis, ac multiplicis utilitatis) quorum ad perfectionem nihil ferè desideratur, in lucem vsumque publicum sub Vestri nominis auspicijs proferre; aliaque tantùm affecta (si humaniorum literarum auxilio, quibus excolendis pro exiguis ingenij nostri viribus incumbimus, paternis vestigijs insistere dabitur) ad vmbilicum perducere, ac de eorundem editione quamprimum cogitare. Nos interea Deum supplices venerari non cessabimus, vt Vestri patrocinijs semper exoptati compotes fieri nos contingat; nec minùs vt Vos communi commo-

modo


modo nunquam non prospicientes quàm
diutissimè seruet incolumes. Benè, &
feliciter valetè; ac nos amplissimæ Di-
gnitatis Vestræ studiosissimos in fidem,
clientelamque Vestram recipite. Flo-
rentiæ vj. Id. Maij MDCLXVII.

EMINENTIIS VESTRIS, ET EX-
CELLENTIÆ TVÆ

Deuotiss. & Obsequentiss. Serui

Franciscus, Alexander, & Angelus Donij.

AD LECTOREM.



TSI multa grauiſſimorum ſcriptorum loca ,
quæ non aliena ab autoris inſtituto videban-
tur , ſive ab ipſomet in aduerſarijs notata ,
ſive à nobis inter legendum animaduverſa eo
animo collegeramus , vt non mediocri aucta-
rio locupletatum opus hoc eruditorum iudicio committe-
remus ; quia tamen res erat plurimi otij , nec alioquin ea
librorum copia ſuppeteſbat , quæ neceſſaria eſt hanc Spar-
tam pro virili exornare cupientibus , editionem operis
diutius remorari , ac ſtudioſorum commodis deeſſe nolui-
mus . Accedit quòd nullum tam iniquum alienorum la-
borum æſtimatorem fore putamus , qui parentem noſtrum
propterea reprehensione dignum putet quòd in argumen-
to adeò operoſo , ac in tanta rerum varietate cuncta per-
ſequi non potuerit ? *in magna enim ſylua* (vt ait rerum
ruſticarum ſcriptor elegantiffimus Columella) *boni vena-*
toris eſt indaganter feras quamplurimas capere , nec cui-
quam culpa fuit , non omnes cepiſſe . Quanquam igitur
hoc opus plurimis rebus ornari , nec pœnitendis addita-
mentis illuſtrari potuerit , dignum nihilominus cenſeri de-
bet , quod publici iuris fiat , eruditorumque calculis ap-
probetur . Nam vt de inſigni vtilitate qua non Urbem
modò cæterarum Reginam , patriamque omnium com-
munem , ſed vniuerſum ferè terrarum orbem ager Ro-
manus ex autoris ſententia repurgatus afficeret , nihil in
præſentia dicamus ; multa ſanè occurrunt ex Philolo-
giæ penu deprompta , quæ rei Antiquariæ curioſis inda-
gatoribus magni momenti videri poſſint : partim enim Ro-
manorum magnificentiam in ingentium operum conſum-
matione vindicat ab eorum calumnijs , qui de Romani
Imperij maiestate ac ſplendore nimis anguſtè ſentiunt ;
partim veterum mores atque inſtituta ſolenter exquirunt ;
partim veros locorum ſitus ac facies tùm ex autorum testi-
monijs ,


monijs, tùm ex proprijs obseruationibus deprehendit. Sed ne quis putet autorem φιλολογικῶς tantùm, non τεχνικῶς de restituenda salubritate agri Romani agere; sciendum est de aeris (quo nomine ventos etiam comprehendimus) aquarum, terræque natura, ac proprietatibus Physicè differere, veras insalubritatis causas ostendere, potissimaque remedia indicare, quibus illa, si non in totum tolli, at magna saltem ex parte mitigari queat: quam vtilitatem respicientes Romani Pontifices vtinam præclarum hoc opus sedulò aggredi, orbique Christiano tam insigne commodum asferre aliquando constituent. Verùm dissimulandum non est, locos quòsdam mutilos, nonnullasque lacunas in hoc opere ab eo relictas, quibus explendis plurimum laboris deuorandum nobis fuit: quàm feliciter id præstiterimus tuum esto iudicium erudite Lector; nos locos indicare volumus. Ac primùm pag. 40. de erat numerus milliarium, quibus Lorium Antonini Imp. villa ab Vrbe distabat pag. verò sequenti de erat itidem quoto esset ab Vrbe lapide Ficulea; nos ad septimum circiter positam notauimus, quia Cluuerio teste eo loci sita erat, vbi nunc fanum conspicitur, vulgari appellatione dictum *S. Vassile*, inter quod & Romam totidem milliaria numerari putamus. Pag. 71. poni debuerat annus, quo Tibur æquatum solo fuit; quia tamen ægrè reperiri poterat apud scriptores earum rerum quæ caliginoso illo sæculo contigerunt, indicare saltem volumus à quibus diruta, & à quo restituta fuerit ea vrbs, vt annorum numerus faciliùs indagari posset: sic & pagg. eadem & sequenti omissi erant rùm annus quo Præneste mœnibus nudatum, tùm quo funditus euersum fuit; lacunas suppleuimus appposito eo annorum numero, quem in Historia Pontificum affert Ciacconius. Pag. 84. agit autor de quibusdam populis longiùs à sole positis hyememque asperrimam habentibus: eos decimi climatis incolas constituimus; sicut octani qui in climate minùs Boreali habitant. Illud etiam monere, non abs re fuerit, ad confirmandam autoris sententiam, scriptorum quorundam nobiliorum testimonia à nobis quandoque

quandoque adhibita fuisse : & ut cætera missa faciamus , pag. 156. insignem ac pulcherrimum Herodiani locum attulimus ; ex quo faciliè quivis intelliget , cur lauros potissimum in aggeribus Castelli conferendas autor putaverit . Quod verò ad errata attinet , etsi adhibita quantum fieri potuit diligentia in id maximè laborauimus , ut in manus eruditorum quàm emendatissimum veniret opus ; quia tamen inepti amanuensis exemplo supra quàm credi possit corruptissimo , ac innumeris ferè mendis referto vñ sumus , *σφάλματα* quædam irrepsērunt , quæ licèt auctoris menti non aduersentur , prauam tamen scribendi rationem præseferunt , & genuinas , ac probatis Latinæ linguæ auctoribus vsurpatas dictiones cum barbaris , & vernaculis confundunt : ut exempli gratia pag. 16. verbum hoc *Castro* pro genere quodam morbi , aliaque huiuscemodis ; inter propria verò nomina pag. 25. *Zagarolum* pag. 71. *Cornetum* &c. oblongo charactere , quod pronum alij , alij Italicum vocant , describenda erant , uti nunc fit , & ut sæpiùs alibi à nobis factitatum obseruabis , candide Lector . Leuiores quædam menda quæ plerunque à Typographis admittuntur , cum faciliè à quolibet deprehendi queant , breuitatis causa præterimus : nonnulla tamen ab iisdem admissa quæ videbantur grauiora , quæque auctori maculam inurere poterant , in calce huius paginæ annotauimus . Hæc sunt de quibus te monere satis causæ habuimus , benigne Lector : cuius humanitatis erit , conatum hunc nostrum atque ingens bonas artes iuuandi desiderium , æqui bonique consulere , animumque addere ad ea perficienda , euulgandaque , quæ parens noster publico eruditorum vsui exponere cogitauerat , quorumque spem fecit in operum suorum Synopsi propediem in lucem proditura . Vale

ERRATA GRAVIORE SIC CORRIGITO.

Pag. 41. lin. 2. lege *Castrum* . Pag. 88. lin. 1. l. *Sardiniam* . Pag. 89. lin. 22. l. in *Gallia Cispadana* , *Venetia* . Pag. 138. lin. 28. l. *Pontina* . Pag. 163. lin. 14. l. *effectam* .

VRBANO



SANCTISSIMO D. N.
VRBANO VIII
PONT. MAX.

IO: BAPTISTA DONIVS F.

D Inocratem Architectum ferunt, BEATISSIME PATER, Alexandro Macedoni magnificorum operum cupiditate incenso persuadere conatum, ut Athon montem editissimum immensi cuiusdam Gigantis specie deformaret, altera manu non modicam gestantis urbem; altera craterem ingentem, in modum lacus, quo uniuersae illius montis aquae, fontesque confluere. Verum portentosam artificis audaciam aspernatum Regem unico responso elusisse, cum diceret nulli usui futurum oppidum, quod fructiferis circum agris, unde ciuibus alimenta suppeterent, cariturum esset. Et merito quidem, BEATISSIME PATER: nam ut otiosa, atque inania opera, quantumuis profusissimis sumptibus, atque ingenti molimine consummata, apud ignaram plebeculam reperiant fortasse admirationem, ac plausus; apud sapientes tamen, cordatosque viros nequa-

S

quam

quam pari laude censentur : ut quæ , quod præcipuum
esse debebat , utilitate sua careant , ac fructu ; nec quid-
quam amplius , quàm insanam , vanamque potentiam
ostendant . Nequaquam igitur tantum gloriæ possident
Aegyptiorum Regum Pyramides , quamvis aduersus
iniuriam vetustatis tot iam sæculis inuictæ , quantum
Romanorum veterum flumina æmulantes Aquæductus ,
quæ complanatis , quæ intercisis montibus per longa spa-
tia fluentes : quantum militares Viæ ingentibus strata
silicibus , ac per magnam terrarum partem ad commer-
cia gentium diffuse : quantum Pontes , Emporia , Por-
tus , Fora , Basilicæ , Curie , Porticus ; quæque alia gens
ad mansuefaciendos homines nata magnificentissimè per-
fecit : nam ea quidem , quorum præcellit luxus utilita-
tem commemorare me suppuget ; apud SANCTITA-
TEM TVAM præsertim , quæ morum arbitra , ac ma-
gistra non supremæ tantum dignitatis virga , sed inter-
næ quoque virtutis norma dignoscitur . Ne idem euen-
turum sit mihi , BEATISSIME PATER , magnam ,
difficilemque tractationem aggresso , sanè non leuiter re-
formido , tenuitatis meæ præsertim conscius , nec ignarus
à summis etiam viris , nedum ab infimis sacri istius
solij celsissimum culmen summa cautione , ac reuerentia
nunquam non adiri : sed quæ Tua summa benignitas est ,
quam tanta Maiestas non imminuit , si minùs ἐχέριμα
istud placebit , aut titulo operis , quod Tuis sanctissimis
pedibus subijcio , ἐπαύσια non respondebit ; non despero , quin
magni illius Regis instar sola errati , atque ἀποτυχίματος
admonitione , vel inscitiam , vel temeritatem meam
castigasse contentus , voluntatem publicæ rei commodan-
di ,


di, quantum exiguae meae vires sinunt, certè non
damnes: atque ut ille Dinocratem in extruenda sui no-
minis Ciuitate feliciter postea exercuit; sic Tu porrò in
alijs operum ministerijs experimentum mei sumere non
recuses. Atque utinam tantum mihi suppeteret ingenij,
atque eloquentiae, ut res à Te gestas amplissimas, Tuas-
que potissimum virtutes stylo consequi possem; emitterer
profectò, ut excitata in multiplicem seriem laudum
quasi celsissima Pharo auspiciatissimi Tui nominis, un-
decunque absolutissimi Pontificis, ac Principis exemplum
posteris praeluceret. Sed quoniam multò maiorem haec
artificem postulant, non committam certè, ut *παταξῇ*
καὶ παράπῃ, quantulacunque mea facultas est, pigro igna-
uoque otio torpescat. Video enim iniunctam abs Te mi-
hi laborandi necessitatem, immò currenti, quod dicitur,
calcar additum, cum commendatione Tua, atque EMI-
NENTISSIMI CARDINALIS BARBERINI, Se-
natus amplissimus honestissimum mihi Secretarij mu-
nus imposuit. Quo beneficio non minùs ad exercendos
omnes ingenij, atque industriae meae nervos animatum
me sensi; quam ad meam in Te pietatem, ac deuotissi-
mam mentem quocunque genere obsequij possem conte-
standam. Itaque non modò notitiam Episcopatum ab
diligentissimo doctissimoque Lauro, qui me praecessit,
inchoatam, SANCTITATIS TVAE iussu perficere;
sed multò latioribus finibus, ac longè operosius aggressus
sum (quod opus nunc quidem satis belle procedit) sed
alia quoque magni moliminis, & ut spero, fructus
συντάγματα à me olim incepta subsequens horis expolien-
da suscepì. Sed quoniam haec partim ab instituto meo

aliena cuiuspiam videri poterant, partim adminicula
quædam requirebant, quæ non erant ad manum, in
commodiorem locum seposita sunt. Interim hanc leuioris
negotij opellam (Augustini Steuchi Bibliotheca Vaticana
Custodis, qui de nauigatione Tiberis scripsit, exemplo
incitatus) superioris anni vacationibus inchoatam, nu-
peris verò, quantum à festinante, ac multifariam occu-
pato potuit, absolutam SANCTITATI TVAE reue-
renter offero: argumentum nactus opinor, in quo non
tam ostentatio eruditionis, à qua semper abhorruì, quàm
communis utilitas, & propria (si dicere fas est) no-
minis Tui gloria quæreretur. Nam cum novis, atque in-
signibus operibus non Urbem modò, sed totam Ecclesiæ
ditionem muniri, atque exornari à Te cernerem; minimè
culpandus videbar si quæ veræ gloriæ stimulis inflam-
mato, quæ paternæ charitatis face, in publica commoda
nunquam non excubantis, accenso, tanquam igni pabu-
lum, recentem laudis materiam subijcerem. Quid enim?
Hadriani moles firmis, atque ingentibus operibus inclu-
sa: in Vaticano armamentarium institutum, copioseque
instructum: Pontificia domus reconcinata, atque excul-
ta; in Quirinali egregiè ampliata: vetusta templa à
fundamentis restituta: Vaticana Basilicæ adytum, Petri
ac Pauli pignoribus sacrosanctum, magnificentissimo ope-
re contextum: Bononiensium, ac Ferrariensium fines va-
lidissima hinc arce, illinc opportunis aggeribus præmuni-
ti: Centum Cellarum portus repurgatus: aliaque fortasse
non minora hæcenus à Te perfectæ, uberem scilicet cam-
pum exercendæ sacundie disertis aperient: mihi satis est
(cui diuinitatibus magis, quàm humanis facultas suppe-
tit)

tit) si nouas molitiones excogitandi, proponendique
ἀποφύλω, & copiam præbeant. Igitur cum animadu-
terem Romanæ regionis insalubritatem ab omnibus agno-
sci: à multis desleri: à quibusdam eius causas inquire:
à paucis rectè dijudicari: à nemine remedia asferri: ope-
ræpretium duxi, ut quæ circa hanc ἀπαρµατεῖαν vel à
τοκαλῖβυς magistris audiendo, vel à mutis legendo,
vel à memetipso cogitando collegeram, in commenta-
rium redigere. Tametsi enim vix quidquam hic erit
fortasse, quod non aliquem aduerterit, nemini tamen
omnia simul, nisi ad eandem se accinxerit παρατίξιπον,
in mentem venire potuerunt; & si venerint, conduci-
bile nihilominus fuit alibi dispersa componere, ac sub
vnum aspectum dare: saltem ut peritioribus (quorum
iudicio quidquid scripsi, aut scripturus sum non grauate
submitto) facultas de tota re æstimandi adesset. Nihil
enim mihi propositum est aliud, quàm publicæ litare
utilitati: quod si aliqua ex parte consequor, satis gran-
dem operæ meæ fructum videor laturus. Non enim
hic, BEATISSIME PATER, de Atho effingendo,
aut nauigabili efficiendo: non de perfodiendo Isthmo:
non de Aegyptio mari cum Arabico sinu iungendo: non
de Ostia tenus Urbis mæmibus producendis: non de
fossa ab Auerno ad Tiberim excananda: queque alia
olim ut temerè cogitata, sic infelicitè tentata sunt: sed
de salutari, ac perutili, ita me Deus amet, opere,
nec perinde difficili disputamus. Sic enim existimo,
BEATISSIME PATER, tutissimam iniri posse
viam, qua parum commoda hæc Latini, Etrusci, ac
Sabini agri pars sine immensis sumptibus, citra inex-
haustos

haustos labores, non uniuersim, atque uno tempore;
sed regionatim, & κατὰ βραχὺ ad eum statum, ac διά-
θεσιν reducatur, ut non minus, quàm Romæ salubriter
ibi homines degant. Quod aliquantò fusius, atque enu-
cleatius exposui, ut rudioribus etiam, ac δυσπιστοῖς
(quorum & habenda ratio fuit) satisfacerem. Quæ-
dam etiam leuandi fastidij gratia ex Philologiæ penu
παρεβανῶς aspersi. Quibus si ab isto summo rerum
humanarum fastigio diuinæ Sæ mentis aciem, quæ to-
tū undique collustrat orbem, vel pauxillulum adj-
cere dignabitur SANCTITAS TVA; quæ propria ca-
rent, mutuatitia saltem luce fulgebunt.

Autor



Autor ad Librum.

I Liber, & summo Terrarum Iudice fretus,
Cui te dicasti, quem cupisti vindicem,
Obtrectatorum, quos Aula saginat, & odit,
Contemnere aude tela felle lurida.
Tela quidem hoc tutus fortasse umbone repelles,
Quæ virulenta natio euomit palam:
Si probus es, rabidis sed fies dentibus esca,
Queis illa clam, dum lambit ore, lamberat.

Encomium Operis.

Consulis Vrbi, Orbi folijs æquande Sibyllæ,
Æternaque liber viuere digne cedro:
Romæ ager impleri qua possit Donius arte,
Nullæ non artes cui patuere, monet:
Vrbanum monet; hinc librum emetire; Magistrum
Romanæ cathedræ, consilijque docet.
Est ingens libri sapientia, cuius ab usu
Vel summi possunt discere Pontifices.

Vincentius Glarea Soc, Iesu Sacerdos.

DE

I
D E
R E S T I T V E N D A
S A L V B R I T A T E
A G R I R O M A N I .



MAGNA solet esse , ac frequens hominum querela hac tempestate Romæ versantium , non aduenarum modò, sed etiam ciuium, atque incolarum ; quòd cùm hæc Vrbs , alioqui florentissima nihil fermè desideret eorum quæ vitæ quotidianus vsus exposcit ; non ad necessitatem tantum ; verum etiam ad voluptatem , & copiam ; scilicet situs opportunitatem , ædificiorum frequentiam , ac commoditatem ; tùm omnis generis copiarum magnam abundantiam ; aliaque huiusmodi : cumque circumiacentis agri natura sit admodum fertilis , ac præpinguis ; eius tamen salubritas ad cæteras dotes minimè respondeat , imò Romanæ Urbis conditio hac ex parte sit planè deploranda . Nam cùm alijs in locis frequens sit rusticandi consuetudo ; quæ & sanitatem corpori , atque animo diuturnis curis , ac negotijs fesso tranquillitatem restituit : hic , vbi propter multiplices , atque assiduas curas , quibus magna pars hominum , præsertim spectatiorum , ferè dstringitur ;

*Querela
hominum
de aeris
Romani in-
salubritate*

*Rustican-
di consue-
tudo alijs in
locis .*

A

agrorum

*Anni tem-
pus ad ru-
sticandum
Romæ pe-
riculosius.*

agrorum secessus, ac ruris otium nimiooperè expe-
tuntur; ab æstiuo solstitio ad æquinoctium usque
Septembris, & nonnunquam longiùs, non modò
sine maximo vitæ periculo pedem porta proferre
pernoctandi in propinquis locis gratia neutiquam
licet, sed nec in vineis, quæ intra mœnia sunt
tutò conquiescere. Suppetunt quidem, si longiùs
processeris, amœnissimi, ac saluberrimi colles,
quibus omni tempore feriari, atque oblectare te
possis; sed nec omnibus Albanæ, Tusculanæque
Villæ, ac Tiburtini ruris deliciæ sunt expositæ;
nec ex facili, & quandocunq; volueris in longin-

*Secessus
quidam sa-
lubres, sed
longiùs po-
ssis in mœ-
nibus.*

*Peregrini
mirantur su-
burbana
tatis sum-
ptibus ex-
trui, atque
ornari à
Proceribus
Romanis.*

qua patet excursus. Quare non sine causa Tran-
salpinos, atque exteros homines nonnunquam ad-
mirari videmus, Amplissimorum Præsulum, Roma-
norumque Procerum tanto studio, ac sumptu vil-
las, ac suburbana ædificata fuisse; atque omni ge-
nere ornamentorum locupletata, ex quibus, si for-
te illò æstate accesseris, tum maximè sit exceden-
dum, cum vespertinæ auræ frigus ad manendum
inuitarit. Ex qua Cœli inclementia illud quoque

*Ob aeris
intemperie
ager Ro-
manus a-
lioqui fe-
rax parum
colitur. nec
Urbs satis
frequentat-
ur.*

perincommodè accidit, ut vberissimi, feracissimi-
que campi raris cultoribus, nec satis diligenter
colantur; atque hæc Vrbs nobilissima minimè sa-
nè pro magnitudine sacri, profanique imperij,
quibus peculiari Dei beneficio decoratur, populo
atque habitatoribus exuberet. Enimuerò, si rem
acri cura æstimare velimus; atque hinc sanctita-
tem locorum: ædificiorum laxitatem: templorum
magnificentiam, ac vetustatem: rerum gestarum
memoriam

*Romane
urbis com-
moda, do-
tes, atque
ornamenta*

memoriam: perennium aquarum copiam: frugum omnium, ac fructuum affluentiam: hortorum amœnitatem: statuas, signa, tabulas pictas, columnas, obeliscos, thermas, amphitheatra; ac demùm rerum omnis generis visendarum varietatem, & copiam reputemus: illinc verò nobilium virorum, ac Principum Aulas: crebrarum legationum magnificentiam: Tribunalium diuersitatem, atque ordinem: doctorum, ac prudentium virorum frequentiam: gentium propè omnium quotidianum affluxum: quodque magis refert, Ius ex æquo omnibus tributum: securitatem à perditorum hominum vi, ac cædibus: apertum omnibus per laborem, atque industriam ad summos honores iter: patriam deniq; Christianarum gentium communem, ac Romani Pontificis Sedem augustissimam hanc esse cogitemus; haud sanè vlli Italicæ Ciuitati populi frequentia cessuram fuisse dicemus; nisi Cœli, ac locorum salubritate plerisque concederet. Cogitationem meam hoc loco præterire non possum, in quam, vti solet, aliam ex alia re cum animo meo reputans, nonnunquam deueni. Nam cùm vetus illud Latium adeò desertum, squalidum, atque incultum aspicerem, vt si paucorum oppidorum incolas demas, omnis propemodum veterum Latinorum soboles radicitus interiisse videatur, campique prorsus inculti sint mansuri, nisi vt aues quædam aliunde in Italiam commeare solent, ita agricolarum cateruæ è Tuscorum, ac Picentium finibus; tùm etiam è Pelignorum, ac Samnitium

*Cogitatio
auctoris de
orbis terrarum
fene-
stræ.*

*Latium ho-
die penè de-
sertum.*

Aduentum a-
grum Ro-
manu co-
lunt.

Latinorum
ingēs olim
multitudo,
& Coloniae
emisse.

Alba oppi-
dum intra
CCCC.an-
nos ex quo
cōdita fuit
xxx.Colonias
emissit

Similitudo
mundi se-
nescētis ab
arboribus,
& homini-
bus ducta.

montibus lucri auaritia illecti quotannis adueniant, qui agri Romani vastitatem expleant; ac ferendis, metendisque frugibus operam suam locent: cū hac, inquam, quotidie viderem, & contra reputarem Latium esse quod gentes propè omnes edomuerit; ac vi armorum mansuefactas ad accipiendas Euangelij leges praeprauerit; Latium esse quod innumerabiles exercitus è sinu suo effuderit: Latium esse quod non Italiam modò; sed Gallias, Hispanias, Britannias, Germanias, Noricum, Pannonias, Daciam, Illyricum, Sardiniam, Siciliam, Africam, praecipuasque orbis terrarum prouincias Colonij frequentarit: cū ex vnica Latij Vrbe tenuibus orta initij intra CCCC. fermè annorum spatium triginta non modica oppida propagata fuisse cognoscerem, subiit animum rerum humanarum fragilitatem misereri, earumque incredibilem vicissitudinem admirari. Qua ex cogitatione illud quoque consequutus videor, vt eò procliuior sim in eorum sententiam, qui firmis sanè rationibus orbem terrarum ad extremam propè senectutem deuenisse confirmant. Vt enim cū frondes arboribus decidunt, appropinquare hyemem, hoc est, anni senium intelligimus, cū hominem caluum fieri intuemur, senescere illum minimè dubitamus; ita cū hoc Latium mundi videlicet, ac terrarum caput, cultoribus penè vacuum, atque oppidis infrequens contemplamur, vltimæ senectutis tanquam mundi caluitiem quoddam signum agnoscimus. Sed vt eò redeam vnde digressus

digressus sum, illud in confesso apud omnes esse debet, cum Vrbs Roma Pont. Maximi Regia sit, quotidieque ingens hominum numerus propter varia negotia, quæ hic necessariò tractantur, huc confluant; nec tamen ceteras omnes Italiæ Vires incolarum numero assequatur; non aliò referendum esse, quàm in circumiectæ regionis naturam parum certè salubrem, atque humanis corporibus accomodatam. Nam quantum quidem ad ipsam Urbem attinet, etsi mihi propositum non est de illius salubritate, vel insalubritate *προνουμέως* differere; non abs re tamen fuerit quædam hic obiter à me obseruata proferre: nam Marsilius Cagnatus, qui diu Romæ magna cum laude doctrinæ, & experientiæ medicinam fecit, libellumque conscripsit, DE SALVBRITATE AERIS ROMANI, satis accuratè de tota re disputauit. In cuius equidem sententiam, vt verum fatear, valde propensus sum; vnà cum illo existimans iniuria huius Urbis aerem tamquam omnino noxium, ac pestilentem damnari. Nam primùm longo interuallo scimus pestilentiam minimè hic, vt in alijs Italiæ oppidis fuisse grassatam: deinde nec fortasse morbi hic frequentiores, aut grauiores, quàm alijs locis (quæ saluberima vulgò habentur) solent existere; ac sæpe, vt hac ætate euenit, nusquam maior salubritas. Ægri- tudines verò, quas huius Urbis tamquam peculiare Alex. Petronius agnoscit, nempe lassitudo vi- rium repentina, grauedo capitis, ac plethora fa- cilè credi potest non tam aeris vitio, quàm alijs

Romani po- puli medio- critas ad agri intem- periem re- ferenda.

De Roma- ni aeris sa- lubritate, dicitur disse- ruit Afars. Cagnatus.

Aer Roma- nus saluò pestilens ha- betur.

*Libro II.
Cap. 1.
De vitia Romanorum.*

de

*Agritudi-
nes Roma-
ne Urbis
peculiares
aliorum
referenda.*

*Febris quo-
tidiana cū
καταλήψει
Romæ fre-
quens.*

*Incubus,
Tabes
Romæ etiā
frequenter
afflipulante
Galeno.*

*Morbi ali-
quot certis
regionibus
frequenter
grassantes.*

de causis, quod Cagnato probatur, exoriri. Idem-
que dicendum est de morbis alijs, qui licet fre-
quenter Romæ sæuiant; non idcirco tamen Ro-
manæ Urbis ἐπιχώριοι, siue ἐνδήμιοι, hoc est vernaculi,
& peculiares dici debent: cuiusmodi sunt febris
quotidiana cum καταλήψει, quam Asclepiades (qui
ætate Pompeij Magni Romæ floruit) apud Ga-
lienū crebrò Romæ existere prodidit: semitertia-
na, Græcis ἡμιτρίταιος, quam Galenus itidem sæpe
Romæ grassantem expertus est: Incubus, siue
ἐφιάλτης, qui non morbus, sed symptoma potius est:
sanguinis expulsiō; eique affinis tabes, siue φθίσις.
Ex his morbis, licet nonnulli humidioris aeris
peculiares videantur, Incubum verò ab eius cras-
sitie gigni probabile sit; nullus tamen eiusdem ma-
lignitatem, siue pestilentem vim indicare videtur.
Præterea nemo ferè nescit plurimis in locis pecu-
liares quasdam, certasque ægritudines frequentius
inualescere; quæ siue aeris, siue aquarum, siue ali-
mentorum vitio efficiantur; non propterea earum
regionum aer noxius, ac pestilens censerī debet.
Sic Achaia olim lippitudine frequenter exerce-
batur, Athenæ podagra, Aegyptus, ac Syria ele-
phantiasī, quam vulgò lepram vocant, Myconos
caluitio, Caunus lienis vitio. Sic hodie strumas
in Hispania: bronchocele in Alpibus: Tridenti
pleuritidem: Venetijs hæmorrhoidas: in Ægypto
hernias: in Britannia sudorem Anglicum: in Pan-
nonia febrim Hungaricam: in Polonia plicam,
quam vocant Polonicam, vulgares esse morbos au-
dimus,

dimus, & legimus. Quin etiam regiones quædam, locaque omnium confessione saluberrima, cœlique magna temperie gaudentia minimè carent frequentioribus quibusdam, & quasi familiaribus morbis. Sic peticulæ (hoc est noxia illa exanthemata, quæ putridas, malignasque febres comitari solent) iuvenes iuxta ac senes Florentiæ (quæ cum quavis Italiæ Vrbe salubritate certat) frequenter exercent: *Αποπληξες* verò prouectiores ætate crebrò aggrediuntur. Tertianæ, quartanæque febres Carpetanos frequenter infestant, cùm tamen tota ea regio, ac præsertim Madritum (quæ Mantua veterum creditur) omnium consensione Hispanorum saluberrimo aere, atque excellentissimis aquis perfruatur, vt propterea Hispaniarum Reges posthabita Toleti Vrbe, quæ veterum regum antiquissima sedes fuit, situque gaudet omni ex parte peropportuno, ibi solium collocarint. Sunt quædam etiam Regiones à certis quibusdam morborum generibus immunes, nec alijs continuò bonitate aeris præcellunt: sed propter insitas quasdam, atque obscuriores causas: qua ratione in Hungaria Comitiale morbum; in Scotia quartanam febrem ignotam esse credi potest. Quòd si quis obijciat senes Romæ perpaucos videri; atq; hinc Romani Cœli grauitatem velit astruere; primum ei cum eodem Marsilio respondebo, senes vbique paucos conspici: deinde non tam id aeris causa, quàm ob alias rationes quas ipse recenset, paucos Romæ ad senectam ætatem pertingere. Obseruatum præterea

Loca etiã saluberrima certis quibusdam morbis obnoxia.

Madritum ob aeris salubritatem posthabita Toletu à Regibus Hispaniarum colitur.

Quædam regiones à quibusdam morbis immunes.

Obiectio quorundam à senum paucitate: & solutio.

Pauci Romæ senes ob causas à Marsilio allatas.

*Neapoli
quoq; pau-
ci senescunt.*

præterea fuit Neapoli (qua non alia magis Italię
Vrbs salubritate Cœli, atque amœnitate regionis
gloriatur) non admodum multos consenescere :
frustra igitur huiusmodi argumento insalubrem
Romam nonnulli dictitant . Non agam tamen
astutē, aut dissimulanter, sed potius, quod mihi
videtur, candidē, ac sincerē proferam . Romanum
aerem noxium fortasse natura, atque insalubrem
existimare possumus ; sed certē ubicunque tectis ,
atque ædificijs frequens est Vrbs ; ibi tutō ac sa-
lubriter non minūs quàm ubiuis locorum toto an-
no vita traducitur . Suadet hoc , quōd ubi paulō
à frequentia tectorum longiūs processeris, experi-
mento cognoscitur Cœli quædam grauitas, atque
intemperies : sic in hoc perpetuo Quirinalis Collis
dorso Pontificia domus optimo, ac saluberrimo
aere gaudet : contra horti, ac vineæ, quæ circa
Thermas Diocletiani, atque Emissarium aquæ Fe-
licis sunt, in quibus minūs tuta est habitatio, ac
pernoctatio ; tantoque periculosior, quantō pro-
piūs mœnibus Urbis, portæque Nomentanæ, hoc
est Piæ, successeris : immō (quod mirum exteris
videatur) breuissimi interualli discrimine, hic sa-
lubris aer existimatur, illic contra noxius, & dam-
nabilis : vt in hoc eodem Quirinali declue illud
latus, quod in meridiem, & Exquillas vergit, ubi
D. Vitalis ædem videmus, malè audit (etsi for-
tasse iniuria) contra alterum in septentrionem, ac
portam Salariam obuersum tutum, ac salubre perhi-
betur . Denique vt vniuersim rem definiam, quæ-
cunque

*Romanus
aer natura
grauior
sed tectorū
causa satis
commodus.*

*Experimen-
to hoc pro-
batur.*

cunque loca crebris ædificijs ambiuntur, atque editiora sunt, & in Septentrionem, atque Orientem spectant, & longiùs à Tiberi absunt, salubriora: vice versa quæ seiuncta sunt, & remota à frequentioribus tectis, situque sunt humili, ac maximè in conuallibus; tùm propiora Tiberi, in Meridiem, atque Occasum solis spectantia, minùs salubria à peritioribus habentur. Quæ verò media quadam conditione sunt, ita vt partim bonas, partim malas qualitates participant; prout plures, paucioresue vtrinde sumpserint, ita magis, vel minùs salubria existimantur. Qua ratione efficitur, vt Capitolium, eaque pars, quam dixi Quirinalis Collis; Exquilini verò ea, quæ Viminalem propiùs aspicit, vbi D. Petri ad Vincula templum conspicitur; eademque ratione summum Ianiculum, ac Collis Hortulorum; præterea collis ille, qui vulgo Citorius dicitur (ex quo imperiti quidam antiquarij nescio quem Citatorium somniarunt, qui potiùs, vt doctiores iudicant, ex Villæ Publicæ ruderibus simul aggestis in collem excreuit) itemque Sabelliorum domus supra Marcelliani Theatri congeriem posita; quòd editiora sint, & quoquo-uerius frequenribus tectis, ac focus circumdata, saluberrima totius Urbis loca iure censentur. Planities verò Campi Martij, ac recentioris Romæ non multò minùs; nili quòd ea domus, ac vici, qui Tiberi imminent aliquantò etiam magis ab editioribus locis, quæ primo loco recensui, salubritate superantur. Proximo gradu sunt ij montes,

Regula locorum salubrum dignoscendorum.

Loca Urbis saluberrima.

Loca mediocriter salubria.

B

qui

qui à meditullio Urbis longiùs absunt, vt Exquilini, & Viminalis maior pars, Palatinus, Cælius, Auentinus, quorum habitatio certis temporibus periculo, vel certè suspicione non vacat: quamquam Exquilinus, vtpote magis ad Septentrionem, atque Ortum solis expositus, haud paulò fortasse salubrior est: Auentinus verò (quod de Ianiculo quoque par est credi) licèt infrequentior sit, ac Tiberi vicinior, & in Meridiem, atque Occasum magis vergens, propter eius non modicam altitudinem, meliori conditione censeatur; Pontifices enim Maximos quatuor ab hinc sæculis solitos ibi versari accepimus; hodieque videmus eos, qui in Coenobijs S. Sabinæ, ac S. Alexij viciantur percommoda valetudine frui. Reliqua sunt loca plana veteris Urbis, quæ deficientibus ædificijs, pigroque, atque immoto aere sordescunt, & propter veteres parietinas, cryptasque aliquantò etiam magis noxio; planè incommoda, atque insalubria vulgò feruntur; quæ nominatim recensere nil attinet: hoc tantùm adijciam ob rationes supra positas, quotidianamque experientiam cæteris deteriora esse, quæ vel Tiberi adhærent, vel conuallium instar montibus obsepiuntur: ex quo liquet regionem Circi Maximi inter Palatinum, atque Auentinum sitam, omnemque illum campum, qui inter Auentinum, ac Tiberim, portamque Ostiensem iacet, planè noxium esse, ac damnabilem. Quòd si quis regulam aliquam desideret qua diiudicare possit, duorum locorum, quorum alteri ex

Loca insaluberrima.

Regula ad dignoscendum vter duorum locorum salubrior sit.

ijs,

ijs, quas attuli bonis conditionibus vna, alteri alia patrocinetur, vter sit salubrior; videndum est scilicet, quænam earum conditionum potior sit.

Exemplo res fiet manifestior. Æliæ arcis Australi parti fauet propinquitas Urbis, eiusque frequentissimæ regionis ex aduerso positæ: contra Boreali eiusdem arcis parti, quæ Neronianis Pratis immi-

Arcis Æliæ, seu S. Angeli Borealis, & Australis pars.

net, obiectus ipsius Aquilonis commodat, vbique ferè, sed Romæ præcipuè salubris. Vtrique igitur tutior, ac salubrior habitatio in ea arce degentibus erit? & ratio ipsa docet, & experientia ostendit, commodiorem eam habitationem esse, quæ ad Urbem, & pontem ipsum Hadriani spectat; licet in Austrum vergat, ac flumen indidem aspi-

Australis salubrior.

ciat: quoniam nimirum Boreæ flatus non semper aerem ventilat, ac purgat: contra purgatio, quæ ab hominum frequentia, ac tectis, focisque efficitur, perpetuò durat. Sunt verò etiam peculiare magis quædam causæ, quæ ad corrigendos insalubrium locorum situs magnum momentum afferre possunt. Exempli causa: statio equitum custodiæ Pontificiæ, ac S. Inquisitionis carcer, quæ Leoninæ regionis mœnibus ad meridiem adhærent, eam sedem obtinent, qua vix alia tota Vrbe damnosior, ac minùs salubris reperietur. Primùm enim

Statio equitum custodiæ Pontificiæ, & S. Inquisitionis carcer.

insaluberrimis ventis Austro, Africo, atque Euro-noto locus is obiacet: deinde occidenti soli, qui potissimùm ingentem vaporum copiam excitare solet, quàm maximè est expositus: denique concavus est, ac depressus in modum conuallis, quam

Ianiculi iugum, ac Vaticanæ collis brachium efficit: qua ratione necesse est aerem ibi facili negotio computrescere, cum minus bellè perfletur; atque ex repercussu imminentium collium solis radijs supra modum æstum augeri. Numquid igitur homines ibi perpetuò morbosæ sunt, ac brevis vitæ? nequaquam: immò S. Officij curatores, ac ministri, cæterique proximas ædes incolentes comoda sanè valetudine vtuntur. Inclusorum verò, qui in eiusdem Tribunalis carceribus detinentur (qui, vt accepi, bellissimè valent, ac diutissimè viuunt) alia ratio est: id enim efficit cum victus admodum sobrius; tùm vitæ genus sedatum, atque aeri minus expositum, vt propterea, qui inde emittuntur breui fermè intereant. Sed cum propinquus ager adeò sit pernicialis, ac noxius, vt ob id Vallis Inferni vulgò audiat; quid proximam Leoninæ Urbis partem tolerabilem efficit, nisi fornacum ignis, calcem, lateres, aliaque fistilia sine intermissione percoquens? magnam quippe vim depurgando aeri nactus est ignis: quod alio indicio fiet manifestum. Ea pestilentia, quæ Venetias anno MDLVI. afflixit, Murani incolis (qui omnes ferè artem vitriariam exercent in insula duobus circiter milliaribus Venetijs remota) percipisse dicitur, fornacum scilicet vitriariarum causa assiduè ibi succensarum: itemque Romæ vicus coriariarum ob acrem myrteorum foliorum suffitum, quæ ibi cumulatim putrescunt, immunis ab ea peste, quæ postremò Urbem afflixit, extinguit.

Qui ibi habitant salubriter viuunt.

Vallis Inferni.

Murani incolæ Anno MDLVI. Venetijs à peste immunes.

Item in Urbe coriariarum, & eius rei causa ex opinione vulgi.

se

se narratur . Sed cū hodierna pestilentia , quæ miserabiliter Italiam depascitur , satis ostenderit contagionis vi , non aeris vitio eam serpere ; nec Cœli temperiem quidquam prodesse , vbi ea lues inuasit : cumque ipsos Muranenses huius cladis ex-
 ortes minimè fuisse hoc tempore compertum sit ;
 maneat hoc fixum , ac ratum , bonitatem , ac te-
 nuitatem aeris aduersus veram , & genuinam pe-
 stilentiam parum quidem proficere ; sed tamen
 aduersus huiusmodi morbos , quos aeris grauitas
 progignit , ac fouet ; vt sunt febres malignæ , putri-
 dæque , pulmonis vitia , cachexia , aqua inter cu-
 tem , & his similes ; non natiuam tantum , ac pri-
 migeniam aeris puritatem , ac salubritatem pluri-
 mum conducere , sed eam quoque quæ extrinse-
 cus , atque ex accidenti efficitur ; ignibus scilicet ,
 flatibus , suffimentis , habitatione non leuiter pro-
 desse . Qua ratione id quoque sequitur , vt cū
 iampridem pestilentiam Roma non senserit , vt su-
 pra dixi ; nec crebrius , aut damnosius epidemici
 morbi hic , quàm alibi sæuiant , nequaquam insa-
 lubre , ac noxium Romanum Cœlum esse existi-
 mandum . At enim historia vetus docet , antiquis
 temporibus , & stante adhuc Republica creberri-
 mē pestilentiam Romæ grassatam fuisse ; siquidem ,
 vt idem Marsilius sæpius à me laudatus studiosè
 collegit ex Liuiō ; ducentorum annorum spatium ad
 consulatum vsque Cn. Cornelij , & C. Duillij , qui
 annus fuit ab Vrbe condita CCCCXC. vices , ac
 bis pestis Romam exercuit ; & tamen ea tempe-
 state ,

*Hodierna
 Venetiarū
 peste Mu-
 ranenses af-
 flicti .*

*Veram pe-
 stilentiam
 aeris salu-
 britas non
 avertit .
 Aduersus
 tamen ex-
 terno-
 rum salu-
 britas ac-
 cidit , tum
 aduentitia
 conducit .*

*Non cre-
 brius fu-
 it quàm
 alibi epi-
 demici morbi
 sæuiunt , i-
 deoque Ro-
 manū Cœ-
 lum pesti-
 lens habē-
 dum nō est .*

*Frequens
 pestis men-
 tio apud
 Tit. Liuiū .*

state, cùm nondum vrbanis exoticis delicijs, luxuque fracti, atque eneruati fuissent, immò etiam tùm agros assiduè exercerent, ac bellicis studijs apprimè dediti, solibus, ventis, frigoribusque perpetiendis assuescerent; sani, maximeque robusti

*Et si tunc
homines ro-
bustiores fo-
rent.*

fuisse debuerunt: præterea ipsamet Vrbs, quamquam ijs lautitijs, ac magnorum ædificiorum miraculis, quæ postea successerunt minùs abundans;

*Et Vrbs
melius edi-
ficata.*

tamen & rebus ad victum necessarijs sufficienter instructa, ædificijsque solidis, ac benè compactis, scienterque, atque *εὐρύθμως* fabricatis (quæ veterum erat ædificandi ratio, etsi imperiti aliter censent)

*Atque ager
tectis fre-
quentior.*

luculenter ornata fuit: deinde ager ipse ijs temporibus optimè cultus, ac tectis frequens (propter quam potissimùm rationem non insalubrem fuisse paulò post docebimus) vrbani hominibus operum rusticorum, vel militiæ causa foras prodeuntibus, nequaquam vt hodie perniciem afferre poterat.

*Et ciuitas
mediocriter
populosa.*

Adhæc Romana ciuitas primis Reipublicæ temporibus nec infrequenter habitabatur, vt solitudo in ea exitiabilis esset, nec rursus tanta incolarum multitudine affluebat, vt nimia turba inuicem sibi officeret, ac sordibus squaleret, quibus maximæ quæque Vrbes scatere solent; ac propterea pestilentia (vera ne, an *καταχρηστικῶς* ita vocata non di-

*Genus hu-
manum eo
valentius,
quò primæ-
uæ origini
propius.*

sputo) sæpiùs diuexari. Quinetiam si verum est, vt doctiores putant, quantò propius homines à prima sui origine aberant, tantò fuisse valentiores, ac robustiores, consentaneum erat, minùs etiam illa ætate genus humanum morbis, ac pesti fuisse obnoxium.

obnoxium . Consideremus igitur quænam fuerit causa , cur nihilominus ea tempestate tam crebrò pestis hanc Urbem inuasit ; huic namque disceptationi valde connexa est ea tractatio , quæ est de agro Romano , eiusque SALVBRITE RESTITVENDA . Primo loco statuendum est , id quod Latinæ linguæ peritis faciliè insinuari potest, Pestis , ac Pestilentia vocabulo apud vetères non eam tantum , quæ propriè pestis hodie dicitur , sed quemcunque morbum paulò latius se diffundentem , ac populariter grassantem , appellatum fuisse : qua ratione omnes ij morbi , qui à Græcis *ἐπιδημια* dicuntur , in hunc censum veniunt , cum ea tamen differentia , quòd pestis de hominibus , pestilentia de locis, propriè , ac purè loquentibus, crebrius vsurpatur . Mitto latiore pestis notionem qua quidquid fermè noxium erat , atque importunum veteres appellabant , vt cum Lucret. lib. III. ait. *Discidium ut nequeat fieri sine peste , maloque* : quod non semel etiam apud Plautum occurrit , & vernaculæ quoque linguæ vsus agnoscit : missa hæc , inquam , facio , cum instituto nostro minùs quadrent . Sed hanc pestem, seu pestilentiam pro communibus, ac popularibus morbis , qui ob prauam anni constitutionem eueniunt , frequenter olim contigisse nil mirum : quippe non hic Romæ solum , sed alibi etiam idem hodie pallim euenire videmus . Sic Anno MDCXXII. æstas, atque autumnus magnum prouentum malignarum febrium attulerunt , quæ paucis

Disceptatio del' rbe Roma connexa cum ea qua de agro agitur.

Explicatio huius difficultatis à notione vocabuli Pestis.

Pestis quod est morbus epidemicus, seu popularis, seu appellata.

Huiusmodi morbi anni. MD. XXXII. MD. XXXVI. et MDCXX. regnarunt.

paucis mensibus multa hominum millia , ad vicina , vel tricena fermè ; atque ex his plurimos nobiles , atque illustriores oppresserunt . Anni verò MDCXXVI. recens est memoria , cuius ingressus , atque initium hyemis perniciem plurimis , non hic Romæ tantum , sed tota ferè Italia conflavit : ob vehementes enim Boreæ flatus , qui subito Austrinos dies , eosque perhumidos exceperunt , multas destillationum prauas , ac noxias species excitauit , præsertim , quam ridiculo nomine Castro-nem vocant ; qua caput , ac signanter fauces obsidentur . Hic morbus multos ex debilibus , eis-que qui non satis obrecti incederent afflixit , vel interemit : æstate verò Anni MDCXXIX. ingens hominum numerus ob malignas febres , quæ patulis , atque humilioribus Urbis locis , maximeque in Leoniana regione exarserunt , in rationem Libitinae venit ; quarum si vel modica pars hoc tempore , quo pestilentiaæ metu nihil non suspectum est , extitisset ; clamarent omnes pestem sine dubio Romæ grassari , atque ab eius accessu , tanquam ab Orci faucibus , refugerent . Antiquiora exempla non requiro , cum minùs ad institutum meum faciant ; atque hæc sufficere videantur , ut non minùs frequenter , quàm olim , si pestis vocabulum latius accipiatur , eam hodie existere fateamur . Age verò , cum olim circumiecta Romæ regio (ut inferiùs ostendemus) tam frequenter incoletetur , ut oppidorum , vicorum , villarumque numero nulli Italæ parti concederet ; hodie verò penè deser-

*Præsertim
in Leonia-
na Regio-
ne Anno
MDCXXIX.*

ta

ta sit, atque ædificijs vacua; quid mirum si tùm
frequentius popularibus morbis Latium exercere-
tur, cùm plures essent, qui participare hoc ma-
lum, ac latius communicare possent: deinde cùm
tanta esset vrbis hominibus cum proximis Latij
oppidis, & cum agro propinquo communicatio,
vt vna propè Ciuitas censeretur; potuit à Li-
nio lues extra Romam exorta, etiamsi minùs in-
tra Urbem peruenisset, cum ijs morbis, qui pro-
priè Urbem affligebant, connumerari: immò ex ip-
sius verbis suspicari id planè licet; nam libro V.
L. Valerio Potito, M. Manlio Coss. scribit pesti-
lentiam ortam in agro Romano ex siccitate, &
caloribus nimijs; quæ pestilentia talibus quippe
orta initijs fortasse intra agrum substitit; nec Ur-
bem (quæ propter insitam humiditatem æstate sic-
ca, & calida commodissimè valet, vt nuper ex-
perti sumus) vnà corripuit: tametsi cùm huiusmo-
di æstas aduenerit, ob id etiam Romæ salubris
esse consuevit, quòd maturius messis colligitur:
qua ratione duabus hisce proximis æstatibus pau-
cissimi agricolæ in morbum inciderunt. Præterea
cùm hodie tanta sit in proxima regione hominum
paucitas; etiamsi populares hi morbi nonnun-
quam ibi inualescant, haud facilè deprehendi pos-
sunt, vt olim. Mitto quòd ijs temporibus, quan-
tum ex silentio autorum liquet, minùs in vsu fuis-
se videtur ea cautio, quam pestilentie tempore
magno cum fructu seruari diligenter videmus; vt
nemini ferè ex suspectis locis, nedum ex infectis

*A magna
olim fre-
quentia ho-
minum.*

*Æstas ca-
lida, & sic-
ca Roma
præcipuè sa-
lutaris.*

*Id etiā ac-
cidit, quòd
propterea
messis ma-
turus sit.
Ob pauci-
tatem ho-
minum in
Latij popu-
lares mor-
bi minùs
deprehendi
possunt.*

*Antiqui pe-
stilentie tem-
pore magis
incauti.*

C

venienti

venienti aditus patefiat, nec ullius generis sarcinæ indidem aduectæ suscipiantur, quamdiu id malum durauerit; aut certè nisi priùs diligenter explorato viatorum itinere, atque habitu corporum, agnitisque magistratuum chirographis, qui sanos eos, ac sanis ex locis profectos liquidò testentur; ijsque testimonijs deficientibus, quadraginta dierum spatio, secluso aliquo suburbiorum in loco, procul à confortio hominum victitantes, sanitatis suæ præbuerint indicium. Quare cùm nondum veteres harum

*Ideo pestis
maiores
strages e-
debat.*

*Disquisitio
de Urbis
hodiernæ
dispositio-
ne.*

*Superficies
Urbis ho-
die planior,
& æquabi-
lior.*

cautionum, usu ipso edocti, vtilitatem animaduertissent, facile mihi persuadeo etiamsi natura humana tunc longè validior fuerit, maiora tamen incommoda à pestilentia viribus accepisse. Venio nunc ad eam partem, quæ ad hodiernæ Urbis dispositionem, ac faciem pertinet; qua in re primum illud statuendum est multò planiorem, ac magis æquabilem, quàm olim fuerit, nunc esse Romæ superficiem: nam & quotidiana docet experientia, ad dirigendas semitas, & commodius iter vehiculis præstandum, multa Urbis loca complanata fuisse, ac quotidie complanari, ut hic in Quirinali, qui à Sixti V. Pont. Max. tempore aliquot pedibus depressus fuit; & contra ea Vallis, quæ inter Quirinalem, & Viminalem diffunditur, quotidie exaggeratur, atque extollitur. Sed ratio potissimum conuincit, non modò colles aquarum delabentium vi in dies deprimi; sed subiectas valles collapsis ædificijs paulatim assurgere: quod adeò manifestum est, ut probatione non indigeat.

Salubriorem

Salubriorem verò (saltem in vniuersum) propter hanc causam, Urbis positionem in dies euadere faciliè Marsilio concesserim: reuera enim priscis temporibus, qui in conuallibus inter montes sitis habitabant, tenuiores scilicet, ac pauperculi; cùm ad altitudinem eorundem montium accederet ingens domorum in ijs positarum elatio, non optimo loco degebant: adeoque nihil mirum si ijs morbis forent obnoxij, quos aer crassior, humidior, caliginosior, raroque, aut nunquam à sole illustratus, ac multis inquinamentis sordens, ingenerare potest. Et sanè non modica fuit veterum ædificiorum altitudo, vt Aristidis Rhetoris (vixit is Hadriano imperante) oratio in Urbem Romam palàm ostendit; in qua licèt oratoriè, ac propè poeticè rem in Coelum efferre videatur; satis tamen causæ habuit, cur id faceret; præsertim cùm sæpiùs opus fuerit nimiam eam priuatarum domuum altitudinem, ad crebras ruinas, atque incendia euitanda, à Principibus cohiberi: quod Augustus primùm prouidentissimus Princeps præstitit: mox Nero ipse cùm Urbem à se concrematam instaurauit: ac demùm Nerua Traianus. Constat id etiam ex Vitruuij, ac Plinij grauissimorum autorum locis, quorum verba hic subiijcienda duxi; ac prioris quidem. *In ea maiestate Urbis, & ciuium infinita frequentia, innumerabiles habitationes opus fuit explicare. Ergo cum recipere non posset area plana tantam multitudinem ad habitandum in Urbe, ad auxilium altitudinis ædificiorum res ipsa coegit deuenire. &c.*

*Salubrior
hodie Ro-
ma vni-
uersum.*

*Veterum
ædificiorum
ingens al-
tutudo.*

*Augustus:
Nero: Tra-
ianus pri-
uatarum
ædium al-
titudinem
cohibuerunt.*

*Vitruuij lo-
cus.*

Necessarium scilicet remedium, ubicunque urbium capacitas incolarum numero inferior est; quod nostra ætate Genuæ accidere videmus, vbi propter angustiam loci, non modò ædes in altum extollunt, sed vicos, ac semitas non admodum dilatant: qui mos Romæ quoque saltem in veteri Vrbe ante Neronis incendium fuisse videtur; præsertim nondum inolita consuetudine tam crebrarum vectationum. Plinius verò, cùm nonnulla de maiestate, ac magnitudine Romanæ Urbis protulisset, hæc subdidit. *Quò si quis altitudinem tectorum addat, dignam profectò æstimationem concipiat, fateaturque nullius Urbis magnitudinem in toto orbe potuisse*

Plinij locus

*Marsilius
falsò credi-
dit hodie
nam Urbē
viarum di-
spositione,
atque ædiū
structura
antiqua præ-
stare.*

ei comparari. Atqui vt hæc vera, satisque probata existimo, ita non libenter Marsilio concesserim, quod nimis facilè (pace tanti viri dictum sit) sibi persuasit, viarum dispositione, atque ædiū structura (quibus verbis ille vtitur) hodiernam Urbem veteri præcellere: nam si paucas aliquot vias eximas (quibus sanè haud facilè aliæ similes vspiciam reperientur) eosque vicos, qui sub Colle Hortulorum iacent; nequaquam Urbis semitæ adeò sunt eleganter dispositæ, ac directæ, vt antiquis conferri, nedum præponi (quantum ego existimo) vlllo modo debeant: præsertim si non veterem illam, quæ, vt Cornelius testatur, *Arta itinera huc-*

*Post Nero-
nis incen-
diū Roma
directas,
latasque
habuit se-
mitas.*

que, & illuc flexos, atque enormes vicos habuit; sed posteriorem Neronianis temporibus restauratam cogitemus, de qua idem refert. Ceterum Urbis quæ domus supererant (l. perierant cum Lipsio) non vt post Gallica

Gallica incendia, nulla distinctione, nec passim erectæ: sed dimensis vicorum ordinibus, & latis viarum spatijs, cohibita ædificiorum altitudine, ac patefactis areis, additisque porticibus, quæ frontem insularum protegerent. Suadent hoc primò tùm veterum opes, ac mores, qui nullis sumptibus, ac laboribus parcebant, ut Sedem Imperij & aspectu pulchram, & magnificentia spectandam haberent: deinde autoritas ipsa priscorum scriptorum, qui contrarium manifestè docent; nam Tacitus disertè ibidem loquens de irreparabili iactura multarum rerum Neroniano incendio absumptarum, inquit, iam opes tot victorij quasite, & Græcarum artium decora, ex monumenta ingeniorum antiqua, & incorrupta, quamvis in tanta resurgentis urbis pulchritudine, multa seniores meminerant, quæ reparari nequibant. Qui verò ex Agraria Ciceronis aduersus Rullum, locus à Marfilio affertur, vbi Tullius (Romam, inquit, in montibus positam, & conuallibus, cænaculis sublatam, atque suspensam, non optimis vijs, angustissimis semitis, præ sua Capua planissimo in loco explicata, ac præ illis semitis irridebunt, atque contemnent) minùs ad rem facit; nam de posteriori Vrbe, in qua Galenus vixit, quæque cum hodierna comparanda fuerat, minimè hæc dici queunt; quæ Capuam illam veterem rectitudine, ac latitudine viarum æquasse videtur: nec tamen etiamsi hac in parte Capuam illam priscam, aut Smyrnam, aut hodiernam Antuerpiam, viarum pulchritudine, ac directione Roma vetus minimè adæquauit; continuò dicendum erat hodiernam,

Obiectis
Marfilij
ex agraria
rura Ciceronis.

Et eius solutio.

hodiernam, ædificandi ratione, viarum amplitudine, rectitudineque, & reliqua dispositione (quod antiquæ Urbi defuit) spectandam esse. &c. Quòd verò ad rationem ædificandi pertinet, hic quoque Marsilius paulò humiliùs, quàm par erat, sensitse videtur de antiquorum in domibus fabricandis peritia, atque iudicio. Timuere, inquit, olim aeris vitium: itaque fenestras domorum paruas, angustas, & raras, & in summis cubiculis struebant, unde vix luminis aliquid cubicula illustrabat: quamobrem multis in locis in ipso meridie lucerna opus fuisse omnino existimo.

Marsilius humiliter sensit de antiquorū peritiā, & magnificentiā in ædificando.

Probabile non est in captandis luminibus imperitē e- gisse, qui totius archi- tectonicæ disciplinæ sciētissimi erant.

Ædium privatarū veterim vix quidquam superest. Etsi veteres non tā fenestrarū fortasse cō- cinnā di- spositione, ac frequen- tia, quàm alijs opcri- bus ades ornabant.

Ædium privatarū veterim vix quidquam superest. Etsi veteres non tā fenestrarū fortasse cō- cinnā di- spositione, ac frequen- tia, quàm alijs opcri- bus ades ornabant.

Vetustiori sæculo spe- cularium v- sus non fuit. Plin.

Nam cū reliquis in rebus adeò scientes, atque insignes in ædificando veteres extiterint; an credibile erit tam parum hic eos vidisse? Præterea cū ædium priuatarum nihil fermè ab illa ætate ad nostram memoriam peruenerit; non video sanè quibus ab ædificijs ea ratio illuminandarum ædium, & conclauium colligi potuerit. Fateor quidem non tam fenestrarum amplitudine, numero, ac dispositione, quàm alijs ornamentis, ædium suarum prospectum veteres exornasse; sed tam parcos, atque inscios in perforandis parietibus eos fuisse, vt Marsilius credidit, vix equidem puto, nisi propter specularium penuriam (quæ, quòd ex lapidis certo quodam genere fierent, ad solos fortasse diuites pertinebant) parciores fuerint in luminibus fenestrarum captandis. Vetustissimo tamen, ac rudiori sæculo (neque enim dissimulan- dum est) specularium vsus non fuit: quæ nunc etiam in Hispania non valde frequentantur; mi- nori

nori utique damno, propter aeris illius insignem temperiem, ac benignitatem. Caterum minimè obliuisci debemus, etiamsi tanquam rem certam, atque indubitabilem & Marfilius asserat, & vulgus existimet, vicorum latitudinem, rectamque dispositionem sanitati conducibiliorem esse; fuisse tamen qui resecta à Nerone Vrbe existimarent, *veteram illam formam salubritati magis conduxisse; quoniam angustie itinerum, & altitudo tectorum non perinde solis vapore perumperentur.* *Quidam consuebant vicorum angustiam salubriorem fuisse.* Ea quippe est rerum humanarum conditio, ut quæ uni profunt, alteri obsint: quæ nonnunquam salutaria sunt, interdum etiam sint perniciofa. Sic fortasse quantum latitudo, ac rectitudo viarum, ac situs altior prodest ad eam aeris purgationem, quæ à ventis siccis, ac sole fit; tantundem conducit ad nimios æstatis calores temperandos, ac vehementiores Boreæ flatus per hyemem frangendos altitudo ædium, semitæque potiùs flexæ, quàm directæ. Quare difficilius aliquantò est statuere vtra species sit ad valetudinem corporum potior, quàm vtra sit ad oculorum voluptatem elegantior. Dispar verò ratio meo iudicio aquarum est, quarum ingens copia (& miror silentio omissas à Marfilio) in varia castella, nymphæa, fontes, salientes, lauacra, lacus, thermas, balnea, stagna, euripos, piscinas, tubos, fistulas dispertita, non tam æstiuo tempore Urbem refrigerabant, quàm hyberno eandem, utpote situ, & positione paulò humiliores, ac perhumidam, nimjò plus sanè, quàm opus

In Hispania parum frequentatur ob aeris salubritatē

Quidam consuebant vicorum angustiam salubriorem fuisse.

Ex parte id verum.

Aquarum tamen frequentia parum olim salubris.

Roma situ humilis, & caliginosa.

Ex aqua-
ductum
frequentia
multa com-
moda, &
voluptates
percipiebatur.

Plinius, &
Frontini te-
stimonium
de aquedu-
ctuum pri-
scorum mi-
rādis ope-
ribus.

Roma olim
minus lu-
tosa, ac
madens.

Ad agri
tractationē
transito.

Præscus eius
status: Causa
hodierna
insalubri-
tatis: Re-
media.

opus esset ad sanitatem corporum, madefaciebat. Sed nimirum pensabant hoc facile cum multa cominoda, & voluptates, quæ ex tanta aquarum vbertate proueniebant, tum verò pulchritudo, ac magnificentia Urbis, maiestate illius imperij digna, quæ non alia magis re se ostentabat, quàm ductibus ijs aquarum, quibus, ut Cassiodorus ait, *flumina quasi constructis montibus perducebantur*: quapropter de ijs loquens Plinius, nihil magis mirandum fuisse in toto terrarum orbe exclamauit. Frontinus verò nec Pyramidas ipsas, moles scilicet otiosas, ac inertes cum ijs comparandas duxit. Quintetiam eò tolerabilior hæc vbertas aquæ tum Romæ fuit, quò minus lutosa, & spurca exinde fiebat: cum latis silicibus constrata esset, nec crebris vehiculorum discursibus hodiernum in morem inquinaretur, ac pluribus fortasse cloacis exiccaretur. Sed hæc de Urbis ipsius situ, & dispositione dicta sufficiant: quando hæc potius Philologorum ritu, animi causa delibauimus, quàm ut ad institutum sermonem valde sint necessaria. De agro verò Romano, ut aliquando incipiam, tribus quasi gradibus progredietur ad finem disquisitio. Primò enim, omiſſa superflua quæſtione (quæ potius nominis est, quàm rei) an salubris, vel insalubris sit; quærendum erit qualis olim fuerit: secundò quibus ex causis hæc grauitas, atque intemperies proueniat: vltimò quibusnam operibus, ac remedijs ad pristinum statum paulatim reduci queat. Sed prius huius, quem dico agri termini, ac fines statuendi videntur

videntur. Antiquissimis temporibus agri Romani limites non longè admodum protendebantur : nam cum Varro ex Augurum disciplina inter cæteras differentias notasset , aliam esse Romani , aliam Gabini agri qualitatem , colligere hinc possumus Romanum agrum à Gabino tunc temporis suis quibusdam finibus determinatum fuisse ; etsi oppidum Gabij , quod via Prænestina circa Zagarolum fuit , dirutum tunc esset , vel in vici formam redactum : qua ratione existimare licet Fidenas , Collatiam , Laurentum , aliaque finitima oppida (quamvis ex his aliqua nomen tantum retinerent) suum habuisse agrum , seu territorium à cæteris diuisum , & à Romano seiunctum . Sed nequaquam sic à nobis ager Romanus intelligitur ; nec eo modo , quo Diocesim , quæ propriè est Romani Pontificis , comprehendit ; quatenus ab Ostiensi , Albana , cæterisque distinguitur : sed totius ferè veteris Latij , agrique Volsci planitiem , Etruriæque Pontificiæ (Patrimonium nunc vocant) maritimam partem , ac præterea Sabinorum proximam , ac magis campestem regionem : totum enim hoc spatium experientia ipsa , & paucitate ædificiorum testante , noxium , atque insalubre est ; ita ut ab æstiuo solstitio ad autumnale æquinoctium , plus minùs , ab vrbani hominibus frequentari non possit ; à rusticis verò (quorum nemo indigena est) quamvis robustioribus , Cœlique iniurijs magis affuetis , non sine periculo , & magna ipsorum perniciæ , tumultuariè excolatur . Est igitur , ut par-

*Designatio
limitum
huius agri
insalubris.*

*Romanus
ager olim
angustus.*

*Finitima
oppida li-
cet collapsa
proprijs a-
grorū ter-
minos ser-
uabant .
Ager Ro-
manus non
sic accipi-
tur.*

*Compre-
hensio regionū
insalubrium.*

*Specialis
finitio in-
ius Agri.*

D

ticutatim

*Longitudo
hodierni
Latij.*

*Tusciema-
ritima ora
ferè tota
morbofa.*

*Alia etiã
Italia loca
insalubria.*

*Sed Latij,
& Etru-
ria propriè
id sentiunt.*

*Non una
tamen ho-
rum locorũ
species, &
qualitas.*

ticulatim rem aggrediar, totus ille tractus maritimus, qui ab Vrbe Tarracinam (quæ non longè abest à regni Neapolitani limitibus) L. circiter milliarium spatio vsque protenditur, Cœli grauioris, ac morbofi: qui veteris Latij terminus fuit, vt verustissimi Antium, siue Circeij; recentioris verò Liris, seu Garelianus. Ab altera verò parte non dissimilis conditionis maritima Tusciæ regio ferè omnis, quæ hinc Tiberi, illinc Macra fluuijs finitur; nisi quòd, quæ Arni, atque Auferis ostijs adiacet, paulò salubrior est; & aliquantò etiam magis Lunensis regio, ac Lucensium dirio. Alia quidem sunt Italiæ loca graui, noxioque Cœlo prædita; sed ea non tam latè patent, vt paulò post ostendemus. Itaque propria quodammodo esse videtur hæc calamitas, & vastitudo duarum Italiæ nobilissimarum prouinciarum, Latij, atque Etruriæ. Sed huius quidem eam partem, quæ extra Ecclesiæ fines iacet, nec ad institutum nostrum pertinet, omittemus. In latitudinem verò Ecclesiasticæ ditionis, insalubris Tusca regio magis, minusque porrigitur, prout montes maritimum, campestemque tractum magis, minusque coarctant. Supra Vrben verò ager Sabinus nec ipse tutus, aut salubris est, nisi vbi paulatim supra circumiecta Tiberi loca assurgit, & ad montes propiùs accedit. Nec tamen æqualis, aut vniusmodi existimanda est horum locorum facies, & qualitas: alibi enim fermè pestilens, ac lethalis, vt circa Ostiam, ac Portum: alibi mediocriter noxia, sicuti est omnis ferè litoralis regio, quæ longiùs à paludibus

paludibus recessit : alibi demùm magis tuta , nec fortasse omnibus annis exitialis , sed grauioribus dumtaxat ; atque imbecillioribus hominibus . Eiusmodi est montibus propinquior , & remotior à mari . Quod adeò verum est , vt tres quasi salubritatis gradus his regionibus statuere possimus : quemadmodum nobilissimum , atque humanissimum virum Tiberium Mutium S. R. E. Cardinalem , atque Episcopum Viterbiensem narrantem audiui , suæ Diœcesis insalubria loca trifariam diuidi posse , partim eorum in quibus vix quisquam diutiùs perennat , nec qui nascuntur fœtus sunt vitales , vt Montalti ; secundò vbi pueri , qui ibi nascuntur , adolescunt , atque adulti , etsi non saluberrimè , viuunt tamen , vt Centum Cellis ; tertio vbi aduenæ quoque perennant , sed sæpe æstate languent , vt Tuscaniæ . Nil igitur mirum , cùm hæ regiones ad propagandam sobolem tam parum idoneæ sint , si agricolarum quotannis huc confluentium turba non paulatim huic Cœlo assuescat , ac stirpem ex se relinquat , quæ postmodum in dies excrescens , ac stabilem hic sedem figens , pro indigenis reputetur . Quippe homines conditionis huius Cœli non ignari , nil ampliùs cogitant , quàm , vbi locellos compleuerint , in patriam ad vxores , ac liberos quamprimum reuerti , atque vnà cum ijs suo labore , atque industria partis nummis placidè frui : aut quibus luculentior merces obuenit , agellum in suorum conspectu , procul ab aeris periculo , commercari . Eorum tres classes con-

Alia enim magis, alia minus grauiora.

Agricolæ Romanenses ob aeris grauitatem hic larem non figunt.

Sed in patriam quamprimum reuerti festinant.

*Rusticorum
genus ad
etiam fasti-
gia reduci-
tur.* stituere præcipuè possumus, Vinitorum, Arato-
rum, ac Pastorum. Vinitores vineas cùm intra,
tùm extra Urbem sitas, atque etiam in Albano,
*Vinitorum,
Aratorum,
Pastorum.* & Tusculano agro, exercent, non certa fructuum
portione sibi reseruata, vt coloni partiarij solent,
præsertim in Etruria; sed annua mercede sibi con-
stituta, nimirum certa pecuniæ summa, cui solent
*Ratio colē-
di vineas.* etiam alia ad victum necessaria adijci. In casis hi
habitant iuxta vineas sitis, quas ipsimet custo-
diunt; præcipuaque opera suis manibus admini-
strant; putationes videlicet, sationes, insitiones,
& similia: quibus verò sufficere ipsi non possunt,
*Operario-
rum turba.* vt pastinationibus, cæterisque grauioribus operi-
bus, operarios, qui quotidiana mercede victitant,
assignant; quorum ingens numerus in compita
*Eorum sta-
tio.* quædam, certaue Romæ loca, præsertim ad Thea-
trum Marcelli, confluere solet, atque in diuerso-
rijs, tabernisque cibum, somnumque capere: quid-
quid verò in diurnam mercedem vinitores opera-
*Vinitorum
natio.* rijs persoluerint, dominis expensum ferunt. Vini-
tores plerique Flaminie, ac Tusciæ vltioris, agri-
que Parmensis incolæ sunt: operarij verò varij ge-
neris, maximaque ex parte Nursini, ac Picentes:
prætereaque Marfi, ac Peligni (Aprutiensium no-
mine magis nunc noti) qui optimi fossiores per-
*Optimi fos-
siores qui.* hibentur propter insignem corporis duritiem, ac
robur, & ad opus faciendum alacritatem: quare
non modò ad rusticas operas expetuntur, sed etiam
ad fabriles, si quando hic Romæ, aut in proximo
arena effoditur, saxa exciduntur, fundamenta ex-
cauantur,

cauantur, parietinæ veteres comminuuntur. Fabri
verò cæmentarij (vt ἐδὲ πᾶσι πύργων id quoque di-
cam) qui in veteri Inscriptiōe Florentina
PARIETARII vocantur, sunt maxima ex parte Insu-
bres, nonnulli etiam Florentini; sed hi potissi-
mum nobiliores fabri; vt sunt redemptores, men-
sores, & monitores (protomagistros nunc vo-
cant) ac præterea lapidæ. Ex olitoribus etiam,
cæterisque hortorum curam gerentibus, puta insi-
toribus, topiarijs, viridariorum custodibus pluri-
mi etiam Florentini sunt, ac Tusci. Nec illud
omittendum est, leuiores quasdam operas, vt vin-
demias, spicilegia, & sarritiones, magna ex parte
ab hisce pauperculis vrbis, senibus, mulieribus,
& pueris, qui parua mercede conducuntur, expe-
diri. Secundo loco recensendi veniunt qui non
in propinquo vineis dant operam, sed longius ab
Urbe campos triticarios colunt; quos videlicet
arant, ferunt, metunt: hos proprio vocabulo ara-
tores appello; quamuis frequentius sic vocentur
qui, vt olim nunnulis in locis, præcipueque in
Sicilia (vt notum est ex Verrinis orationibus) sic
hodie conductitijs operis, non suis manibus, alie-
nos agros exercent: eos nunc Romæ dicunt *artem
campi facere*: quomodocunque igitur hi vocentur,
aratores, vel agricolæ; ex vario, ac promiscuo
hominum genere constant; sed vt plurimum ex
agro Piceno, ac Nursino, Umbriaque. Porro vt
melius intelligatur huius agri Romani colendi ra-
tio, atque hodiernus illius status; sciendum est,
eum

*Cæmenta-
riorum pa-
tria.*

*Plurimi o-
perum re-
demptores,
& Archi-
tecti Flo-
rentini.*

*Item olito-
res, & vi-
ridariorum
custodes.*

*Urbanæ
plebeculæ
leniora que-
dam opera
in agris fa-
ciunt.*

*Ad arato-
rum genus
transitus.*

*Aratorum
Romanen-
simnatio-
nes.*

Agri Romani hodie in pauca, eaque amplissima latifundia diuisum esse, quas tenutas, & casalia vocant; non ut olim in mediocres fundos, sicut in Etruria, & Gallia Cisalpina, magnaue Italiae parte videmus:

Casarium agrestium paucitas. quapropter necesse est ad insignem paucitatem casalias quoque ipsas, ubi rustici degunt (quas etiam casalia vocant) iam esse redactas; quæ sanè rarissimæ in tota hac ingenti planitie conspiciuntur.

Etruria. Edificio ut plurimum constant modicè elaborato, nec magna positionum cura, aut delectu; sed ferè ubi casus tulerit; aut aquæ manantis opportunitas suaserit, excitato. Quibusdam etiam locis non optimæ aquæ puteis, aut etiam fossis manufactis (quibus aqua pluuia excipitur) contenti sunt miseri agrestes. Plerunque verò Casalibus adlita sunt aquarum receptacula maioris formæ, quæ fontanilia vocant, bifariam diuisa; quò aqua partim è proximo fluens, partim longiùs tubo ducta delabitur. Eò pecora, atque iumenta aquatum ducunt; atque indidem quoque homines hauriunt.

Cultura agrorum Romani simplex, ac rudis. Cæterum agrorum huiusmodi cultura longè distat ab ea, quæ amœnioribus, atque etiam sterilioribus locis exercetur; in quibus summa diligentia, ac varietate operum, ac consitionum, rura tractantur: hic enim omnis circa rem frumentariam, ac scenificium agricolarum cura consumitur; frumenta verò potissimum in noualibus agris (hodie maiesi) seruntur, hoc est, ijs qui alternis annis conquiescunt; quanquam nonnulli, ob vastitatem regionis, cultorumque paucitatem, rariùs etiam

Noualia.

etiam exercentur : quædam etiam huius agri portio restibilis fit ; ea sic vocatur , quæ quotannis , aut duobus saltem iunctis obseritur , cuiusmodi campos *colti* vocant . In his ubi messis facta , ac stipula Augusto mense incensa est , per autumnum mox sementem iaciunt , atque vnica aratione , per medias terræ porcas sulcum ducentes , semen operiunt ; nec ad proximam vsque messem quidquam ampliùs faciunt , aut segetes reuisunt . Noualia verò Maio mense (vnde vulgaris appellatio ijs obtingit) proscinduntur , atque in vniuersum quater in directum , & transuersum aratro ducto ad sationem vsque autumnalem arantur . Stercorandi verò , ac sarriendi agri , partim ob colentium ignauiam , partim ob natiuam terræ feracitatem , vsus , ac vocabula fermè obsoleuerunt ; fimus enim qui è stabulis Romæ magna copia educitur , in profluentem abijci solet . Messem ubi collegerint in prægrandes acervos componunt , quam deinde in aream deportant , ibique in orbem iumenta agentes , triturando sementem educunt . Solent verò in singulis Casalibus deni , vel duodeni homines , aut etiam plures , præsertim ubi pecora , atque armenta sunt (de quibus iam dicemus) versari , vsque dum scilicet messis absoluta fuerit : tunc enim , si paucos excipias , qui tectum , gregesque custodiunt , protinus ob aeris grauioris metum domum regredi festinant . Videas quoque sic plerosque morbosos , pallidoque aspectu , ac vix firmandis vestigijs , nedum sarcinulis , aut ferramentis ferendis habiles ,

Agri restibiles .

Stercoratio , ac sarritio raro in usu .

Quotem homines in singulis Casalibus .

les, cateruatim mœstos ingredi ; quippe quorum magna pars in vrbis nosocomijs vel vitam relinquant, vel longo tempore cum morte luctentur.

Magna pecorum copia in agro Romano.

Magna præterea in his locis visitur pecorum omnis generis, atque armentorum copia ; quæ partim à Casalium dominis aluntur (ea totum annum ferè in ijsdem locis pascuntur) partim ex frigidioribus, ac montanis regionibus, Flaminiae scilicet, atque Umbriae, tum ex Sabinorum, Marforum, Palignorum, Æquicolarum saltibus, adulto autumno in hæc campestria, & tepidiora loca iniguntur. Eadem interdum quidem pascuntur in pratis, agrisque compascuis, quos certa quadam mercede (posterioris ætatis scriptores Terraticum vocant) cum dominis pacta, pastores sibi vtendos, ac fruendos conducunt ; noctu verò in reticulatis

Pastores strabucubent.

caulis quiescere coguntur. Ipsi verò pastores stramentitijs tugurijs, vti melius possunt, conquiescunt, atque aeris iniurias propulsant. Atque hæc per transitum de agri Romani qualitate, eiusque hodiernis cultoribus, deque culturæ ratione summam dicta sufficiant. Consequens iam est, vt qualis olim fuerit huius regionis facies, ac status, ex Autorum scriptis, nostrisque obseruationibus

Antiquus huius regionis status.

Italia prævalida olim ante Romanorum potentiam.

indagemus. Antequam Romanorum potentia per Italiam sese latè fudisset, eamque armorum vi sibi subiugasset, florentissimus ipsius fuit status, & cum multitudine populorum magna ex parte diuersis institutis, ac moribus, ac varijs linguis vtentium ; tum frequentia incolarum, atque opibus, terræque vbertate

vberrate spectabilis : eoque tempore non Græcæ tantùm ciuitates , quæ præcipuos Italiæ portus , atque optima quæque loca infederant ; sed alij quoque populi nequaquam inuicem subiecti , sed liberi , ac suis legibus vtentes , mirificè excelebant : erat enim ea tempestate quasi adolescentiæ , & iuuentutis Italiæ medius quidam status ; quemadmodum plena ipsius iuuentus mihi fuisse videtur sub initijs Punicorum bellorum ; qua tempestate incredibile dictu est quàm valida , & florens Italorum natio fuerit , & quàm numerosis copijs formidabilis : quamobrem eo prælio quo Romani totius ferè Italiæ viribus subnixi , cum Gallorum exercitu (qui Congolitano , & Aneoreste ducibus Etruriam vastabant , ac copijs numerosissimis , non ex Cisalpinis tantùm , sed ex populis trans Alpes vsque accitis , maximum terrorem Italiæ incusserant) C. Attilij , & L. Æmilij Coss. ductu fortissimè conflixerunt , cæsa sunt ex hostibus circiter XXXX. millia , capta decem millia : de qua pugna præstat cognoscere quid Polybius grauissimus , & oculatissimus scriptor testatum reliquerit .

Italia iuuenilis ætas sub initijs Punicorum bellorum.

Prælium Romanorum aduersus Gallos.

Gallorum ingens clades.

Ο' μὲν οὖν πρὸς τοὺς Κελτοὺς πόλεμος τοιοῦτον ἔχε τὸ τέλος κατὰ μὲν τὴν ἀπένειαν καὶ τόλμαν τῆ ἀγωνιζομένης ἀνδρῶν , ἐπὶ δὲ κατὰ τὰς μάχας καὶ τὸ πλῆθος τῶν ἐν αὐταῖς ἀπολλυμένων καὶ παραταττομένων , ὥσπερ καταδείξερος τῶν ἰσορημένων . idest.

Hic tandem belli Gallici finis fuit , quo nullum usque in hunc diem , vel obstinatione animorum , vel militum audacia , vel atrocitate præliorum , vel multitudine interfectorum , vel numero copiarum maius aut audiuius , aut legimus . Idem verò Polybius me-

E

morix

*Ingens mi-
litum nu-
merus, quē
eo Gallico
tumultu I-
talia com-
parant.*

moriam prodidit comparasse Italiam eo tumultu septingenta peditum millia, & septuaginta equitum: quamvis Livius, & Plinius hunc numerum extenuent. Sed hac in re Polybio, qui ferè super ijs temporibus fuit, procul dubio fides est magis adhibenda. Qua ex re, & multis alijs argumentis, quæ longius ab instituto absunt, ac præsertim ex multitudine oppidorum, quæ Romano-

*Variarum
Hist. libro
IX. cap.
XVI.*

*Italia quā
populosa tū
fuerit.*

*Recensio cō-
plurimū op-
pidorum olī
Romæ pro-
pinquorum.*

*Cluverij di-
ligentia in
horum op-
pidorū po-
sitionibus
indagatis.*

rum bellis excisa sunt, & ex Æliani testimonio, qui tradit olim Italiam habitatam fuisse urbibus mille centum nonaginta sex, liquidò cognosci potest, Italiam tum frequentissimè, ac diligentissimè cultam fuisse. Sed quoniam euagari latius nec licet, nec lubet, nec ab instituto sermone (qui de finitima Latini, Sabini, atque Etrusci agri planitie esse debet) longius digredi; consentaneum videtur propinqua aliquot Romæ oppida, campestris tractus præcipuè, recensere; quæ partim ante Romani imperij *ἀνϋλῶ*, ac florem; partim postea penitus defecerunt: quod validissimum erit argumentum ad eam frequentiam, quam his locis fuisse contendimus, astruendam. Verùm id summam conficiam, atque omissis amplioribus probationibus, ac locorum designationibus, quod ab alijs accuratè præstitum est; potissimum à Cluverio, qui incredibili diligentia omnia ferè veterum Autorum loca in sua Italia collegit, digessitque. Plinius igitur lib. III. cap. V. de veteri Latio loquens hæc oppida recenset, quæ ita sua ætate defierant, ut eorum vestigia iam abolita essent.

In

In prima regione, inquit, præterea fuere, in Latio clara ^{Nomina} oppida, Satricum, Pometia, Scaptia, Pitulum, Polito- ^{veterum} ^{Lati op-} ^{pidorum.} rium, Tellene, Tifata, Cenina, Ficana, Crustumerium, Ameriola, Medullia, Corniculum, Saturnia, ubi nunc Roma est: Antipolis, quod nunc Ianiculum in parte Romæ: Antemne, Camerium, Collatia, Amiternum, Norba, Sulmo, & cum his carnem in monte Albano soliti accipere populi, Albenfes, Albani, Aesolani, Acienfes, Abolani, Bubetani, Bolani, Cusuetani, Coriolani, Fidenates, Foretij, Hortenses, Latinienses, Longulani, Manates, Macrales, Mutucumenses (lege Mucamitenses ex Liuiio, qui Mucamitem nominat) Munienses, Numinenses, Olliculani, Oetulani, Pedani, Pollustini, Querquetulani, Sicani, Sisolenses, Tolerienses, Tutenses, Vimitellarij, Velienses, Venetulani, Viscellenses. Ita ex antiquo Latio quinquaginta tres populi interiere sine vestigijs. Eodem capite, A Circeijs, inquit, palus Pontina est, quem locum viginti trium urbium fuisse Mutianus ter consul prodidit. Ad quem locum vide sis quæ notat Cluuerius pag. 900. vbi præter errores, qui ex scriptorum vitio irreplisse videntur, multiplicem Plinij negligentiam arguit, ^{Plinij osci-} ^{tantia in} ^{his locis re-} ^{consensendis.} qui eosdem populos bis nominauerit, vt Norbam, & Norbanos; & quorundam extare vestigia negauerit, quæ tamen ea ætate, & sequentibus supererant, Antemnam scilicet, Collatiam, Norbam, atque Sulmonem (quamuis de hac postrema valde dubito, an id oppidum fuerit quod Sermoneta nunc dicitur, licet locorum situs suadere id videatur). Miror etiam cum Antipolim (sive vt Clu-

uerius ex Dion. Halicar. legit Æneiopolim) n omi-
 nauerit, quæ in monte Ianiculo fuit, & Saturniam,
 quæ Capitolium antiquissimis temporibus occupa-
 uit, & Querquetulanos, qui Querquetulanum mon-
 tem, idest Viminalem incoluisse videntur, cur non

*Pallanteum
 à Plinio o-
 missum.*

etiam Pallanteum veterum Arcadum oppidum, in
 Palatino monte situm, recensuerit: nisi Velientes in-
 tellexerit Pallantei incolas; quando Velia Palatij in
 Vrbe Roma pars fuit, vt notum est. De cætero,
 vbi Sicani legitur, Sacrani reponendum videtur;
 qui & ipsi, vt ex Festo, & Seruio constat, pulsus
 Siculis circa hos colles substiterunt; nec aliquin

*Alia oppi-
 da à Liuiio
 memorata.*


vllius Sicæ oppidi mentio exstat. Memorantur
 etiam à Liuiio libro VII. Empulum, & Saffula de
 Tiburtibus capta oppida, quæ an Plinij ætate ex-
 titerint incertum. Aliud etiam ex enumeratis à
 Plinio oppidis, ætate ipsius superfuisse videtur;
 quod in gratiam nobilissimæ Columnensis Domus,
 illustrandæque antiquitatis causa, & vt manifestum
 fit quantum vtilitatis ex antiquarum Inscriptionum
 collectione, atque obseruatione capere possimus;

*Autoris
 collectio
 veterū In-
 scriptionū.*

ex vna earum (quarum post Gruterum ad sex millia
 ferè collegi, non Ethnicarum modò, sed Christia-
 narum etiam veterum) liquidò deprehendisse vi-
 deor. Paucis igitur ab hinc annis in vinea proxi-
 ma Marino, non ignobili oppido Columnensium
 in Latio, effossa est basis ad L. Aurelium Cæsarem
 Imp. Antonini Pij filium pertinens, cum nonnul-
 lis fragmentis aliarum basium, quæ ipsius honori
 impositis statuis dicatæ fuisse videntur; quarum de-
 scriptio hæc est.

Apparet

INSCRIPTIONES BASIVM A
MVNIENSIBVS POSITARVM



AVRELIO CAESARI

COS II

IMP. CAESARIS FILII

HADRIANI. ANTONINI

AVG. PII PONTIFIC MAXI

MI. TRIBVNIC. POTEST


IMP. II. COS. IIII

PP FILIO


DECVR

CASTRI MOINIENSIVM

*Basis ex la-
pide Piperi-
no, quem alij
Primernate
vocant, ef-
fossa in vi-
na Septimij
propè Mari-
num oppidū.*



*Fragmenta
aliarū ba-
siſum effoſſa
in eadem
vinca.*



Apparet igitur tam ex integra basi, quam ex aliarum fragmentis erectas fuisse à Decurionibus CASTRI MOENIENSIVM, cuius nulla, quod sciam, alibi mentio extat, nisi quòd pro certo puto hos ipsos esse, quos Plinius Munientes vocat: nam, ut ex veteribus grammaticis notum est, Romani OE dipthongum in multis postea in V vertunt, exempli gratia, EX MOERO, MVRO; COERAVERVNT, CVRAVERVNT; ut in Inscriptionibus antiquis passim: Sic à Pœnis formarunt Punicos, &c. Oppidum igitur, siue Castrum quod vulgò Munium, dicebatur paulò magis antiqua forma MOENIVM, & pro MVNIENSES, MOENIENSES in his basibus repositum fuit: ut maiestatis priscæ retinendæ causa in publicis monumentis factitatum fuisse aliàs observavi. Nec est cur quisquam in dubium vocet hosce lapides non aliunde aduectos fuisse; quod de unico tantum fortasse credi posset. Sed notabilis in primis est Castri appellatio pro maiori Castello, & quasi oppido, quæ in eius sæculi monumentis non facilè aliàs occurret. Nemo igitur posthac ambiget quin vel Marinum ipsum fuerit olim Munium dictum, vel certè non longè ab eo situm. Quapropter erudita, ingeniosaque potius, quam vera habenda est coniectura Cluverij existimantis hoc idem oppidum dictum olim fuisse Ferentinum, seu caput aquæ Ferentinæ: quem sequutus est doctissimus Holstenius, eius itinerum comes, & magni illius operis particeps, ac socius qui fuit, in car-

mine

Munientes hanc inscriptionem, & Munientes Pliny idem.

In publicis monumentis, maiestatis retinenda gratia, sermo antiquus affectabatur.

Castri appellatio eo sæculo rarior hoc significatu.

Marinum olim erat Munium.

Philippi Cluverij coniectura de primo Marini nomine.

Holstenius Cluverij comes, & operis Geographici particeps fuit.

mine Phaleucio quo Excellentissimi Thaddæi Barberini, & Annæ Columnæ nuptias celebravit. Et sanè eorum coniecturam, qui similitudine nominis freti ex Marino Marianum fecerunt, semper dubiam, & suspectam habui; utpote qui hanc analogiæ speciem nunquam probaverim, nec in huiusmodi locorum appellationibus, quas Romanæ familiæ dederunt, vocalem I sic elidi observarim. Sed de his aliàs fortasse opportunior erit dicendi

*A Marsa-
no Mari-
num fieri
analogiæ
ratio non
patitur.*

*Antonini
villam hic
fuisse quidā
falsò putat.*

locus. Non desunt etiam, qui propter hos lapides fuisse eo loci Antonini Imperatoris villam existiment; quod, nisi alia proferant indicia, nescio quàm probabiliter dicatur. Sciebant quidem Antonini quandam villam nominari; sed ea diuerso admodum loco fuit, Aurelia nimirum via ad XII. lapidem, quæ Lorium dicebatur, ut ex Iulio Capi-

*I. Aurelij
sumptuosiss-
ima villa.*

tolino constat. Cæterùm hic idem L. Aurelius villam habuit sumptuosissimam à se ædificatam, cuius meminit idem Capitolinus in vita ipsius; sed eam quoque longè diuerso situ, via Clodia in Tuscis. Sed hæc minùs ad præsens institutum faciunt: id verò magis, quòd ex oppidis à Plinio connumeratis nonnulla in propinquis locis, quæ hodie insalubria (ut de reliquis taceam, quorum situs

*Oppida in
campes-
træ (qui
hodie insa-
lubris olim
sita.*

ignoratur) aut ferè in agri Romani planitie fuerunt; videlicet Ficana Festi Pompeij testimonio ad XI. lapidem via Ostiensi sita, Fidenæ, Collatia, Antemnæ, Cænina, Crustumium, Tellena, Politorium, Lauinium, Camerium, Corniculum, Corioli, Pometia, Longula, Pollustia.

Liuius

Liuius etiam libro II. Cenum oppidum propè Antium memorat : Ouidius castrum (Inui scilicet) inter Antium, & Lauinium. Quid de alijs dicam, *Alia oppida olim florentia.* quæ Plinij ætate extitere ? Quædam etiam frequentia incolarum, & ædificiorum elegantia plus, vel minùs floruerunt; nimirum Ostia, Laurentum, Ardea, Antium, Aricia, Lanuuium, Gabij, Bo-uillæ, Ficulea. Quarum postrema (vt obiter id quoque notem) quanquam Latinorum oppidum, in finibus tamen agri Sabini fuit, via scilicet Nomentana, cui priùs Ficulensis vocabulum fuit Li- uio teste (P. Victor Figulensem vocat) ac for- tasse circa VII. lapidem, vbi ad vtrunque viæ mar- ginem arcuatas substructiones quondam obseruau- nisi potiùs fuisse malumus inter vtranque viam, Nomentanam, ac Salariam haud magno inter- uallo inter se distantes; quando, vt ex actis S. Caij Papæ, & ex alijs S. Laurentij Martyris con- stat, extra portam Salariam erat Ciuitas Figli- na; quam cum Figlinis Exquiliarum apud Varro- nem lib. IV. de Lingua Latina caue confundas, & à Ficulea diuersam putes. Sic enim posteriori æta- te dicebatur, quamuis viro docto aliter visum. Quod satis indicat Ficuleam non à ficubus, sed à figulis denominatam esse; licèt apud T. Liuium, ac Ciceronem, qui suburbani Ficulensis meminit, *Epist. XXXIII. lib. XII. ad Attic.* per literam C hoc vocabulum scribatur; retenta scilicet veteri consuetudine, quæ vsum τὸ G igno- rabat. Ne verò diligentiam in superuacuis affe- ctare videar, mitto Sudertum, Verentum, adhæc *Alia oppida quorum ignoratur situs.*

F

Cortuosam,

Cortuosam, Contenebram, & Artenam Liuius memorata oppida, aliaque quæ credibile est circa hunc tractum fuisse. Ex alia verò Tiberis parte in Tuscia, oppida fuerunt, parum salubribus hodie locis: in littore, Portus Traiani, Fregenæ, Alsiu[m], Pyrgi, Centum Cellæ, Grauiscæ, Cosa, Telamo, Populonium, Vetulonia: in mediterraneis verò, Cære, Tarquinij, Forum Aurelij, Forum Claudij, Ferentum, Vicus Matrini, Statonia, Volci, Russellæ, quæque partim semideserta hodie sunt, partim modica oppida, Blera, Nepes, Sutrium, Suana, Saturnia, aliaque. Ex his pauca deligemus, omiſſis breuitatis gratia cæteris; eaque satis liquidò, ut opinor, probabimus florente Romanorum Imperio ampla, beneque ædificata, ac valde celebria fuisse. Nam ut de Portu Romano fileam, cuius ingentes ruinæ satis per se ostendunt eius veterem cultum, ac magnificentiam (de quo non satis constat quando, & à quibus dirutum fuerit; an à Leone IV. Pont. Max. metuente, ne à Sarracenis occuparetur; an verò ab ipsismet Sarracenis, qui magnam partem Italiæ, maritimam præfertim, vastauerunt; quod credibilius est): illud certè in præsentia minùs silendum videtur, viam Portuensensem, cuius non obscura vestigia etiamnum supersunt, hoc peculiare præ cæteris habuisse (quod peritissimus Architectus, & rei antiquariæ magnus inuestigator Leo Baptista Albertus primùm obseruauit) quandam videlicet seriem lapidum elatiorum, quæ latitudinem ipsius viæ bifariam diuidebat;

Tuscia oppida regionis insalubris.

*Maritima Mediter-
ranæa.*

Portus Romanus, sine Augusti ingentes ruinae.

Circa viam Portuensensem obseruatio.

diuidebat; nempe vt vna pars Romam versus eun-
tibus, altera Roma ad mare proficiscentibus in-
feruiret: id ea gratia scilicet, ne ex aduerso oc-
currentes inuicem se truderent (tanta erat huius
viæ celebritas) ac retardarent. Nunc verò (*Tan-
tum cui longinqua valet mutare vetustas*) si quis hac
via proficiscitur, mirum est si vnum quempiam
obuium habeat. Age verò, vt ad Ostiensem vr-
bem transeamus; nullius fermè crebrior est apud
Latinos scriptores mentio; adeò vt non desint
exempla, ex quibus frequentissimam eam fuisse
probemus: sed paucis ero contentus. Condita hæc
vrbs ab Anco Martio Rege fuit, deducta illuc ci-
uium Romanorum colonia, ad sinistram Tiberis
ripam, propè ipsius ostia; vnde ei nomen impo-
situm est. Magnam passa est calamitatem Maria-
nis temporibus, cum alijs nobilibus Latij oppidis
Antio, Aricia, Lauinio direpta, ac vastata: sed
nihilominus posteriori tempore pristinam dignita-
tem, ac frequentiam recuperasse videtur. Corn.
Tacitus, vbi tradit quomodo incensa à Nerone
Vrbe egenæ plebeculæ, quæ fortunarum suarum
iacturam fecerat, subuentum fuerit, ait, vtensilia
ab Ostia, alijsque municipijs subuecta fuisse. *Et
subitaria ædificia extruxit, quæ multitudinem inopem ac-
ciperent. Subuectaque vtensilia ab Ostia, & propin-
quis municipijs.* Plinius Iunior, vbi elegantissima
epistola, tanquam mirificus architectus, villam
suam Laurentinam describit non longè ab Ostia
sitam, multiplicesque illius commoditates enume-

*Via Por-
tuensis nunc
mirè deser-
ta.*

Ostia vrbs.

44 DE RESTIT. SALVBR.

rat; ad extremum subdit. *Suggerunt affatim ligna proxima sylva: ceteras copias Ostiensis colonia ministrat. Frugi quidem homini sufficit etiam vicus, quem una villa discernit: in hoc balinea meritoria tria. Magna commoditas, si fortè balineum domi vel subitus aduentus, vel breuior mora calefacere dissuadeat. Littus ornant varietate gratissima nunc continua, nunc intermissa tecta villarum, quæ præstant multarum urbium faciem &c.* quæ omnia ideò attuli, quoniam mul-

*Ex Plinij
loco multa
notantur.*

ta notatu digna hinc erui possunt. Primò eam fuisse tunc temporis Ostiæ vrbis lautitiam, ac cultum, vt non frugalioribus tantùm, sed lautioribus etiam, & vrbanis in proximo rusticantibus omne genus commoditatum suppeditare potuerit. Secundò frequentissimas fuisse villas circa littus; de quo postea dicemus. Tertiò non tantùm oppida, sed vicos etiam in agro Latino fuisse complures; vti semper persuasum habui (vt præteream villam Priapi in agro Ardeatino, ex qua Leo V. Pont. Max. oriundus fuit). Quartò magnam fuisse celebritatem Ostiensis, & Laurentinæ viarum (quarum in medio erat Pliniana Villa) cùm in vnico vico tam propinquo Ostiensi vrbi tria balnea calefierent: etsi frequentissimam tunc fuisse lauandi consuetudinem omnibus notum. Verùm reiectis vulgatoribus testimonijs sequens cippus, siue columna in Portu Ostiensi reperta, atque illinc in hortos Carpenfes translata (cuius Inscriptionem ex aduersarijs Achillis Statij deprompsi) palàm docebit, splendidum, ac benè ædificatum oppidum Ostiam

*Splendor
Ostiensis
urbis ex
antiqua In-
scriptione
estenditur.*

Ostiam fuisse: in ea quippe memorantur, Forum, *Edificia*
 Aedes Volcani, Veneris, Fortunæ, Cereris, Spei, *Ostium hac*
 Macellum cum ponderibus (videlicet stateris gran- *Inscriptio*
 dioribus ad magna onera ponderanda) Tribunal *memorata.*
 marmoreum in Foro, statua inaurata, & alia sta-
 tua ahenea posita ab Ostiensibus P. Lucilio Ga-
 malæ, qui superscripta opera constituit, vel resti-
 tuit, ut Inscriptio loquitur, quæ talis est.

P. LVCILIO

P. F. P. N. P. PRO

NEP. GAMALAE

..AED. SACR VOLK

..EADLI. D.D. ALLECTO

...RATIS. DECVRIONI

..ONTIFICI. TI. VIR. CENSO

RIAE. POT. QVINQVENNAL.

....IN. COMITIS. FACTO CVRA

...PECVNIAE PVBLICAE. EXIGEN

..VE ET. ADTRIBVENDAE

..IN. LVDOS. CVM. ACCEPISSET PVBLIC...

...VCARRI MISTIII. DE. SVO. EROGATI

ONEM. FECIT

...M. SVA. PECVNIA. VIAM. SILICE STRAVIT.

QVAE EST. IVNCTA. FORO. AB. ARCVADARCV.

..EM. EPVLVM CVM. TRICHLINIS. CCX. VII

COLONIS DEDIT

..EM. PRANDIVM SVA. PECVNIA. COLONIS.

OSTIESIBVS. BIS. DEDIT.

..DEM. AEDEM. VOLCANI. SVA. PECV

NIA. RESTITVIT.

..DEM VENERIS SVA PECV

NIA CONSTITVIT.

..EM. AEDEM FORTVNAE SVA PECV

NIA. CONSTITVET

..EM.

46 DE RESTIT. SALVBR.

- .. EM. AEDEM. FORTVNAE CERERIS. SVA. PECVNIA. CONSTITVIT
- .. EM. PONDERA. AD. MACELLVM. CVM. M. TVRRANIO SVA. PECVNIA. FECIT.
- AEDEM. SPEI. SVA. PECVNIA. TITVIT
- .. EM. TRIBVNAL IN FORO MAR MOREVM. FECIT
- VIC. STATVA. INAVRATA D. D. P. P. POSITA EST.
- .. EM. AHENEA. D. D. P. P. POSITA
- .. ROXVME TRIBVNAL. QVAES.
- .. EREA CVOD CVM. RES. PVBLICA.
- .. RAIDIA. SVA VENDERIT. OB. POL. ICITATIONEM. BELLI. NAVALIS.
- HXXV CC REIPVBLICAI DONA
- ... NC FVNERE PVBLICO
- COCFFER CEN. ... ERVNT.

Nec dubitandum quin plurima alia ornamenta, ædificiaque sumptuosissima in tam celebri colonia fuerint. Venio nunc ad Urbem Antium, quam & ipsam non primis tantum Romanæ Reipublicæ temporibus florentissimam fuisse ostendam; sed postea etiam summo operè splendidam, atque ædificijs ornatam. Dionys. Halicar. Ἀντίον πόλις ἐπιφανέστατη τῆς Οὐολέσκων ἔθνης. hoc est *Antium urbs Volscorum nobilissima*. Liuius lib. II. opulentissimam olim fuisse testatur, & lib. VI. caput Volscorum. Notissima sunt etiam bella, quæ non modò Reges Romani, sed eiectis etiam Regibus diutissimè, ac pertinacissimè cum Antiatibus populus Romanus exercuit. Ex eo verò bello, quod Numicius Cos. cum

Antium.

Eius opulentia, & splendor anti-
quus.

cum Antiatribus gessit, cognoscimus (Dionys. lib. VIII. docente) habuisse Antiates præter urbem altiori loco positam, nempe ubi nunc D. Blasij fanum est, oppidulum aliud in littore mœnibus clausum: quod ipsis erat rerum venalium forum, ac nauale: quod interdicto ijs usu maris, æquatis solo mœnibus, ac nauium receptaculis complanatis, abductisque nauigijs dirutum penitus à Romanis fuit. Strabo etiam lib. V. scribit diu piraticam eos exercuisse, iunctis etiam cum Tuscorum classe viribus. Non eo tamen inficias, quin Antij portus primis temporibus mediocris fuerit: quo à Romanis corrupto, ac diruto, postea locus importuosus mansit; ut inter alia liquet ex eodem Strabone, qui ἀλίμενον πόλιν vocat. Illud certè constat, Neronem Cæs. qui summopere eo loco delectatus est, quod ibi genitus esset, atque ex Poppæa filiam suscepisset, non modò veteranis eò missis coloniam frequentasse; sed magnificentissimum ei portum addidisse, cuius ingentes etiamnum supersunt ruinæ; præcipuè molis qua includebatur, ac Phari, quæ noctu nauigantibus prælucebat. De ædificijs verò celebre ibidem fuit Fortunæ templum cum sortibus, quod vulgò notum: itemque Æsculapij in littore, cuius multi etiam meminerunt; Valer. Max., Autor de viris illustribus, & alij. Magnis insuper, crebrisque ædificijs, ac Principum Romanorum secessibus nobilitatum fuisse Strabo docet his verbis. Εξῆς δ' ἐστὶν Ἀντίον, ἀλίμενος καὶ αὐτὴ πόλις.

ἢ ἑνὶ

*Antij na-
uale. &
portū ha-
buit ab ur-
be separa-
tum.*

*Antiates
classe olim
valida.*

*Nero An-
tium præci-
puè ada-
mavit, or-
nauitque.*

*Eius non-
nulla ædi-
ficia em-
erantur.*

νῦν μὲν ἀνέσται τοῖς ἡγεμόσιν εἰς χολῶν καὶ ἀνεσιν τῶν πολι-
 τικῶν, ὥτε λάβοιεν καιρὸν. καὶ διὰ τῆτο κατακοδόμῳται πολυ-
 τελεῖς οἰκῆσαι ἐν τῇ πόλει συχνὰ, πρὸς τὰς τοιαύτας ἐπιδημίας.
 idest Sequitur oppidum Antium, & ipsum importuosum:
 ceterum Principum otio, atque vacationi ab civilibus
 occupationibus dicatum est: ideoque magnifica, ac splen-
 dida inibi sunt ædificia extructa permulta, excipiendis
 eorum secessibus. Quæ post Strabonis ætatem mul-
 tō magis dici potuerunt, cū sequuti post Tibe-
 rium Principes, Nero, alijque summoperè eum
 locum adamauerint, atque ædificationibus excolue-
 rint. Huc pertinet Philostrati locus in vita Apol-
 lonij; ex quo discimus Hadriani prætorium apud
 Antium fuisse, quo præ alijs maximè delectabatur.
 Minimè verò prætereundum hoc loco videtur (etsi
 Romæ incolis satis id notum est) oppidum mari-
 timum mille circiter passibus à veteris Antij reli-
 quijs dislitum, quod Neptunium dicitur (vulgò
 Nettunno) cuius incolæ ab Afris, siue Mauris oriun-
 di vulgò creduntur. Suadet hoc mulierum habitus
 discolor, & ab Italico valde diuersus, quæ non-
 nunquam ad Urbem veniunt. Verum vt de eo du-
 bitem facit, non tam, quòd nulla sit huius Afri-
 canæ colonæ in historijs mentio (nec enim ig-
 noro paucissimos, nec eos satis diligentes extare
 rerum scriptores, quæ vigentibus Sarracenorum ar-
 mis, atque illo caliginoso sæculo contigerunt)
 quàm, quòd minùs credibile videtur, gentem Chri-
 stiano nomini infensissimam, & de Italia à se va-
 stata pessimè meritam, vel ausam fuisse tam propè
 Christiani

Hadrianus
 Antiani
 villa præ-
 cipuè dele-
 ctabatur.

Neptunium
 oppidū in-
 sta Antij
 promonto-
 rium.
 Eius incolæ
 Africanæ
 originis
 vulgò cre-
 duntur.
 Sed verifi-
 mile non
 videtur.

Christiani orbis caput sedem figere, vel tantope-
re hanc viciniam adamasse, vel denique à finiti-
mis gentibus non minùs religiosis, quàm fortibus
permisum id eis fuisse: nisi fortasse credamus na-
tionem Mahometicis erroribus ad insaniam vsque
addictam, subitò ijs eiuratis, Christianos ritus su-
scepsisse. Quidquid sit, nulla hodie, quod sciam,
Mahometicæ superstitionis, vel Arabicæ linguæ
vestigia apud Neptunienses supersunt; eoque mi-
nùs credibile videtur ortu Arabes, siue Afros esse.
Cæterùm genus est hominum, quantum ex relatu
aliorum comperi, quo nullum in toto Latio desi-
diosius, ac minùs industrium: nam cùm agros
valde vberes in proximo habeant, agriculturam
negligunt: cùm sylvas auibus, ac feris refertas, nec
venatui, nec aucupio student: denique cùm mare
piscibus fœcundum accolant, piscandi imperitos
esse illud maximè probat, quòd marinis piscibus
Roma careret, nisi quotannis Prouinciales Galli
cupidine lucri illecti Romam confluerent ad pi-
scaturam exercendam. Atque hæc de Antio di-
cta sunt. Probare etiam possem, Laurentum,
Lanuuium, Cære, aliaque eiusmodi oppida anti-
quis Autoribus sæpiùs nominata, (quæ propter
aeris intemperiem hodie ferè deserta sunt) ante
Italiae excidium populo frequentia, ædificijs orna-
ta, cultu splendida, opibus referta fuisse: id enim
præter alia liquet ex magistratibus dignioribus,
qui non minùs, quàm in celeberrimis Italiae co-
lonijs, ac municipijs, ibi fuerunt; vt veteres In-

*Eorū in-
cr-
tia.*

*Galli pi-
scatores
quotannis
ad piscatū
Roma ve-
niunt.*

*Alia oppi-
da olim
celebria,
ac splendi-
da.*

G scriptiones

*Lanuuium
nunc Città
Lauinia.*

scriptiones præcipuè ostendunt : ac de Lanuuiio Miloniana in primis Oratio Ciceronis id palàm testatur : tùm insignium aliquot virorum numerus, quos passim apud antiquos legimus indidem oriundos : tùm quòd vrbanoꝝ frequens erat in ijsdem locis commoratio : sed tot testimonijs , atque argumentis abundamus , vt ea conquerere distædeat ; cùm res sit multis nota , atque aliò festinet animus , atque impetus scribendi . Priùs tamen nonnulla carptim dicamus de ea frequentia ædificiorum , quam , præter suburbia , villæ in proximo si-

*Celebriores
viæ longissi-
ma habue-
runt subur-
bia .*

tæ efficiebant . Celebriores igitur viæ ad multa milliaria continuis ædificijs vtrinq; insecus fuerunt ; puta , tabernis , officinis , diuersorijs , villis , suburbanis , ac monumentis etiam sumptuosiori-

*Histoire
des grands
chemins de
l'Empire
Romain .
Viæ Appiæ
frequentia
ædificia .*

bus : qua de re lege , si lubet , Nicolai Bergerij opus , quod de vijs militaribus Romanorum Gallica lingua fusè , ac diligenter conscripsit . Viæ igitur Appia , quæ omnium princeps , ac celeberrima fuit , Aricia tenus continuis fermè ædificijs occupata erat ; quorum magna etiam nunc rudera

Flaminia .

vtrinq; conspiciuntur . Ex aduerso , Flaminia ædificia Otriculum vsque pertingebant . Ostiensis

Ostiensis .

etiam ad mare vsque pariter culta , atque habitata fuit , ac similiter ferè Tiburtina quousque Tibur perueniret , vt doctissimus Lipsius etiam obseruauit : quod de alijs frequentioribus vijs , puta , Prænestina , Portuensi , Latina , Salaria , Nomentana , Aurelia , Cassia itidem credi potest . Nec tamen , vt verum fatear , adeò perpetua fuisse puto quouersus

quouerfus huiusmodi ædificia, vt non aliquibus locis vacuæ areæ superessent, præsertim horti mactarijs obsepti. Nil mirum igitur pronuntiasse Plinium magno, sed vero encomio, *expatiantia tecta multas addidisse vrbes*. Dionys. verò Halicarnasæus, qui sub Augusto vixit, hoc est, multò antequam magnificentia, ac multitudo ædificiorum, tum intra, tum extra Urbem ad summum peruenisset, scriptum nihilominus reliquit loca circa Urbem sita minimè cincta mœnibus fuisse, verum adeò spissa, ac frequentia, vt non facilè quis intelligere posset vbi inciperet, vbi desineret Vrbs: οὕτω συνύφανται τὰς ἀστας ἢ χώραν καὶ εἰς ἀπείρον ἐκμηκυνομένης πόλεως ὑπόληψιν τοῖς θεωμένοις παρέχεται. idest, adeò suburbana ipsi urbi adherent, & coniuncta sunt, & speciem immensa cuiusdam longitudinis spectantibus exhibent. Hinc factum est, vt cum Hormisdas nobilis Persa in comitatu Constantij Cæs. Romam via Flaminia accederet, ab Ocriculo Urbem priùs ingressus fuerit, quàm, vbi ea inchoaret, discernere posset Ammiano Marcellino testante. Iam verò Tiberis ripas continuis ferè villis ad mare vsque circumuestitas nonnulli produnt. De littore verò maris, ne quis putet solam Campaniam sic excultam fuisse, ex Plinij Iunioris supra allato loco perspectum est, in eo fuisse *nunc continua, nunc intermissa tecta villarum*: quamuis nec Tuscum, nec Latinum litus, non modò salubritate, sed nec amœnitate, aut prospectuum elegantia valde sit commendandum, aut vllò modo cum Campania, aut reliqua

Ea ædificia perpetuum non fuerunt.

*Tiberis utraque ripa vsque ad mare frequentibus ædificijs in-
fessa.*

Apud litus creberrime vills.

Italia ad fretum vsque conferendum . Si cui verò
 nondum planè persuasum est , circumiectam Romę
 regionem , maximè in locis humilioribus , ac pa-
 rum salubribus , creberrimis villis , ac prætorijs
 ornatam , atque interstinctam fuisse , eat ipse quo-
 quouersus , ac omnem regionem circumlustret ;
 tam multas parietinas , ac rudera cumulos vbi-
 que ferè reperiet , vt nullam ampliùs hæsitandi
 causam habiturus sit : quanquam minimè dubitan-
 dum est multò plurium vestigia penitus esse dele-
 ta ; erutis videlicet fundamentis , atque aliorum
 asportatis cæmentis , ac lateribus ad nouas ædifi-
 cationes , vt quotidie fit . Addam in hanc rem ar-
 gumentum , quod alicui fortasse mirum , ne dicam
 absurdum , videbitur : verùm sic quoque magni
 ponderis apud me est . Arenarię cryptę antiquis
 temporibus ad extrahendam arenam in vsum ædi-
 ficiorum excauatę , (quod hodie diuersa ratione
 faciunt supernè effossa terra , vt in pastinationibus
 solet) tam multę extant non in proximo tantum , ac
 sub vineis Vrbi propinquis ; sed etiam longiùs , &
 in omnes ferè partes ad mare vsque , & montes
 Prænestinos ; atque ab alio Cœli cardine in Etru-
 riam etiam longissimè (nec defuit quibusdam ab-
 ditiora quędam , ac penitus sepulta veteris æui mi-
 racula rimandi studium) vt totus hic Latij , ac Tu-
 scię suburbanę tractus (cuius infimum solum vnus
 naturę est tophaceum , & sabulosum) penitus
 suffossus , ac propè pensilis existimari possit ; vnde
 fit , vt vix vnquam internis flatibus quatiatur : ita
 longi ,

*Plurimę
 ædificiorũ
 rudera quo-
 quouersus
 circa Ro-
 mam .*

*Etsi plu-
 rium dele-
 ta sunt ve-
 stigia .*

*Aliud ar-
 gumentum
 ad astruen-
 dam vete-
 rum ædifi-
 ciorum cir-
 ca Romam
 frequentia
 ex Arena-
 rjs sumptũ .*

*Earum in-
 gēs magni-
 tudo, & nu-
 merus .*

longi , & multiplices , ac multifariam inter se implicati subterranei meatus quoquouersus patent , vt immensi cuiusdam labyrinthi speciem præbeant.

Huiusmodi cryptæ , siue cuniculi , Arenariæ etiam simpliciter dictæ leguntur in veteribus Sanctorum Martyrum actis ; Catacumbæ etiam , quod scilicet Tyrannorum persecutione innocens Christi plebs subterraneis hisce locis interdum potissimum delitesceret , cubaret , cibum caperet , sacrosque conuentus haberet .

Ab his , tanquam à genere species , distant Cœmeteria , quæ Vrbi ferè propinquiora sunt , ac militaribus vijs adfita (multa enim supersunt) laxioribus , sed breuioribus spatijs diffusa , sacellis , sepulchris , aris , atque id genus ædificationibus iuculentiùs ornata : qualia ferè nonnulla quoque fuerunt apud Ethnicos subterranea monumenta , quæ & conditoria dicebantur , opere lateritio parietibus in ambitum suffulta : in queis crebri loculi cum urnis , atque ossuarijs ad vnicam ferè familiam spectantibus , disponebantur ; qualis fuisse videtur is , qui in Vrsinianis bibliothecæ Vaticanæ collectaneis antiquitatum describitur , ex suburbano Exquilinæ portæ ni fallor , ad Sex. Pompeij domum , vt videtur , pertinens .

Verùm de omnibus his subterraneis miraculis , ac præsertim sacris Cœmeteriorum antiquitatibus iuculenter , atque eruditè pertractat Ioannes Seueranus Congregationis Oratorij Sacerdos in eximio opere ab Antonio Bosio olim incepto , quod *Romam subterraneam* inscripsit , ex quo magna

Cryptæ arenariæ in Martyrologijs simpliciter Arenariæ dictæ & Catacumbæ.

Earum species , Cœmeteria .

Conditoria veterum Ethnicorum.

gna cum voluptate, ac fructu infinitas res minimè protritas, ac vulgares haurire licebit. Sed quorsum hæc, inquires, de suburbanis Arenarijs extrapropositum scopum commemoratio? nimirum ut ostendam, tantam fossitiæ huius arenæ copiam (de cuius speciebus vide Vitruvium lib. II. cap. IV.) ex tot, tantisque cuniculis longo tempore, ut apparet egestam fuisse, ut si vel totam Latij planitiem Roma occupasset, sufficere quodammodo, ac penè redundare potuerit; nedum ijs ædificijs suppetere, quæ intra moenia extiterunt: quorum verus ambitus, quando à Gothis direpta est, testante Olympiodoro apud Photium, XXI. milliaria collegit; quæ octodecim hodiernorum ferè summam conficiunt: quare nisi tam immensam arenæ copiam in alios quàm ædificationis vsus conuersam esse velimus, necesse est ut dicamus, infinitis propè ædificijs proxima Vrbi loca fuisse contexta. Atque hinc intelligi potest ingens ea populi multitudo (quamuis id paulò post diligentius excutiemus) quæ Romæ veteri à plerisque tribuitur: neque enim si rem acriùs perpendere volumus, tot centena hominum millia intra eum, quem dixi, murorum ambitum recipi potuisse videntur. Namque (ut rem enucleatiùs expendamus) cum hodiernorum mœnium circuitus, comprehensa Leonina regione, XV. milliaria explere feratur; atque adhuc multæ veteres portæ (structuræ genus id docet) supersint; quædam porrò paulò supra nostram memoriam ijsdem vestigijs renouatæ sint; cumque etiam maneat Castrum

Uide Borghinam de origine Florent.

Hinc etiã apparet maximam Romanæ urbis frequentiam.

Hodiernus Romæ ambitus.

stri Pratorij ad extremam, atque Orientalem Urbis partem murus (quanquam fortasse recentioris structuræ) quod spatium, exauctoratis à Magno Constantino pratorianis cohortibus, adiectum Urbis fuerit, ita ut ex his indicijs colligi possit hodierna mœnia maxima ex parte super antiquis fundamentis excitata fuisse; & tamen ex aduerso dicatur antiquum ambitum circiter XVIII. hodiernorum milliarium fuisse; quo tandem pacto hanc ἀντιλογίαν componemus? Si quid igitur mei iudicij est (quod tamen non asseueranter affirmo) existimarem, eos qui olim Urbem dimensi sunt, per anfractus, ac sinus mœnium (qui hodie etiam multis in locis conspiciuntur) non directo tramite mensuram exegisse; qua ratione aliquantò maior milliarium numerus consurgit: contra verò, qui hoc tempore XV. milliaria Romanæ urbi tribuunt, eo modo intelligere, si sine ambagibus, ac flexibus dimetiens linea ducatur: quod si verum est, antiqua, atque hodierna Urbis capacitas parum inter se distabunt: nam eundem planè esse murorum circuitum, id dici nullo modo potest; quibusdam enim locis, eos qui deiecta à Gothis mœnia refecerunt, ab eorum fundamentis aliquantum deflexisse palàm liquet: ut circa portam Trigeminam, cùm antiquus cis Tiberim murus recta regione Transiberinum in vltiori ripa delinentem peteret; quod & illius nonnulla vestigia, & recentioris, qui Testaceum montem complectitur, enormior deflexus (& miror ab ijs, qui vetustæ

Hodierna mœnia super antiquis fundamentis excitata.

Antiquus, atque hodiernus Urbis ambitus parum differre videntur.

A portâ Trigeminâ, siue S. Pauli usque ad Tiberim murus latinus, quàm olim diffunditur.

Romæ

Romæ delineationem ediderunt, non esse animadu-
uersum) & Cestiani monumenti iuxta eandem
portam situs (per cuius centrum mœnia ipsa du-
cuntur) liquidò ostendit: postea, dum Vrbs refi-
ceretur, existimarunt firmiorem, ac munitiorem
eam fore, si Cestiana pyramide tanquam propu-
gnaculo quodam in ipsis mœnibus vterentur, &
elator ille priscarum testarum cumulus (ex quo
indicio propè accoluisse figulos antiquarij notant)
intra Urbem inclusus, aggeris vsum Romanis po-
tius, quàm hostibus præstaret. Quod ita esse, si
cætera deessent indicia, vetus illa consuetudo,
stante præsertim Republica, inuiolabiliter obserua-
ta, mortuos extra Urbem humandi, ac sepulchra,
monumenta que extruendi, satis ostenderet. Cæte-
rùm, quoniam in Cestiani sepulchri mentionem
incidimus, illud obiter adnotasse liceat, interio-

*Sepulchra
olim intra
Vrbē stre-
re non lice-
bat.*

*Interiores
Cestiani se-
pulchri pa-
rietes anti-
quas pictu-
ras etiam
nunc seruāt.
Iulij Man-
cini de Pi-
ctura opus.*

*Vetus Ro-
mæ ambi-
tus non pro
sua magni-
tudine ca-
pax, &
quæ.*

rem ipsius cellam, etsi hodie maximam partem
terra oppletam, vetustissimis picturis etiamnum
ornatam conspici; quibus Iulius Mancinus Archia-
trus eruditissimus, in suo de pictura opere, parem
atque ipsi monumento antiquitatem tribuendam
putat. Sed vt ad veterem Romæ ambitum reuer-
tar; si eum paulò quàm hodie maiorem, aut pe-
nè eundem constituamus, nequaquam is tantæ ca-
pacitatis fuerit, quantam ex primo intuitu quis fa-
cilè iudicaret: propterea quòd magna, creberri-
maque spatia continuit nullius ad habitandum vsus;
sed partim vacua, partim otiosis ædificijs attribu-
ta: quod, qui in antiquæ Urbis descriptionibus ver-
fati

fati sunt, non ignorant. Nam, per Deum immortalem, quantum urbanae areae occupasse tandem putamus, tot magnificentissima Tempora, tot latissimas Thermas, Circos, Amphitheatra, Naumachias, Horrea, aquarum Castella, Fontes, Lauacra, Lacus, Ianos, Basilicas, Porticus? tot rerum venalium, & civilium Fora? tot areas, campos, hortos, viridaria, aliaque id generis? quantum ea, quae non perinde omnibus nota, Lucos aedibus sacris nunc adritos, nunc circumfusus? semitas Insulis circumiectas? quarum multitudinem ex Sex. Rufi libello Descriptionis Urbis Romae (eius enim esse, non P. Victoris, iam pridem Philander notavit) cognoscere possumus. Quantumvis excelsas priuatorum domos extitisse dicamus (quarum altitudinem LXX. pedibus Augustus, LX. Nero definiuit) quantumvis angustè vilem plebeculam olim habitasse credamus (modò ne putemus plebis Parisiensis instar nimis arctè, angustèque id factum, quod nec temporum illorum splendor, nec Italicae gentis mundities patitur) necesse est fateamur paulò maiorem turbam, nedum tot illa centena millium intra Urbem pleraque ex parte quae sacris, quae publicis aedificijs, quae inanibus arcibus occupatam, minimè recipi potuisse: adeò ut, nisi constaret ex dictis, alijsque quae consultò omisi, innumeris aedificijs suburbanum agrum obiectum fuisse; hoc vno argumento inanem illam quorundam de multis millionibus Romam olim incolentibus sententiam conuellere possemus. Age igitur,

H

quoniam

*Insularum
ingens Ro-
ma nume-
rus.*

*Vetus Ro-
ma infini-
tam turbā
recipere nō
poterat.*

*Discepta-
tio de mul-
titudine in-
colentium
olim Romā.*

quoniam ad hanc instituto nostro affinem disputationem deuenimus; Iustus Lipsius (quo nemo meliùs, vberiùs, maiorique iudicio Romanas antiquitates exposuit) quatuor hominum milliones (in queis dimidiam partem seruorum ponit) Romæ, aut circa eam, idest in suburbijs, hortis, ac tabernis (ne quis de propinquis oppidis accipiat) habitasse censuit: quæ sententia vt in speciem fauorabilis, & pro tanti viri autoritate probabilis est; ita, si rem acriùs expendamus (dicam enim quod sentio non dissentendi studio, sed veritatis asserendæ; nec vt maximi viri nomen carpam, cuius memoriæ vt si quis alius addictus sum) nequam stare potest. Nam, vt constat ex monumento Ancyrano, Augustus Cæsar aliquoties censum egit: vt in sexto consulatu, quo collegam habuit M. Agrippam, quo censita sunt ciuium Romanorum capita quadragies centum millia, & sexaginta tria: nec magnum fuit aliorum censuum discrimen, vt idem monumentum ostendit; atqui notum est, præsertim ex Liuij historijs, in censibus referendis non separatim vrbanos, sed omnes simul Romanos ciues liberæ conditionis, demptis pueris, ac mulieribus, quotquot vbique gentium erant, adnumerari. Cùm igitur Augusti ætate tota Italia Ciuitatis iure gauderet, neque in prouincijs admodum multi tùm ciues reperirentur (colonix enim perpaucæ tunc temporis extra Italiam Ciuitatis ius possidebant; nec milites, ac negotiantes satis notabili numero Italicorum censum augebant)

cùm

*Augusti
Cæsaris
census.*

cùm etiam sub Claudio, quo Ciuitas multis popu-
lis communicata est Corn. Tacito testante, censa
sint non plura, quàm sexagies nouies centena se-
xaginta quatuor millia, idest, septem circiter mil-
liones: cumque hodie Italia, quippe multò infre-
quentius culta, ab huiusmodi rerum peritis nouem *Rotero, &*
hominum milliones continere dicatur; credibile fit *similibus.*
ex superscripto censu, Augusti ætate octodecim
saltem milliones, idest, duplo maiorem summam
in Italia extitisse: siquidem proportionem eius nu-
meri alios sex milliones puerorum, ac mulierum
adiungere possumus: atque item alios sex, pere-
grinis vnà comprehensis, seruorum, atque ancil-
larum; quorum ingentem olim numerum, ne to-
ties dicta repetamus, apud eundem Lipsium anti-
qui scriptores produnt; vt missas faciam veteres
sepulchrales Inscriptiones, quarum maxima pars
ad libertinos pertinet. Hæc summa non videbitur
immodica ei, qui antiquam Italiæ frequentiam
(cuius Australis hodie pars raris cultoribus exer- *Dimidia*
cetur) probè cognouerit; nimis exigua videbitur, *Italia pars*
qui vnicam Romæ urbem quatuor milliones ha- *infrequen-*
buisse crediderit, nec dubitauerit (quod valde *ter hodie*
probabiliter dicitur) quin, quot virilis ætatis Ro- *culta.*
mani ciues in censum ascribebantur, totidem cir-
citer puerorum, ac mulierum liberæ conditionis
capita, ac totidem etiam seruorum, & ancillarum
numerarentur. Quem igitur numerum, inquiet ali-
quis, Urbis incolarum, si Lipsianus tibi nimius
videtur, fuisse existimas? Ego, si quid mei iudi-

H 2

cij

*Autoris o-
pinio de
numero Ro-
mam olim
incolentium.*

cij est ; circiter decies centena hominum millia ,
aut non multò plures in ipso Imperij flore , puta
sub Traiano , vel Hadriano fuisse puto ; quæ sum-
ma non nimis modica censeretur , etiamsi Cæ-
sarea Cappadociæ vrbs quadringenta millia Zona-
ra teste habuerit ; etiamsi Agrigentum florentissi-
ma olim Siciliae ciuitas , Diogene Laertio scri-
bente (antequam scilicet Syracusæ ad tantam am-
plitudinem excreuissent) octingenta millia nume-
raret . Nam quod Alexandria illa celebris , illa di-
ces , illa post Romam omnium confessione secun-
da (cuius ambitum ex Plinij dimensione quindecim
milliarium fuit) non nisi trecenta millia libe-
rorum capitum , Diodoro tanquam rem magnam
asserente , habuerit (etsi Lipsio id parum credibile
videtur) potius pro nostra opinione facit , etiamsi
trecenta , aut quadringenta seruorum , ac peregri-
norum millia ad explendum septingentorum , vel
octingentorum millium numerum adijciamus ; quo
vix minorem Alexandriae fuisse puto : nec ma-
gnum , contra quàm Lipsio videatur , statuo disci-
men inter Romana tempora , & posteriorum Re-
gum ; sub quibus etiam frequentia populi , vt ex
historijs conijcere licet , mirabiliter floruit . Age-
verò , potissimas rationes , quæ Lipsium in eam
opinionem induxerunt , consideremus . Aiunt pe-
regrinos ex toto orbe confertim Romam conflu-
xisse : non nego id factum . Non desunt etiam Au-
tores , qui commune totius terræ oppidum : orbis com-
pendium , & epitomen : Urbem urbium : totas nationes
illic

*Cæsarea
Cappado-
cie.
Agrigentū.*

*Alexan-
driae am-
bitus , &
numerus
incolarum
liberæ con-
ditionis.*

*Incole A.
lexandriae
in vniuer-
sum circi-
ter septim-
gēties mil-
le fuisse vi-
dentur .*

*Rationes
Lipsij im-
mensum il-
lum incola-
rum Romæ
numerum
astruentis.*

*Aristides .
Polemoso-
phista .
Galenus .*

illic simul, atque iunctim habitasse: frequentiam, cui *Seneca.*
 vix Urbis immensa tecta sufficiant: capacem generis *Lucanus.*
 humani, & mundi face repletam, quæque alia in
 speciem magnificè, & ferè à Rhetoribus, ac
 Poetis μεγαληγορας dicuntur; quæ tamen, si rectè in- *Ad astrationes re-*
 telligantur, verissimè dici confiteor: sed hæc non *sponso.*
 minus vera esse possunt, si aliquot singula homi-
 num millia, non dena, vel centena singulis natio-
 nibus, quæ Romam incolebant, tribuamus. Nec
 est quòd satisfactum Lipsius putet ijs qui, unde
 tam immensæ turbæ alimenta suppeterent, quæ-
 runt, si publicas illas frumentationes obtrudat, &
 Senecæ dictum; in qua (Roma) consumitur quidquid *Senecæ ma-*
 terris omnibus aratur. Scimus enim solùm his decies *gnificā di-*
 centenis hominum millibus ingentem profectò *ctū de Ro-*
 frumenti modum quotannis ex Sicilia, Afri- *me magni-*
 ca, Ægypto, alijsque frumentarijs prouincijs ex- *tudine.*
 portari oportuisse. Scimus eas ipsas prouincias
 non minùs frequenter habitatas, quàm diligenter
 cultas fuisse. Scimus complura non modica oppi-
 da circa Romam fuisse (quod supra innuimus)
 quibus alendis, vel peregrè aduecto frumento, vel
 ex suismet agris comparato opus fuit. Scimus su- *Suburbana*
 burbana loca, præter ea quæ dixi, tam crebra ædi- *locastore-*
 ficia Cerealibus operibus erepta (quod rei rusti- *te Imperio*
 cæ scriptores non sine stomacho, atque indigna- *arborū nu-*
 tione detestantur) Bacchi, & Pomonæ cultui; *sum non*
 immò Floræ, ac Dianæ, hoc est, viridarijs, sta- *frequenter*
 gnis, nemoribus, ambulationibus à delicatis, lau- *præbebant.*
 tisque hominibus in tanta opum, ac voluptatum
 affluentia

*Ipsius pe-
ste mortuo-
rum nume-
rum apud
Suetonium
arget.*

affluentia attributa fuisse. Quare non est, cur Suetonij locum in Nerone ubi pestilentia unius autumni triginta funerum millia in rationem Libitinæ venisse scribit, Lipsius sollicitet, ac trecenta millia reponat, ut responsuram magis magnitudini eius populi, quam animo conceperat, summam repræsentaret. Sed nimirum decepit optimum virum, ac Romanæ maiestatis supra modum studiosum imensus, nec satis credibilis numerus incolarum Cairi, quem vnde nam hauserit diuinare non possum: nam ut relatu eorum, qui Ægyptum non in mappis, ac tabulis tantum lustrarunt, accepi, Cairum septingenta, vel ad summum octingenta capitum millia non excedit: quo loci notatu dignum est, si Ægypti aer eiusmodi est, ut quinis, vel senis diebus (quod Cornelius Celsus indicat) iuventibus medicis inedia ægri tolerare in eo potuerint; & si Arabica, atque Ægyptia gens (ut sunt ferè omnes Orientales) valde sobria est, ac frugalis, ut quæ pomis, pultibus, oleribus, ac leguminibus magna ex parte victitet; ea alimenta, quæ Cairitis sufficiunt, nequaquam dimidio pauciores Gallos, Britannos, aut Germanos solidiori cibo, multisque carnibus edendis assuetos sustentare posse: ut mihi longè mirabilior Lutetiæ frequentia qualiscunque est, quàm Cairi, aut ullius Asiaticæ Urbis videatur. Atque hæc de antiqua Romanæ urbis amplitudine, ac multitudine incolarum dicta sufficiant: hoc tamen addito non ignorare me, Probum, vel Aurelianum Principem muros

*Lutetiæ magna frequē-
tia admirabilior,
quàm Cairi.*

muros Urbis ad quinquaginta circiter milliaria adauxisse, si Vopisco, ac Zosimo fides. Sed quoniam credere par est vetustos, atque interiores illos muros non propterea deiectos fuisse, sed potius exteriorem illum ambitum abductis à Constantino Byzantium multis Romanorum civium millibus, ipsomet Lipsio fatente, desisse (prius etiam vacuæ areæ non modica spatia comprehendisse. videntur, ut si quis Parisiense S. Germani suburbium, aliaque proxima mœnibus cingat) ideò circa notiora illa, ac vetustiora mœnia, quæ multò diutius durarunt, insistendum erat potissimum. Verùm quod propius ad rem nostram facit, ut ad suburbanorum ædificiorum multitudinem indagandam redeamus, non modò rebus Italiæ florentibus, ac nondum sequutis Barbarorum vastationibus, hæc villarum frequentia quoquoversus circa Urbem spectabatur; sed multò etiam propius nostram memoriam, atque etiam post tempora Longobardorum. Id enim apertè docet tam minuta agri Romani diuisio, ac frequens fundorum mentio; retentis adhuc ab antiquiori tempore nominum appellationibus, ut liquet maximè ex vitis Romanorum Pontificum medij temporis apud Anastasium; adhæc ex priuatis nonnullis instrumentis, quæ in Archiuis supersunt. Vnicam tamen lapideam tabulam præterire non possum, quæ in pronao Basilicæ Vaticanæ parieti affixa spectatur, cuius generis, ætate P. Manlij, qui de eadem Basilica scripsit, sex aliæ legebantur; sed eæ incuria hominum,

& con-

*Quomodo
intelligen-
dum autē
fuisse Ur-
bem ad L.
milliaria.*

*Suburba-
norum ædi-
ficiorū pre-
quentia et-
iam post
tempora
Longobar-
dorum.*

*Crebritas
fundorum
id docet.*

*Quorū no-
mina apud
Anastasium
Bibliotheca-
rium.
Et in ta-
bula Gre-
gorianæ
prona Basilicæ Va-
ticane affi-
xa.*

*Quid en
tabula do-
ceat.*

& contemptu antiquitatis perierunt. In ijs, non
minùs quàm in hac, continebantur nomina præ-
diorum, ac terrarum, quæ B. Gregorius diuersis
Ecclesijs liberaliter donauit. Inscriptio igitur ita
se habet, seruata etiam (vt in rebus antiquis de-
cet) illius ætatis corrupta scribendi ratione, cùm
promiscuè V pro B, & contra vsurparent, vt
Olibetum pro Oliuetum.


Huiusmòdi

[Faint, mostly illegible handwritten text in a large rectangular frame]

I ingens

* DOMINIS SCIS AC BEATISS PETRO ET PAVLO APOSTOLORVM PRINCIPIBVS ✠ GREGORIUS INDIGNVS SERVVS ✠
 QVOTIENS LAVDI VESTRAE VSIBVS SERVITVR^A QVEDAM LICET PARBA CONQVIRIMVS VESTRA^A VOBIS REDDIMVS NON NOSTRA LARGIMVR
 VT HAEC AGENTES NON SIMVS ELATI DE MVNERE SET DE SOLVTIONE SECVRI ✠ NAM QVID VNQVAM SINE VOBIS NOSTRVM EST ✠
 QVI NON POSSVMVS ACCEPTA REDDERE NISI QVIA PER VOS ITERVM ET IPSVM HOVT REDDEREMVS ACCEPIMVS ✠ VNDE EGO VESTER
 SERVVS REDVCENS AD ANIMVM MVLTVM ME VOBIS BEAT^I APOSTOL^I PETRE ET PAVLE ESSE DEVITOREM PROPTER QVOD AB VVERIBVS
 MATRIS MEAE DIVINAE POTENTIAE GRATIA PROTEGENTE INTRO GREMIUM ECCLESIAE VESTRAE ALVISTIS ET AD INCREMENTVM
 PER SINGVLOS GRADVS VSQVE AD SVMMVM APICEM SACERDOT^I LICET INMERITVM PRODCERE ESTIS DIGNAT^I ✠ IDEOQVE
 HOC PRIVILEGI^I MVVSCVLVM HVML^I INT^RIM OFFERRE DEVOT^IONE PRAEVIDI STATVO ENIM ET A MEIS SVCCESSOR^BVS
 SERVANDVM SINE ALIQA REFRAGRATIONE CONSTITVO ✠ VT LOCA VEL PRAEDIA CVM OLIBETIS QVI INTERIVS DESCRIBVNTVR
 QVOS PRO CONCINNATIONE LVMINARIORVM VESTRORVM A DIVERSIS QVIBVS DETENEbantVR RECOLLIGENS VESTRA VOBIS DICAVI
 IMMUTILATA PERMANERE IDEST IN PATRIMONIO APPIAE MASSVICTOR^I OLAS OLIBETV IN FVND RVMELLIANO IN INTEGRO
 OLIBETV IN FVND OCTABIANO IN INTEGRO MASS TRABATIANA OLIBET IN FVND BVRREIANO VT SP OLIBET IN FVND OPIANO VT
 SP

OLIBETV T FVND. IVLIANO IN INTEGRO OLIBET. IN FVND. VIVIANO VT SVP. OLIBET. IN FVND. CATTIA . . .
 OLIBET. IN FVND. SOLIFICIANO. VT SP. OLIBET. IN FVND. PALMIS VT SVP. OLIBET IN FVND. SAGARS. V . . .
 OLIBET. IN FVND. MARANO. VT SVP. OLIBET. IN FVND. IVLIANO VT SP. OLIBET. IN FVND. SARTVRIANO VT SP.
 OLIBET. IN FVND. CANIANO ET CARBONARIA VT SVP. MASS CESARIANA OLIBET. IN FVND. FLORANO VT . . .
 OLIBET. IN FVND. RISCIANO ET GRASSIANO VT SVP. OLIBET. IN FVND PASCVRANO VT SP. OLIBET IN FVND
 VARINIANO VT SVP. OLIBET. IN FVND. CESARIANO. VT SP. MASS PONTIANA. OLIBET. IN FVND PONTIANO VT SP.
 OLIBET. IN FVND. CASAROMANIANA VT SP. OLIBET. IN FVND. TATTIANO VT SP. OLIBET. IN FVND. CASAFLO RANAVT SP.
 MASS STEIANA OLIBET. IN FVND. BERRANO VT SP. OLIBET. IN FVND. CACCLANO VT SP. OLIBET. IN FVND. PONTIANO VT
 OLIBET. IN FVND. AQUILIANO VT SP. OLIBET. IN FVND. STEIANO VT SP OLIBET. IN FVND. CASSIS VT SP. MASS TERTIANA
 OLIBET. IN FVND. CAMMELIANO ET FVND. TORTILLIANO VT SP. OLIBET IN FVND. CASACVCVL^I VT SP. MASS NEVIANA
 OLIBET. IN FVND. ARCIPIANO VT SP. OLIBET. IN FVND CORELLIANO VT SP. OLIBET. IN FVND. VRSANO VT SVPER
 IN PATRIMONIO LABICANENS. MASS ALGISIA. OLIBET QVI EST AD TVFV IVXTA ANAGNIAS IN INTEGRO
 OLIBET QVI EST IN SILVLA ET MODICAS TALIAS CATAGEMMVLVM AG MILIT OLIBET IN APLINEAS IN INTEGRO
 OLIBET. QVI EST IN CLAVIANO OLIBET. QVEM TENET FRANCVLVVS COLONVS IN FVND ORDINIANO IN INTEGRO



Huiusmodi fundi suos, propriosque cultores habebant conditione plerunque seruos, quorum vsus ad inferiores vsque atates peruenit; ac proinde minimè dubitandum est, quin in singulis casæ, ac domus rusticæ fuerint. Quare cùm in tot fundos ager Romanus tùm esset diuisus, sicuti hodie meliorem Etruriæ, ac Galliæ Circumpadanæ partem videmus; necesse est vt ingens etiam numerus rusticarum ædium fuerit, quæ propriè villæ Rusticæ dicebantur; sicut Urbanæ, quæ ad dominorum vsum ædificatæ erant, vt ex rei rusticæ scriptoribus, ac Pandectarum libris, & veteribus grammaticis intelligitur. Porro illud in hac tabula adnotandum videtur, Massas in agro Latino complures fuisse, quarum singulæ aliquot fundos continebant. Massæ igitur vocabantur (etenim rudiorum gratia, vt ab initio præfatus sum aliqua necessariò sunt dicenda) plurium fundorum ad eundem dominum spectantium, atque etiam plurium camporum, vbi latifundia sunt, comprehensio, qui ab vno actore (quem hodie *factorem* dicimus) administrabantur. Idem ferè significabat possessio, vt patet ex Symmachi epistola XLI. lib. X. in qua Massa Cæsariana in finibus Prænestinorum sita (quam in D. Gregorij tabula nominari puto) paulò post possessio Cæsariana vocatur. Et sanè hodierna locutio *possessionem* eodem ferè significatu vsurpat; licèt apud nostrates propriè vocetur, *una fattoria*, fundus verò, *un podere*: apud Vrbinates autem fundus paruus *possefsio* dicitur,

*Hi fundi
mancipys,
sine ad-
scriptiis
ferè cole-
bantur.*

*Ville Ru-
sticæ, &
Urbanæ di-
scrimen.*

*Massæ quid
fuerint.*

*Quid pos-
sessiones.*

ingens fundus, *un podere*. Fit etiam crebra huius

*Massæ vocabulū ex-
tat etiam
in Codici-
bus Theo-
dosiano, &
Iustinia---*

vocis mentio non tantum apud Anastasium, sed & in Constitutionibus Imperatorum Codicis Theodosiani, & Iustiniani; ut exempli gratia, Massæ Cæsiana in Anthemij Nouella de bonis vacantibus, & alibi frequenter, ut alijs obseruatum. Inde conductores Massarum (quomodo eos vocat

Gregorius lib. XII. ep. XX.) Massarij etiam po-
tea dicti sunt, ut in legibus Longobardorum, &
apud Petrum de Vineis lib. III. epist. LXVI. quod
vocabulum multi adhuc Italiæ populi usurpant:

*Hinc hodie
Massarij,
& Massa-
riae voca-
bula uspiā
supersunt.*

sed latiori alibi significato *Massariam* vocant an-
cillam. Iosephus etiam Suaresius Bibliothecæ Bar-
berinæ præfectus eruditissimus superesse hanc vo-
cem etiam apud Transalpinos suos, maximè Are-

*Etiam apud
Galios.*

latenses, mihi confirmavit; atque illos eodem si-
gnificatu dicere, *un Mas*, quod cæteri Galli, ut
plurimum, *une grange*. Sed quoniam Massa ædifi-
cium quoque rusticum significabat, inde accidit,

*Ex ijs Mas-
sis vici, &
oppida con-
luerunt.*

ut commoditatis gratia tabernis, alijsque domibus
deinde iuxta excitatis, ac coalescentibus paulatim
habitationibus, vici primum, inde castella, & op-
pida euaserint. Ex quibus hodieque nonnulla
Massæ nomen retinent, ut in Etruria propè Popu-
lonium, *Massa di Maremma*, & in Lunensi agro,
Massa di Carrara; in Campania verò, Massa Lu-
brensis. Massæ ergo dictæ videntur, siue quòd ex
pluribus fundis vna quasi massa fieret; seu potius,
quòd in præcipuo fundo latius esset ædificium ubi

*Villa fru-
ctuarie.*

moraretur actor, ac villicus; ac villæ fructuariæ
vsum

vsus præberet, eoque tanquam in massam quandam fructus, ac fruges congererentur. Sed hæc iam extra rem: quare ad institutum sermonem redeamus. Cum igitur abundè probatum sit admirandam omnis generis ædificiorum copiam, longè, lateque olim circa Romam steterisse, etiam multò post Gothicas clades; atque inde satis liquere possit, quouis anni tempore vrbano homines suas villas, ruraque etiam maritimis, ac grauioribus locis positas sine vlllo metu adiisse; attamen vt morosioribus etiam satisfaciam, atque omnes prorsus scrupulos euellam, testimonio veterum scriptorum id quoque probandum videtur. Et quidem succurrit primùm ex Epistolis M. Tullij ad Attic. XLIV. libri XIII. quæ incipit. *Pollex quidem, vt dixerat, ad Idus Sextiles, ita mihi Lanuuij pridie Idus præsto fuit.* Ex quo loco constat circa Idus Sextilis, siue Augusti, periculosissimis nempe totius anni diebus, Lanuuij, quod nunc *Città Lauinia* dicitur, in via Appia Ciceronem egisse, sub id tempus, quo Cæsaris aduentus ex Hispania post deuictos Afranium, & Perreium expectabatur. Ne quis verò obijciat, illud oppidum, vtpote editum, non fuisse insalubre; neu quis opinetur totam æstatem ibi exegisse, sequens Epistola paucis post diebus, certè ante Calendas Septembris, data (arguit id rerum series) satis indicat paulò post illinc Ciceronem discessisse, cogitantem videlicet certo quodam die Antij quiescere, postridie verò Romæ, vel in suarum villarum aliqua (inquit enim, *Cras ante Me-*

*Frequentia
ædificiorum
agrestium
satis probat
quouis anni
tempore ve-
teres rusti-
cari soli-
tos et in
locis gra-
uioribus.*

*Evidentius
tamen offe-
ditur ex lo-
cis Autoris.
Ex Episto-
la quadam
Cic. ad At-
ticum.*

*Offenditur
Calendas,
quas nomi-
nat, prox-
imas esse
intelligen-
das, id est,
Septēbris.*

ridiem, domi) manere; deinde proximis Calendis in Tusculanum recurrere. Quas locorum mutationes paucis ijs diebus à Cicerone nulla necessitate urgente factas tunc fuisse planè conuincit connexarum rerum, vt dixi, series quæ duabus ijs, ac præcedentibus, sequentibusque Epistolis tractantur: præsertim cùm Cornelius Nepos in vita Pomponij Attici testetur sexdecim his Epistolarum voluminibus adèdò diligenter de publicis, priuatisque rebus à Ciceronis consulatu vsque ad extremum tempus ab eo tractari, *Vt ea qui legat, non multum desideret historiam contextam eorum temporum*. Et sanè facilè deprehenditur in hisce libris ea omnia narrari, vel indicari, quæ hoc interuallo memoratu digna contigerunt, nisi dum Cicero, atque Atticus vnà fuerunt. Cæterùm cùm satis constet, vt supra diximus, multò etiam infra magnas illas Barbarorum vastationes, agrum Romanum crebris fundis distinctum, & consequenter tunc etiam benè cultum, ac frequenter habitatum fuisse; dispiendum iam videtur, quandonam ingens hæc, & miseranda vastities facta fuerit. Si quid igitur mei iudicij est, incoepisse eam tunc primùm opinor, cùm Astulphus Longobardorum impius Rex Stephano III. Papæ, ac populo Romano infensus aduersus ea, quæ Pipino Francorum Regi semel ab eo victus promiserat, urbem Romam iterum vexare quàm acerbissimè cœpit; eamque circumquaque obsidere: quo tempore nec sacris, nec profanis ædificijs pepercit; quin obuia quæque rabie quadam effe-

ratus

*Inquiritur
tēpus cūm
ager Roma-
nus vasta-
ri, ac dese-
ri cœpit.*

*Ostenditur
ab Astul-
pho Longo-
bardorum
Rege id pri-
mum eue-
nisse.*

ratus dirueret, incenderet, ac pessundaret: quade re Epistolæ aliquot ab eodem Stephano in Galliam ad Pipinum missæ adeò miserabiliter conceptæ extant, ea præsertim, in quam Sanctorum Apostolorum Petri, & Pauli Pipinum ad Romæ opitulandum obtestantium persona inducitur, ut penè legentibus lachrymas extorqueant. Multò maiora tunc igitur damna ager Romanus, proximaque oppida, ac vici, villæque à Longobardorum armis pertulisse videntur, quàm olim à Gothis, ac Vandalis, qui Urbem ceperunt, ac diripuerunt. Quamobrem tunc præcipuè arbitror populatione latè facta, vicisque, ac tectis rusticorum maxima ex parte incensis hunc agrum infrequenter coli cœpisse: antea enim Barbari Romam inuadentes, munitioribus tantùm circa locis vim intulisse videntur; eaque solum diripuisse, quæ caput Orbis aggredientibus occurrebant, quæque circumfidentibus Urbem vsui esse poterant; ingentium fluminum ritu, quæ vbi per patula, ac decliua feruntur, quidquid obuium est, nec ultra, prosternunt: vbi verò occurrente obice retardantur, longinqua etiam in præceps trahunt, geminataque ruina moram vlciscuntur. Sequenti dehinc sæculo (vide rerum vicissitudinem) Francorum copiæ, gentis olim ad tutelam Apostolicæ Sedis penè natæ, in proximo castra habentes, ac Ludouicum Secundum ducem secutæ (de Ludouici Pij filio, Caroli Magni nepote, Pipini pronepote quis hoc credat?) quem Sergius Secundus, populusque Romanus

*Epistole
Steph III.
à Pipino
Francorum
Regi contra
Astulphum
opem rogā-
tis misera-
biles.
Multo plus
damni ager
Romanus
à Longobar-
dis, quàm
à Gothis
accepit.*

*Deinde à
Ludouico
II. & Fran-
cis.*

Romanus omni genere officiorum, atque obsequij exceperat, non mediocrem cladem miserrimis hifce agris intulerunt: nullis enim iniurijs laceffitos, nullis affectos contumelijs, sed amicè primùm, & quietè hospitantes, mox militari insolentia tanquam in hostico omnia circum ædificia barbarum in morem vastasse, frugesque, ac sata corrupisse hiftoriæ loquuntur. Consecuta statim sunt infelicia ea tempora, cùm discordijs, atque ignauia Christianorum Principum, maximeque Caroli Magni nepotum, Occidentis prouinciæ mirum in modum labefactatæ, atque afflictæ fuerunt. Quare superioris Italiæ regiones nemine resistente ab Hungaris, inferioris verò à Sarracenis, sed multò diutius, cædibus, rapinis, atque incendijs vastatæ sunt. Ab ijs igitur non modò Apulia, Lucania, Bruttij, Salentini, quos in populos maximè ea pestis incubuit; sed Tuscorum, Latinorumque fines, pierisque maritimis oppidis excisis, miserandum in modum direpti, lancinatique fuere: quocirca Romani agri cultores, partim in captiuitatem abducti, partim occisi, partim assiduarum populationum metu relictis terris, ac patrijs finibus, in tutiora, ac maximè montana loca concesserunt, ibique hæserunt. Nec dubitandum quin otiosè, leniteque, tanquam interriti lupi pingui prædæ incubantes, proximum hunc agrum teterrima gens laniarit, atque confecerit; præsertim per Ioannis Papæ VIII. in Gallia absentiam. Quinimmò sapientissimus senex Laudiuius Cardinalis S. Sixti mihi

*Discordijs
Caroli Magni
nepotum
Occidentis
vires accesse.*

*A Sarracenis præcipue ager
Romanus
vastatus inter
annos
DCCCC. &
DCCCC.*

*Ioanne
VIII. præsertim
Ioh. Maximo.*

mihi confirmavit superesse adhuc circa Cornetum
 (cuius Episcopatum aliquandiu tenuit) eorum
 habitationis vestigia , quas cryptas Sarracenorum
 vocant. Tunc igitur potissimè secutam hanc va-
 stitiam , quam videmus , agrisque derelictis , aerem
 ingrauescere cœpisse crediderim. Denique ut rem
 in pauca conferam ; Urbem Gothi vastauere , ma-
 ximè sub Totila , ac Vitige : agrum circumiectum
 Longobardi , Francique sub Astulpho , & Ludoui-
 co II: littoralem partem , maritimaque oppida ,
 atque ipsum Vaticanum Sarraceni : oppida verò
 suburbana in montibus posita , quæ posterioribus
 etiam temporibus floruerunt , dissidijs inter Roma-
 nos Pontifices , ac Germanos Cæsares , populum
 Romanum , atque urbanos proceres sæpiùs coor-
 tis , vastata sunt , atque eversa . Sic Tusculum flo-
 rentissimum tunc oppidum anno MCLXIX. à Ro-
 manis , mœnibus nudatum est , ut Cæs. Baronius ex
 Romualdo prodit , ac demùm anno MCXCI. peni-
 tus excisum , ut ex Rogerij annalibus idem notat.
 Tibur à Germanis dirutum , à Friderico Aenobar-
 bo post aliquot annos restitutum est . Albanum (id
 enim verius , licèt alij Albam dicant) ab Henrico
 III. Cæsare vastatum ; mox cùm iterum excitatum
 fuisset , à Romanis anno MCLXVIII. sub Alex. III.
 Pont. Max. funditus eversum est , cumque iterum à
 Sabellijs castelli in modum angustiori ambitu , uti
 nunc est , super Pompeianæ Villæ ruderibus restitu-
 tum fuisset , sub Eugenio IV. rursus solo æquatum
 fuit . Præneste à Bonifacio VIII. anno MCCIC. mœ-

*Habitaculo-
rum Sar-
racenorum
vestigia apud Corne-
tum.*

*Anacephala-
losis Ro-
manarum
vastationu.
Urbis.*

*Ora ma-
ritime.*

*Oppiderum
fratru-
rum in
montibus.*

Tusculi.

*Tiburis.
Albani.*

Transessis.

nibus ,

nibus, quæ ex lapide quadrato mirandi operis (quædam horum supersunt reliquiæ, multoque magis Fori, atque adiacentium ædificiorum) antiquitus manserant, nudatum, direptumque, ac denuo

Longiquiorum.

anno MCCCCXXXV. solo æquatum fuit. Reliqua oppida longius sita varijs etiam bellorum casibus passim attrita fuere: tum verò complura castella, ac vici intestinis civium Romanorum discordijs

Nulla Italia pars desertior.

exusti, dirutique sunt, ut hodie nulla Italiæ pars, sicut antea dictum est, magis sit sola, ac deserta.

Sed quoniam de populationibus Sarracenorum incidit mentio, prætermittere non possum (quoniam propter obscuritatem temporum res paucis nota est) insignem victoriam, quam Ioannes X. Pont. Max. usus opera populorum sibi subditorum, præcipuè Maris, cæterisque illius tractus montanis hominibus, quando maximè afflictæ, imbecillæque

Insignis victoria Ioannis X. adversus Sarracenos.

vires Romanæ urbis videbantur, de teterrima illa gente gloriosè retulit: ut vel hinc quivis intelligat hanc sacrosanctam Sedem ad peculiarem Dei Optimi Max. curam pertinuisse semper; Sanctosque Apostolos Petrum, & Paulum custodes, ac defensores suos non semel expertam fuisse: qua ex re il-

Fortitudo belluæ populorum Ecclesiæ Romanæ subditorum.

lud etiam cognosci poterit, insignem perpetuò fuisse fortitudinem, ac militare robur ijs populis, qui supra Romam accolunt, Maris videlicet, Æquiculis, Hernicis, cæterisque illius tractus, qui Sarracenos fudisse narrantur. Quin etiam, ut vel hinc appareat fatalem quodammodò Romanorum Pontificum extitisse virtutem, ac nomen ad Sarracenorum,

norum , atque Ismaelitarum potentiam debellandam ; sciendum est eximiam aliam victoriam de iisdem antea reportasse Ioannem huius nominis VIII. eorum opera vsum , qui ad manum erant , cum illos è Gallijs rediens proxima Vrbi littora infedisse videret , ac demùm feliciter inde exturbasse . Priùs etiam Leonis IV. auspicijs Neapolitani , Amalfitani , Caietani comparata classe , quantum eorum temporum patiebantur angustia , cum naualibus ipsorum copijs numero , ac robore formidandis , atque exercitatissimis , post diuina mysteria in æde B. Aureæ Ostiæ percepta , acceptamque à Sanctissimo Pontifice benedictionem , adeò acriter conflixerunt , vt hostilibus nauibus partim demersis , partim abductis , aut dispersis , ingentem captiuorum numerum fecerint : quorum etiam opera prudenter idem Leo vsum est in reficiendis Ecclesijs ab ipsismet dirutis , atque in mœnibus Vaticanæ regionis (quæ Leonina ciuitas inde dicta est) extruendis . Memorabile profectò exemplum , atque omni tempore à Romanis Pontificibus recolendum , quo adfuturum sibi perpetuò in Christi persequendis hostibus diuini Numinis auxilium , ac Beatorum Apostolorum Petri , & Pauli præsentissimam opem certa fiducia spondeant : neque enim aliò tam insignes referri victorias Christiana pietas finit , aduersus pugnacissimam gentem continuis propè victorijs ferocem ; de Græcorum potentia , & Constantinopolitanis ducibus semper triumphantem ; à paucis Italiæ

Romanorū Pontificum nomen , & potestas fatalis ad deuincendos Ismaelitas , & Mahumetanos .

Sarracenorum mancipiorum opera Leo IV. in restituendis Ecclesijs vsum est .

Ex his exemplis Pontifices Romani certum sibi præsidium à Cælesti Numine aduersus Ecclesiæ perduelles spondere possunt .

K

(cuius

Non con-
tendit autor
Romanum
agrum sa-
luberrimu
esse.

Quedam
enim loca
etiam à ve-
teribus da-
mnabatur.

Strabonis
licus de
Latij qua-
litate.

(cuius tunc vires admodum attenuatae erant) populis tam mirabili successu partas. Sed de his rebus gestis fusiùs apud Sigonium de Regno Italiae, Sabellicum, aliosque qui illorum temporum historias conscripserunt. Nunc ad institutum nostrum redeamus: haecenus enim ostensum fuit suburbanum agrum non florentibus modò rebus Italiae, sed longè etiam postea benè cultum, ac frequentibus tectis ornatum fuisse. Iam verò ne quis existimet contendere me non minùs hunc agrum salubrem, ac temperatum esse quàm Crotoniensem olim, nunc Fesulanum; aut si quis alius est tota Italia omnium confessione saluberrimus (quod cum sit apertè falsum; ita quæ à me ad hanc rem afferuntur, à coniunctis arguendo falsa quoque esse quispiam asserat, aut in dubium vocet) ostendendum videtur nonnulla loca ex ijs, quæ hodieque damnantur, ipsorum confessione veterum ita improbata fuisse, ut reliqua prorsus tuta, ac salubria crederent, atque experirentur. Strabo igitur (quo nemo Geographorum maiori fide, ac diligentia susceptum munus executus est; aut locorum status, ac qualitates peritiùs exposuit) de Latii testimonium hoc protulit. Ἄπαντα δὲ τὴν Λατίνην ἐστὶν ἐνδαίμων καὶ πόλεμος πολλὰ ὀλίγων χωρίων τῶν καὶ τὴν παραλίαν ὄσα ἐλώδη καὶ νοσιστὰ εἰς τὰ τῶν Ἀρδεατῶν καὶ μετὰ τὴν Ἀντίαν καὶ Λαβινίαν μέχρι Πομερίαν. Omne (inquit) Latium felix est, & omnium rerum ferax, exceptis paucis quibusdam locis maritimis, quæ palustria sunt, atque morbofa: qualis est Ardeatinus ager, & quod est inter Antium, & Lau-

nium

nium usque ad Pometinum campum . Cætera igitur agri Latini loca minimè morbosa fuerunt , qualia hodie iure optimo censentur , cùm experientia rerum magistra id liquidò confirmet . Et quidem Ardeatinus ager perpetuò ob insalubritatem malè audijt, & ob nimium solis ardorem , qui eam regionem torret , appellationem habuisse videtur . Propterea Seneca ad Lucilium scribens . *Quæ observanda tibi sunt* (inquit) *ut tutior viuas dicam . Tu tamen sic audias censeo ista præcepta , quomodo si tibi præciperem , qua ratione bonam valetudinem in Ardeatino tuereris .* Hinc etiam Martialis Curiatium quendam redarguit , a quo aer Tiburtinus damnabatur .

Ardeatinus ager semper malè audijt .

Epistola CV.

Lib. IV. Epigr. LX.

*Ardea solstitio , Castranaque rura petantur ,
Quique Cleoneo sidere feruet ager :
Quum Tiburtinas damnet Curiatius auras ,
Inter laudatas ad Styga missus aquas .
Nullo fata loco possis excludere : quum mors
Venerit , in medio Tibure Sardinia est .*

Pontinas porro paludes , & loca finitima semper morbosa habita fuisse notius est , quàm ut probari ampliùs debeat . Hinc Seruius ad illud Vergilij , *Atina potens . Ciuitas est , iuxta Pontinas paludes dicta Atina à morbis , qui Græcè Ἀτταῖ dicuntur , quos paludum vicinitas creat .* At enim insalubrem fuisse Atinam propter dictam causam verum puto ; sed vocabuli originem illinc duci non tam facilè credo : semper enim suspectas habui huiusmodi grammaticorum ἑτυμολογίας quarum radices in alienis linguis quærantur : ostendere enim

Item loca circa Pontinas paludes .

prius oportuit, Atinam non à Volscis (quorum lingua à Græca distabat maximè) sed à Græcis fuisse conditam. Addam locis à Strabone recensitis Pupiniæ agrum (vnde Pupinia tribus ortum habuit) ab Vrbe non longè distitum; nempe octo circiter miliaribus citra Tusculum, & Gabios, olim etiam parum salubrem habitum. Columella lib. I. cap.

*Pupinia in-
salubris.*

*Testimo-
nium Co-
lumelle.*

*M. Catoni
non ignota
fuerunt lo-
ca pestilen-
tia.*

IV. Nam Pupiniæ (de Attilio Regulo loquitur) pestilentis simul, & exilis agri cultorem fuisse eum loquuntur historie. Huc pertinet M. Catonis de Re rustica locus, vbi de Villa, quæ ædificanda locatur, agens ait, loco pestilenti, vbi æstate opus fieri non potest, quartam partem pretij debere accedere: nam etsi dubitari possit, an de remotioribus, atque extra Latium, & proximam Etruriam positis agris loquatur; magis est tamen, vt de propinquioribus intellexerit: cùm illius ætatis frugalitas suadeat, nondum Romanos in longinquo villas ponere cœpisse. Ex dictis igitur liquet, antiquis etiam temporibus quandam campestris Latij partem parum salubrem habitam fuisse. In Etruria verò pluribus locis cœlum graue, ac noxium fuisse dubitari non potest: nam vt primùm de tota regione maritima loquar, scitum est illud Plinij Iunioris villam suam, quam propè Tifernum Tiberinum habuit, Apollinari suo describentis: cùm enim audisset Apollinaris Plinium in Tuscis rusticari æstate solitum; suadet ne faciat, vt valetudini consulat: ad quem ita respondet.

*Plinij Iu-
nioris au-
toritas.*

*Amaui curam, & sollicitudinem tuam, quòd cum audis-
ses me æstate Tuscos meos petiturum, ne facerem suasi-
sti,*

sti, dum putas insalubres. Est sane grauis, & pestilens ora Tuscorum, quæ per litus extenditur: sed hi procul à mari receperunt &c. In vniuersum igitur ora Tusciæ maritima, contra quàm in Latio, grauis, ac pestilens habebatur. Notum etiam est Grauisca, cuius situs ex obseruatu Cluuerij sub Cornetanis collibus ad mare fuit, duobus circiter passuum millibus ad læuam Martæ fluuij ripam, à cœli grauitate sic appellatas fuisse: ideoque à Vergilio *intempestas* Seruio docente vocari. Rationem affert Rutilius in Itinerario inquiring.

Ora Etruriæ maritima ferme omnis inclemens habebatur.

Et signanter Grauisca -

Inde Grauiscarum vestigia rara videmus,

Quas premit æstiuæ sæpe paludis odor.

Ad ostium fluuij Aronis non longè ab Vrbe aliud oppidum fuit Fregenæ dictum; quod item ob aeris grauitatem malè audijt: quamobrem Rutilio dicuntur *Obsessæ campo squalente Fregenæ*, ni-
Et Fregenæ.
mirum propter syluas, stagna, paludes, atque salinas ab Arone fluuiio ad Traiani Portum, Tiberim versus porrectas, vt idem Cluuerius notat. Huc pertinet etiam coloniarum duarum Antiatis, atque Ostiensis à militibus tradendis immunitas; quam ijs solis bello Punico secundo Senatus Romanus ratam esse voluit: nam cùm aliæ quoque
Colonia maritima quarum vacatio obseruata est bello Punico II.
maritimæ colonix teste Liuiolib. XXVII. sacrosanctam vacationem, hoc est, legibus sacramento firmatis dicerentur habere; easque recitare iuberentur; nullius tamen, cùm in Italia hostis esset, præter Antiatem, Hostiensemque vacatio obseruata est &c. Eodem etiam referri potest Cornelij Taciti testimonium

*Vaticanus
ager testi-
monio Ta-
citi grauis.*

monium de Vaticani agri insalubritate (quamuis hoc magis ad eam speculationem pertineat , quæ de Vrbe est) cùm inde etiam sequatur , regionem propinquiorem Tusciæ non vsquequaque tutam , salubremque fuisse . Ex his satis , vt opinor , ostensum est , pauca quædam litoralis , campestrisque Latij loca insalubria olim habita ; aliquantò plura in Tuscis ; in Sabinis verò nemo veterum , quod sciam , questus est vnquam agros noxios , pestilentesque reperiri . Quare cùm multò maiorem

*Maxima
pars agri
Romani de-
terior eu-
sit .*

huius agri partem à veteri salubritate degenerasse iam videamus ; proximum est vt dispiciamus , an vlla cultura , vel industria ad pristinum statum reduci possit , & quanam ea sit porrò indicemus . Sed quod doctrinæ ordo postulat , atque vsus mendendi suadet , aperiendæ priùs sunt huius insalubritatis causæ ; vt ijs probè cognitis , radicitus , si fieri potest , eam postea extirpemus . Et ratio

*Quanam
loca salu-
bria .*

ipsa , & Medicorum , ac Physicorum consensus docet , quæcunque loca tenui , puroque aere gaudent , siccoque potiùs , quàm humido ; quæ neque nimio æstu torrentur , nec nimio frigore congelantur ; quæque patulo , liberoque cœlo fruuntur , & cùm solis radijs , tùm mediocribus ventis exposita sunt , salubria , vitæque hominum idonea esse :

*Quæ cōtra
insalubria .*

contra morbosa , atque insalubria , quæ pigro , crassoque , ac supra modum humenti aere grauantur ; item valde æstuosa , aut perfrigida ; tùm humilia , aut concaua , quò nec solis radij , nec ventorum agitatio facilè peruenit ; vel quæ nimium violentis

violentis flatibus infestantur ; aut denique contrarijs qualitatibus non paulatim, sed subito afficiuntur. Præcipuè verò morbosa censentur nebulosa, *Præcipuè morbosa.* vliginosa, palustria, saluginosa ; ac ventis simul humentibus, ac feruidis obnoxia ; quæque aura qualibet foetida, cœnosa, sulphurea, bituminosa afflantur ; ac demùm halitu quouis insueto, ac graui. Quoniam verò aqua non minùs ferè ad vitam necessaria, quàm aer existimatur ; adeò vt Aristoteles pronuntiet aquarum mutationem grauiorem esse, quàm ipsius aeris ; consentaneum quoque est, ea loca commodiora esse, quæ meliores aquas habent ; minùs, quæ deteriores. *Aristotelis sententia de aquarum mutationibus.* Quæ verò probæ censentur, siue puteales, siue fontanæ, siue fluuiales sint (alij enim alias optimas ducunt) tenues, leues, ac pellucidæ ; nec odore, saporeue, aut alia extranea qualitate præditæ : quocirca cùm contrariorum contraria sit ratio ; *Quæ praua.* prauæ, noxiæque erunt crassæ, turbidæ, ponderosæ, crudæ, foetentes, putridæ ; nec tantùm ingrati saporis, aut odoris, sed quouis propemodum odore, sapore, aut colore præditæ : quare minùs idoneæ potui habentur palustres, aut stagnantes, lutosæ, sulphureæ, bituminosæ, aut quocunque metallico succo infectæ ; itemque ex glacie, niue, aut grandine liquatæ ; ac demùm quæ longiùs à primigenia, ac elementari puritate recesserunt. Ea verò, quæ maximè aeris statum, & qualitatem immutant (quo in censu sunt venti) in digno- *Venti potissimùm attendendi.* scendis locorum qualitatibus potissimùm attendenda

da sunt. Omissa igitur differentia, si qua est, inter Ventum, Spiritum, Flatum, atque Auram; itemque celebri ea quaestione, vtrum ventus sit aer commotus, atque agitato, ut Hippocrates, ac Stoici, veterumque plerique existimarunt; an potius terrae exhalatio, ut Peripatetici volunt; an vtrunque, ut verius existimo: illud maximè statuendum est, quosdam ventos salubres esse, quosdam noxios; ac ferè illos, qui ex siccis, frigidisque locis afflantur, salubres: ex calidis verò, atque humentibus, insalubres. Tales verò ventos existere, qualia sunt loca per quæ transeunt, experimento compertum est; ac ferè qui terrestri itinere feruntur, serenitatem; qui mare, magnaue flumina, aut lacus trajciunt, pluuias adducunt. Sic Aquilo, qui in Italia, Græciaque siccus, ac sudus est, in Africa pluuius, atque humidus existit. Contra Auster Afris serenus, nobis summo- perè pluuius censetur. Quos duos dumtaxat permutare vices Plinius videtur credidisse, de ventis fusè tractans lib. II. cap. XLV. XLVI. & XLVII. Atqui Fauonius pari modo trans Alpeis fermè pluuias gignit, qui in Cisalpina regione serenitatem parit. Valentiae in Hispania cùm essem, Fauonium in ea vrbe vehementer calidum, atque æstuosum deprehendi, sicca nimirum, atque æstiosa Hispaniæ loca transeuntem antequam eò perueniat; Subsolanum verò frigidiorē, à mari scilicet venientem: quod apud nos maris Inferi accolas contrario modo fit. Aquilo in Etruria adeò siccus est,

*Quinā ho-
rum salu-
bres, quue
insalubres.
Tales vē-
ti, qualia
locā per
que tran-
seunt.*

*Non tantū
Aquilo, &
Auster pro
leccorū
diuersitate
vices per-
mutant.*

est, ut æstiuo tempore fruges vehementer adstringat, ac plantas adurat. In Flaminiae, Æmiliaeque regionibus multò humidior est, ex Hadriatico quippe sinu adueniens. Illud verò magis mirandum videtur, in ijsdem regionibus Austrum, quem ipsi *Corinam* vocant, cum ab Apennino, ac siccis terris longo tractu feratur, adeò infestum incolis esse, ut cum exoritur, validas, ac periculosas febres statim apportet. Mirum, inquam, videri hoc cuiquam poterit, qui maximè Hippocratem legerit Aphorismo V. tertiæ Sectionis disertè tradentem omnes morbos, qui ab Austro gignuntur, ab eius humiditate provenire. Sed facilis est responsio, ideò Austrum ijs locis, quantumvis siccum, nihilominus exitialem esse; quòd vehemens valde sit, ac confertus; quam vehementiam, dum ex altis montibus delabitur, acquirere videtur: tales enim existere ventos, qui ex sublimioribus montibus, ac vallibus efflant, quotidie experiuntur, qui circa Pyrenæum, Cataloniae litora, præsertim, verno tempore cum niues resoluuntur, legunt; & Liguria nonnullis in locis, ut ex aduerso Monilium, quib' imminet mons satis celsus, & in metæ modum fastigiatus, à quo venti, procellæque violentissimæ, ac subitæ feruntur; quem idcirco incolæ *Respo* vocant, quòd bufonis instar validè efflet: quam esse causam præcipuam puto, cur Auster Flaminiae populis adeò sit infestus; licet non negem ob siccitatem, caloris vim intendi, ut Baldinius in-

Auster Flaminiae præcipue notius a siccis locis veniens.

Huius res ratio.

Venti ex alto labentes confertius ac vehementes.

Siccitas caloris vim accendit.

L

aere,

aere, & locis. Itaque propter hanc rationem minimè dubito, quin Mauri quoque qui sub Atlante Boream versus degunt, si quando Auster ab eo monte flat, noxium, ac morbiferum experiantur. Probabile etiam est, nonnihil humiditatis Austro, cum in Flaminiam peruenit, superesse, quæ longo spatio attenuata, cum is ventus supernè cum impetu, ac propter vallium angustias confertus feratur, eò magis penetret, ac febres acutiores prodignat: videmus enim aquas ipsas medicatas, quæ ex alto labuntur, ut fit ἐν ταῖς ἐμβροχαῖς celerius, ac validius qualitates suas corporibus imprimere: qua ratione dicendum erit eiusmodi Austros, acutiores morbos efficere; crassiores verò, ac maiori humiditate grauidos, ut in Latio, ac maritima Etruria, diuturniores potius; nec experientiam refragari puto: immò hinc euenire videtur, ut Romæ autumnus maximè pernicialis sit, cum æstiuis diebus Austri vehementiores citra imbres assidue flauerint; quod Alex: Petronius lib. I. de vitu Romanorum obseruat. Sanè, ut modicum feruida terræ tractum sufficere intelligamus ut venti incalescant; Quarnaro ventus à Pisaurensibus, & Vrbinatibus sic dictus (quem esse puto Euronotum) cum ex Apulia veniat, in ijs locis sata vehementer adurit; quodque magis mirum est, ventus Circius, qui Galliæ Narbonensis superiorem, ac potiore partem halitu suo refrigerat, regionem quæ circa Forum Iulium, & Antipolim est comburit, ac segetibus nocet, quanquam à Boreali

*Exemplū
ab aquis
medicatis
ex alto la-
bentibus.*

*Austri sic-
ciores acu-
tos morbos
efficere vi-
dentur; hu-
midiores
verò diu-
turnos.*

*Circius
Galliæ
Narbonensi
infectus.*

reali plaga flans: ex quo liquet minimè fabulam
 esse, quod Prouinciales dictitant, illum ventum,
 quem ipsi *Maïstral* vocant, ab eo monte flare,
 qui ob id *Ventosus* nuncupatur, qui Prouinciam à
 Septentrione claudit: quod postea veteribus ani-
 maduersum fuisse deprehendi, apud Plinium hæc
 reperiens. *Item in Narbonensi prouincia clarissimus*
ventorum est Circius, nec ulli violentia inferior. Ho-
stiam plerunque rectà Ligustico mari perferens: idem
non modò in reliquis partibus cæli ignotus, sed ne Vien-
nam quidem eiusdem prouinciæ urbem attingens: paucis
ante limitibus ingi modici occurſu tantus ille ventorum
coercitus. Magna enimuero ventorum vis est, at-
que humanæ naturæ supra modum proficua, vel
noxia; adeò vt non tantùm inferiores facultates
perturbet, sed superiores etiam afficiat; ac popu-
lorum mores non sine ratione multùm immutare
putetur. Nam vbi iidem fermè venti, nec admo-
dum validi spirant, homines ibi esse constantes,
ac sedatos grauissimi Autores docent; vbi verò va-
lidiores flatus, paruoque momento contrarij exi-
stunt, inquieti, & inconstantes homines esse solent.
 Atque vt animi causa longiùs progrediar, pro na-
 tura locorum varios esse hominum mores notum
 est: sic Asiaticos propter cœli clementiam, ac
 terræ amœnitatem molles, atque effœminatos:
 contra Scythas, ob inclementiam cœli, victusque
 asperitatem, incultos, asperos, ac bellicosos
 agnosci. Illud verò non perinde omnibus notum,
 regiones eas, in quibus crebræ, magnæque tem-

Le Mont
 Venteur
 supra Aue-
 monem.

De hoc vè-
 ro Pliny lo-
 cus.

Ventorum
 vis ingens
 etiam in
 moribus
 gèntium im-
 mutandis.

Exemplis
 id ostendi-
 tur

Asiatico-
 rum, &
 Scytharū.

porum mutationes fiunt, non tantum circa flatus, sed etiam circa primas qualitates, vbi scilicet & vehemens aestas, & hyems intensissima esse solet; ibi homines audaces, iracundos, magnisque perturbationibus obnoxios degere: contra verò vbi-
cunque regio temperata est, nec magnis cœli mutationibus subiacens, homines mites, ac sedatos reperiri. Testimonio esse possunt iidem Asiatici, qui placidis semper moribus, nec armorum exercitio valde dediti, sed remissioribus potius studiis
Egyptij imbeiles, sed rerum nonarum cupidi.
Egyptus qualis sit. Lib. XVII. cap. II.
 fuerunt. Egyptij verò imbelles quidem, ac timidi, sed nihilominus rerum nouarum cupidi, instabilesque censentur. Hoc ijs accidit propterea quòd licet aestatem, hyememque permodicam sentiant, immò teste Plinio calidus semper aer apud eos sit, tamen in alia qualitatum συζυγία, magna apud eos mutatio accidit, nempe circa siccitatem, atque humiditatem: nam propter Nili inundationes, quadam anni parte aerem humidum habent, reliqua siccio-
Egyptus nunc sicca, nunc humida.
 rem. E contrario decimi Climatis incolæ cum longius à sole positi hyemem asperri-
 mam, ac diuturnam habeant, nihilominus, quòd æstiuo tempore dies apud eos sint longissimi, vehementer quoque solis radijs torrentur; adeò vt ij fructus, qui calido aere lætantur, modò terra sit idonea, copiosi, ac prægrandes ibi gignantur, vt pepones; cum tamen in Climate octauo minùs Boreali non tam benè proueniant. Eiusmodi est Sarmatarum, ac Roxolanorum tractus, qui ob dictas causas sanguinarij, ac bellaces existunt. Adhæc Afri,

Afri, siue Afroarabes qui Numidiam colunt (videlicet Tunetanum, & proxima regna, non *Biledulgerid*, quod Arabicè palmiferam regionem sonat, quæ potius Getulia veterum est, quàm Numidia, vt plerique Leonem Africanum secuti crediderunt) eodem Leone testante supra modum sunt iracundi, atque ad rixam conciti; adeò vt omni ferè tempore in oppidis passim conspiciantur iurgia, ac pugnae inter incolas. Quod à summa regionis siccitate, ac ventis Meridionalibus calidis, ac siccis prouenire credendum est: eaque ratione Hispanos, quamuis & ipsi siccam, calidamque regionem colant, minùs esse iracundos, quòd eiusmodi ventis careant. Qua in re illud mihi notatu dignum videtur, quod de Pithecusa, quæ aliàs Ænaria dicitur, insula, nunc *Ischia* Iulius Cæsar Capacius in historia Neapolitana refert; eam insulam Pitheculam à Græcis dictam, quòd eius incolæ simias, quas *tribixas* illi vocant, moribus referre videantur, cum sint subdoli, versipelles, calidoque, atque exprompto ingenio simiarum instar: quod propter ignes subterraneos, sulphureumque eius insulæ solum euenire consentaneum est; atque illinc etiam vino, quod ibi nascitur, peculiarem quandam vim communicari; sunt enim eius insulæ vina (quæ Romæ *Grechi d' Ischia* dicuntur, & magna copia aduehuntur in vsum seruitiorum, ac tenuiorum hominum) prorsus calida, & sicca, & sulphureæ facultatis. Sic vina in tophaceis, ac sabulosis locis nata, sicca aliquantulum sunt,

Biledulgerid non est Numidia, sed Getulia.

Afri, & Numidæ valde iracundi, & contentiosi.

Hispani sunt sedatiores.

Res notabilis de Ænaria incolis.

Vinū, etiā eius insulæ sulphureæ qualitatem præditum.

Vina in- sunt, sed leuia, ac suauiā. In aluminosis, vt *Tol-*
aluminoso *fana*, sicca pariter, sed validiora. Ex hactenus di-
sologenita. ctis satis patet quānam loca salubria, quæue in-
 salubria existimari debeant, quæque sint, quæ id

Quædam efficiant vniuersales causæ. Sunt verò quædam
magis pecu- alia magis speciales, quæ hic, vel illic bonum,
liares cau- prauumque aerem reddere possunt, puta halitus
se ærem graueolentes, ac foetidi; vt circa Amsancti la-
salubrem, cum in Hirpinis, & olim circa Auernum; item-
insalubrē- que propè Salernum ob oryzae segetem, quæ assi-
que efficiē- duè stagnantibus aquis irrigatur; vt in campo Ful-
tes. ginate, vbi grauior est odor æstate, cum cannabis
 in proximo fluuio maceratur; vt in Sardinia insula
 propè oppidum Coginas, vbi turris quædam penta-
 gona esse dicitur ab Aurijs Genuensibus extructa,
 in quam si quis ingrediatur, nulla apparente causa
 (sed certè ob pestiferum aliquem halitum) è ve-

Spiratio- stigio moritur. Verum nihil æquè aerem inficit,
nes paludū quàm palustrium aquarum spirationes, quæ æstate
potissimum cum solis radijs inardescunt, multiplices morbos
aeris inse- corporibus creant. Quamobrem Pontinae paludes
stæ. ob hanc causam perpetuò infames fuerunt; qualia
Pontinae pa- loca multa in Italia reperiuntur calamitosa, atque
ludes. æstiuo tempore lethalia. Talis est fermè tractus
 omnis ad mare Superum ab Histria Rauennam-
 usque, paucis locis exceptis, potissimum agro Pa-
 uino. Ad Inferum verò quidquid ferè à Ligurum
 finibus, & Macra fluuio ad Lirim, & Campaniam
 litoris extenditur. Nec desunt huiusmodi loca in
 alijs Italiae regionibus, vt in Apulia, præsertim cir-

Maris Fla-
dratici ora
ab Histria
Rauennam
usque
Ad mare
Inferū ora
Tusciae, &
Latij.

ca

ca Salapiam, nunc *Salpe*, ob cœli potissimùm inclementiam, semidesertam: quamuis ob eandem causam antiquitus eo, vbi nunc est, ab inferiori, & maritimo loco Senatus Romani permisso Salapini oppidum suum transtulerint, vt ex Vitruuio notum est. In Samnij etiam campestri regione, ac tractu Beneuentano huiusmodi loca reperiuntur, vt circa Telesiam, quæ ideò ferè nunc deserta manet; atque ipsius Beneuenti aer propterea à multis damnatur: quanquam Nicolaus Eustachius, qui hac de re libellum conscripsit, iniuria id fieri contendit. Sed vide, si lubet, Procopium rerum Gothicarum lib. I. Nec desunt Lucanis insalubria quædam loca, vt in Pæstano sinu propè antiqui Pæsti ruinas, quæ *Pieſti* nunc accolis dicuntur, vbi flumen *Salsum* dictum in proximam paludem refusum, morbosum aerem efficit, quod Strabo etiam agnouit. Circa Aquileiam verò vicus est *Villa Vicentina* dictus, adeò grauis, ac pestilens, vt vix ad XXV. annum incolæ pertingant. Quinetiam Liguria alioqui saluberrima, paucis quibusdam locis & ipsa, propter aquas stagnantes insalubrior est, vt propè *Finarium*, & *Albingaunum* (etsi hic quidem adscribendum potiùs id videtur cannabi, quæ in propinquo flumine, vt *Fulginei*, maceratur). In Hispania prouincia admodum salubri, propter similem causam stagnantium aquarum, circa nouam Carthaginem non optimus aer est, atque exinde ea vrbs, cæteroqui celeberrima, portuque optimo prædita, minùs frequenter habitatur. Sardinia

Salapia sedem olim mutauit.

Item in Samnio loca grauis.

Cœlū Beneuentanū à Nicolao Eustachio vindicatur.

In Lucania propè Pæstum.

In Liguria propè Finariū, & Albingaunū.

In Hispania propè Carthaginem nouā.

Sardinia morbosam, & quare. Sardinia morbosam esse adeò tritum est, vt locum prouerbio fecerit: quod sanè non alia ratione euenit, quam propter noxias exhalationes salinarum, ac paludum, quæ in ea insula sunt; quibus accedit montium versus Liguriam, & Corsicam altitudo, à quibus non modò flatus subitanei, ac vehementes afflantur, qui magnam idcirco intemperiem gignunt; sed Boreæ salubres auræ intercipiuntur. In Sicilia stagnum quoddam marinum, siue æstuarium *Yhalicis* Arabico vocabulo nuncupatum haud longè ab Hypsa fluuio, nunc *Belici*, æstiuo tempore accolis perniciosum est, vt Thomas Fazellus testatur; quòd ex eius aquis aer crassior, & concretior reddatur. Sed vt antiquiora quædam repetam, Myuntis (oppidum id fuit Ionniæ) ciues Strabone referente cum ob terræ motum obstructum aliquando fuisset Mæandri ostium, tanta ibi repente exitit culicum, atque eiusmodi animalculorum multitudo, atque aer vsqueadeò nocens euasit, vt Miletum proximam ciuitatem commigrare ijs necesse fuerit. Si quis autem plura huiusmodi exempla requireret, adeat diligentiores Geographos, apud quos non pauca reperiet: ac denique si locorum qualitates dignoscere volet; in primis Hippocratem legat in lib. de aquis, aere, & locis: in lib. de diæta, & in lib. de flatibus, si eius est id opus: Oribas. collect. lib. IX. qui multa ex Anthyllo, & Sabino de regionum qualitatibus decerpsit: Aetium tetrab. l. ferm. III. cap. CLXII. & CLXIII: ex Arabibus verò Auerroem,

&

Vide Strabonem.

Myuntis cælum ob terræ motu insalubre euasit.

Anteres præcipue, qui de locorum qualitatibus tractant.

& Auicennam : ex semiantiquis Autoribus potissimum Albertum Magnum de nat. loc: ex recentioribus Ponsardum, qui de salubrium locorum ad ædicandum delectu Gallicè scripsit : aliosque quos enumerare non vacat. Verùm data occasione operæ pretium fuerit alia quædam oppida Episcopalia dumtaxat, atque intra Italiam sita (omnia enim recensere infinitum esset) quæ siue loci vitio, siue ob squalentes ruinas, ac solitudinem; siue iniuria, atque per calumniam (nam id quoque malo prorsus exemplo nonnunquam prætextitur ab ijs, quos Pastoralis curæ tædere cœpit; aut terrena potius, quàm coelestia sollicitant) damnantur, vt ex actis Sacri Cardinalium Collegij, & Consilij, siue Congregationis rerum Consistorialium; maximeq; ex commentarijs Anquisitionum Episcopatum, & Abbatiarum Consistorialium colligere licuit, enumerare. Sunt igitur præter illa, quæ supra nominaui (Ostiam, Portum, Albingaunum, Beneuentum, Telesiam, Salernum) in Etruria *Castrum Farne-*
sorum, Sutrium, Nepes, Massa Populoniensis, *Grossetum*. In Gallia Cispadana Venetia, & finitimis locis Rauenna, Senogallia, *Cervia*, Hadria, Ferrara, Concordia, *Torcellum*, Caprula, Pola. In Campania, Samnio, ac proximis regionibus Aquinum, Cales, Calenum, Allifæ, Bouianum, Æternia, Compsa, Acerræ. In Salentinis Brundisium. In Brutijs Croto, quis credat? cuius apud Græcos Autores adeò salubritas celebratur, vt locum prouerbio inuenerit, *ἡ κρότωνος ὑγιεινός*, quemad-

*Rescriptum
 in Italia
 Episcopalia
 in que in-
 salubres esse
 feruntur.*

*Croto ho-
 die insalu-
 bris habet-
 ur; olim ita
 salubris, ut
 preuerbio
 locum fe-
 cerit.*

M

modum

*Aliud pro-
uerbiū Cro-
tonis vete-
rem poten-
tiam, opu-
lentiamque
ostendens.*

modum magnitudinem, atque opulentiam ipsius (fuit enim quondam princeps Italiae vrbs) indicare volentes notum lambum vsurpabant, *Μάραυα τ' ἄλλα παρὰ Κρότωνα τ' ἄστια*. Sed vt dixi nimium hac in parte homines quidam persuasioni suae fauent; siue potius quod dicitur, *Sabini quod volunt somniant*:

*Quedam
ex his op-
pida inu-
ria insalu-
britatis
damnari
videntur.
Baiae pesti-
lentes eua-
serunt.*

quare pro certo habeo non pauca ex his oppida inclementiae aeris falso damnari. Et si non ignoro magnas, atque incredibiles esse rerum vicissitudines: quis enim crederet, Baiae illas veteres, Romanorum delicias, quas longis morbis fatigati reficiendarum virium causa multi olim petebant, hodie insalubres, ac pestilentes euasisse? & tamen, id astringit vir in primis grauis, & doctus Iulius Caesar Capacius in Puteolana historia. De cætero priusquam propositae regionis naturam propius, atque exactius scrutemur, nonnulla signa adnotanda videntur, ex quibus qualis, quæque circa aeris

*Signa di-
gnoscentia
qualitatis
aeris, &
primū Lō-
genitas.*

qualitatem sit regio, definire possimus. Ac primum ubicunque homines serò senescunt, ac diu viuunt, optimum, ac purgatissimum esse coelum peruulgatum est. Tales ferè sunt montanae regiones, nisi nimium gelidae fuerint, alijsue de causis, puta, aquarum vitio, aut ventorum nimis vehementium, decollent. Quapropter apud Gallos in

*Longaui:
Petrocorio-
rū, & Ar-
uernorum
supernatiū
quidā, &
Apennini
incole su-
pra Regiū.*

Petrocorijs, & in Aruernorum supernatium montibus; in Apennini verò quibusdam locis, vt supra Regiensem agrum, longulimæ, ac praeuiridis senectutis homines reperiuntur: quemadmodum Tmolii, qui mons Phrygiae est, cacumine, centum quinquaginta

quaginta annos incolas viuere Mutianus grauis apud Plinium Autor disertè testatur ; vt longinqua magis , aut minùs comperta , fabulosaque silentio transeam . Huiusmodi etiam est insula Melita , quamuis situ humilis , ac ventosa ; propterea quòd sicca nihilominus valde est , nec magnis cœli mutationibus obnoxia . Saluberrimum item Athonis montis aerem esse credendum , vbi nunc complura cœnobia Basiliani ordinis visuntur ; olim nonnulla oppida extabant ; in his Apollonia , cuius incolæ Macrobij cognominabantur : nec enim longum huius montis incolarum æuam carniū viperinarum esui duntaxat (propter quem etiam *nec capiti , nec vestibus eorum noxia corpori inesse animalia* Plinius refert) adscribendum esse putauerim . Illud verò perquam dignum notatu est , ea maximè loca temperatissimo aere frui , ac longæuos homines progignere , quæ elata quidem , ac sublimia , sed non præaltis , ac perfrigidis montibus edita ; verum , quæ longiori terrarum fastigio latenter assurgunt ; vt in multarum regionum medijs , & à mari procul recedentibus spatijs : quorum altitudinem flumina illinc in diuersum dilabentia ostendunt ; vt in Vmbriæ tractu circa Spoletum , vbi Apennini iuga modicè attolluntur . Ibi enim , si vspiciam in Italia , viuacissimi homines reperiuntur ; qualis erat Sacerdos quidam , qui expleto centum triginta quinque annorum curriculo non ita pridem excessit è viuis : qualem ostendere possum Laurentium quendam à Camuro fabrum serarium

*Qui T. moli
verticem
incolebant
C. L. annos
vixisse per-
hibentur.
Melitenses
vinctos.*

*Athenis
montis aer
saluberrimus,
tace-
que eius in-
cola vnu-
cissimi.*

*An propter
viperarum
esum præ-
pter hoc
scilicet, at-
que aeris
bonitatem.
Loca subli-
mia in me-
diterra-
neis, nota-
mè editissi-
mis mon-
tibus as-
surgunt.
præcipue
saluberrima.*

*Et tractus
circa Spo-
letum.*

*Exemplum
duorum Spo-
letanorum
qui diutis-
simè vixe-
runt.*

viuidæ adhuc, ac vegetæ senectutis, quamuis centesimo quinto abhinc anno natum, eo nempe quo Roma Borbonio duce capta est, ac direpta; quod parentes suos dicere solitos religiosè affirmat: habitat is haud procul ab æde B. M. *in Montibus*; si quid & hoc ad rem pertinet. Mulierum etiam fecunditas, partusque faciles bonitatem aeris, aquarumque ostendunt; vnde naturalium facultatum vigor, probaque alimenti digestio oritur, sine qua animantia minimè fecunda esse possunt. Hinc apud Plinium legimus (quod in actis temporum D. Augusti se inuenisse scribit) XI. eius consulatu, Lucioque Sylla collega ad III. Idus Aprilis C. Crispinum Hilarum ex ingenua plebe Fesulana cum liberis nouem (in quo numero filiarum duæ fuerunt) nepotibus viginti septem, pronepotibus viginti nouem, neptibusque nouem, prælata pompa, cum omnibus his in Capitolio sacrificasse. Porro ad aeris bonitatem referre, vtrum plures mares, an fœminæ alicubi gignantur, non puto; sed potius aliunde id fieri; maximè ab alimentorum genere, ac ventis, quibus ea regio subest: ac ferè vbi plures fœminæ, quàm mares nascuntur, aer solet esse placidus, ac mollis; ut Venetijs in Italia, Aurelianis in Gallia. Corporum pulchritudo, atque elegans dispositio, atque in viris quidem compactior, ac musculosior species cum valentibus viribus; in mulieribus potius habitus plenior, ac tenerior optimum etiam indicium bonitatis aeris præbent: potissimum verò color cutis vegetus,

Aliud signum Mulierum fecunditas.

Exemplum illustre de Fesulani cuiusdam numerosa familia.

Plures mares, quàm fœminas alicubi nasci, aliò referendum est.

Forma corporum, & robur qualitatem aeris ostendunt.

getus, ac floridus: quo indicio Claudius Tolo-
meus, Epistola quadam ad Annibalem Bellarma-
tum, montis Argentarij regionem salubrem esse, &
vrbi ædificandæ peropportunam contendit. Fœ-
minarum verò pulchritudo aerem non tantum sa-
lubrem, sed temperatum meo iudicio indicat: si-
quidem tales sunt in Britannia, quæ testimonio C.
Cæsaris, quanquam Borealis, hyemes tepidiuscu-
las experitur. Contraria sanè ratione, vbicunque
homines luridi sunt, pallidique, corporis cute sub-
flaccida, ac ventribus, cruribusque turgidis; ibi
necesse est loca morbosa, vliginosa, ac palustria
esse. Tales sunt testimonio Hippocratis Phasiani,
qui Colchidis inferiorem regionem circa Phasim
fluvium accolunt; quæ calida est, ac multis aquis
perfusa. Tales videmus perpaucos eos homines,
qui maritimum Latium, atque oram Tusciæ co-
lunt. Tales etiam Sæpini, Acciris, ac Bouiani
homines esse Nicolaus Eustachius refert; Bene-
uenti verò decoros, ac forma egregia: quo indi-
cio salubritatem cœli Beneventani adstruit. Clari-
tas vocis deinde non obscurum signum præbet ae-
ris, & aquæ salubris. Et sanè Hippocrates eosdem
Phasianos omnium hominum grauilimè loqui re-
statur, propter aeris crassitiem, atque usum aquæ
palustris. In regione Salernitana oppidum, suæ-
castellum quoddam est situ palustri admodum, &
calido (Iouis Fanum, vulgò *Gifone* dicitur) cuius
incolæ habitu corporis sunt crasso, pingui, ac
prætumido; colore pallido, & cadaueroso; inces-

su,

*Claudij To-
lomey sen-
tentia de
monte Ar-
gentario.*

*Fæminarū
pulchritudo
quid deno-
tet.*

*Britannia
temperata,
& fœmi-
narum mu-
lierum al-
trix.*

*Signa æ-
ris & boni.
A prauo
corporum
habitu.
Phasiani
populi qua-
les.*

*Claritas
vocis indi-
cat aeris
salubritatem.*

*Deformis
habitus in-
colarū
Iouis Fanum
palustre.*

*Qualis
Phanaro-
rū descri-
bitur ab
Hippocra-
te.*

*Novū per-
sonæ genus
ab his in
scenas in-
ductum.*

*Comædiæ
vernaculæ
mimos ve-
terum po-
tius, quàm
comædias
referunt.*

*Vox clara,
et valida
Lunæbur-
gensium in
Alpibus
Graijs.*

*In Alpibus
homines
gutturosi,
ac strumosi
crebrò fiūt
ob aquas ex
nivibus li-
quatas.
Gingivarū
firmitas bo-
nitatem a-
quarum po-
tius, quàm
aeris osten-
dit.
Scorbutus
morbus
qualis.*

su, gestuque segni, ac rustico; loquela quadam
crassa, lentaque; voce graui, atque intus in navi-
bus resonante; ac denique quales ad amussim Pha-
sianos describit Hippocrates. Ab ijs nouum per-
sonæ nomen in scenas inductum est, quam vulgò
Pullicinellam vocant, quæ in vulgaribus comœdijs
mimos antiquorum potiùs, quàm comœdias refe-
rentibus, sannionis nouum genus, & blenni, ac
bucconis hominis exprimit; qualis in Atellanis
erat maccus. Hæc ideò à me relata sunt, vt qua-
les in palustribus, calidisque locis homines gi-
gnantur exemplo fiat manifestius. Porro claram,
validamque supra modum vocem deprehendi apud
Lunæburgi incolas, quod castellum est ad Alpium
Graiarum radices in Sabaudia, cùm illac transi-
rem. Erat enim fortè dies fèstus sub occasum so-
lis, cùm agrestes homines vtriusque sexus in æde
sacra hymnos Deo concinentes audiui; admira-
tus in primis voces admodum canoras, clarasque;
ac simul habitudinem corporum validam, bene-
que compactam: ex quo intelligere possumus op-
tima, ac defæcatissima aqua illos vti; quæ cate-
roquin in Alpibus ex glacie, ac niue liquata ho-
mines gutturosos, ac strumosos efficit. Simili ratio-
ne gingiuarum firmitas bonitatem aquarum potiùs,
quàm aeris, quantum ego existimo, denotat: si-
quidem à contrarijs arguendo scorbutus morbus
(stomacacen, ac scelotyrbem veterum esse vo-
lunt) quo in longis nauigationibus ora, gingi-
uæque præcipuè putrescunt, cruraque vitiantur,
non

non aliunde, quàm ex aquæ putrefactæ potu euenire creditur. Veruntamen in regione *Caïndu Orientalis* Scythiæ, Marco Paulo Veneto referente, incolis gingivæ subinde putrescunt propter ingentes, ut ferunt, æstus, accedentibus palustribus quibusdam, putridisque vaporibus, qui inibi regnant; cuius ægritudinis vnicum ferè remedium habent assiduum salis in ore gestatum. Summi etiam aliunde possunt salubritatis cœli indicia, præsertim ab aëribus, quæ cum in eo vivunt elemento, eoque plurimum indigeant, constat etiam ubi id pestilens, atque inquinatum est, naturæ quodam instinctu ab eo summoperè sibi cauere. Porro ubi frequens est copia eorum animalium, quæ ex putredine nascuntur, scire licet aerem ibi esse non optimum; quanquam minimè diffitear culicum, muscarum, atque huiusmodi insectorum frequentiam aerem non prorsus morbosum necessariò indicare; sed tamen humidiusculum, nec omnino saluberrimum; ut hic Romæ, ac Valentia in Hispania. Ea verò copia bufonum, quæ in proximis Romæ aquolis locis, quibusdam anni temporibus, aspicitur, nihil amplius, quàm corruptas eas aquas, & iam fœtentes ostendit. Notum etiam est creberrimos in agro Romano serpentes, anguesque per æstatem spectari, adeò ut non semel equitantibus acciderit in latentes foveas pondere subrutas delabi, ibique ab anguibz cum equis deuorari. Sæpenu-mero etiam, cum stipulæ incenduntur, serpentes metu flammæ velocissime exilientes cernuntur, extinctoque

Caïndu Orientalis
Scythiæ po-
puli gingi-
uis laborat
ob magnos
æstus, &
palustres
vapores.
Idco salem
assidnè ore
gestant.
Alia qua-
litas cœli
indicia.
Ab aëribz.

A copia a-
nummalium
ex putredi-
ne ortu.

Bufonum
copia in a-
gro Roma-
næ aquas
corruptas
tatum de-
notat.
Ibi mæ-
gna serpe-
ntum copia.

Stoque igne complures à flamma circumuenti, atque exusti. Adhæc in paucis ijs ædificijs, quæ sparsa circum in agro sunt, oua serpentium crebrò reperiri dicuntur; sicut & ipse in fenestris Episcopij Portuensis aliquando me reperijssè memini: quæ non tam fortasse coeli intemperiem, quàm soli desertionem, vastitudinemque sequuntur.

*Indicium
aeris præ-
humidi.*

*Roma cre-
brò lecta
detergiuntur
ob muscū,
& cremū
in tegulis
nascens.*

*Transitio
ad agri Ro-
mani natu-
ram inspi-
ciendam.*

*Agendum
prius de
causis insa-
lubritatis
notioribus.
Prima cau-
sa insalu-
britatis a-
gri Romani
Austri fla-
tus crebri,
ac validi.*

Propiora indicia sunt aeris tetri, ac præhumidi quæ à mucore quodam viridi, qui eiusmodi in locis parietibus, ac supellectili adhæret, capiuntur; sicut videre licet apud D. Anastasij ædem ad aquas Saluias via Ostiensi. Pari fermè ratione muscus, & cremum, quod in tegulis, vt hic Romæ, crebrò subnascitur (vt propterea sæpius tecta detergenda sint) indidem prouenire credendum est; aeris scilicet crassioris, atque humidioris vitio. Iam verò, cum abundè, vt opinor, demonstratum sit, quæ bonum, ac noxium aerem efficiant, quibusque indicijs id dignoscatur; consequens esse videtur, vt huius agri, Romani propriè, naturam diligentius inspiciamus, causasque indagemus, propter quas tantò grauior, quàm olim erat, euaserit; vt ijs probè cognitis, quod polliciti sumus, opportuna remedia afferamus. Ordinem autem hunc seruabimus, vt prius notiores causas, ac magis latè patentem; tum magis peculiarem, atque obscuriorem adnotemus. Primum igitur officere non leuiter puto Austri flatus, qui directò in hanc plagam feruntur: cum enim hic ventus inter alios summè sit calidus, atque humidus

humidus (quæ duæ qualitates coniunctæ, Aristote-
 le docente, corruptionis sunt effectrices) humores,
 ac præcipuè sanguinem inficit ; vnde putridæ,
 malignæque febres existunt . Sanè hunc ventum
 cæteris perniciosiorem esse omnes fatentur, ac si-
 gnanter Hippocrates libro sæpiùs laudato de aqua,
 aere, & locis ; quotidianaque experientia idem
 confirmat, vt pluribus exemplis, ac testimonijs
 non sit opus : nisi quis ad rem pertinere putet,
 quod aliquando in veteribus hisce ædificijs depre-
 hendi, qua parte Australes ventos aspiciunt, mul-
 tò magis, quàm reliquis locis lapides, ac parietes
 vetustate corrofos videri . Sciendum porrò est,
 vulgari Romanorum, omniumque ferè Italarum
 lingua *Scirocco* (Arabico vocabulo, apud quos di-
 citur *Xalok*) vocari omnem ventum à Meridio-
 nalibus plagis venientem, atque adeò ipsum Au-
 strum ; qui potius, vt auorum ætate dicebatur,
Ostro vocandus esset . Propriè verò loquentibus *Sci-*
rocco ventus est, qui Græcis *Euronotus* perhibetur,
 Latinis veteribus *Vulturnus* . Hic sanè apud nos
 multò deterior ipso Austro esse videtur, cum lon-
 giori pestilentis terræ tractu feratur ; ideoque quid-
 quid est insalubris litoris legens à Pontinis vsque
 campis, noxios vapores Romam versus expellat,
 ac secum rapiat . Notus verò, siue *Auster* pro-
 pius à mari veniens *Ostiensis* tantum paludes, aut
 ad summum *Laurentinas*, antequam huc perue-
 niat, transcendit . *Africus* verò ex altera *Tiberis*
 parte ad sinistram Austro adhærens, quamuis in

N

mari

Cur *Auster*
 reliquis ve-
 nis sit da-
 mnosior.

Auster sal-
 tē *Scirocco*
 vocatur A-
 rabico vo-
 cabulo.

Scirocco
 propriè *Eu-*
ronotus .
Euronotus
Romæ, quā
Auster de-
 terior, &
 quare.

Cur *Auster*
 propriè di-
 ctus minis
 hic sit per-
 nicialis.

Africus
 mitior ex
 entis Ale-
 rionalibus.

mari Tusco omnium violentissimus sit, & quòd transuersim hoc litus feriat, periculosissimus; reliquis duobus ob eandem rationem mitior est, ac minùs pestilens. Huc accedit, quòd etiam veterum testimonio, & Plinij in primis, Auster præcipuè in Italia humidus, & cæteris nocentior (Vulturum enim non exceperit, quòd exitialis eius vis non tam latè pateat) *Humidi*, inquit, *Africus*, & præcipue *Auster Italiae*. Et paulò post. *Saluberrimus autem omnium Aquilo, quia siccus, & frigidior: noxius Auster, fortassis, quia magis humidus* (ita ex ver. cod. legit Manutius.) Multùm etiam refert, quòd, ut idem Plinius, atque experientia docet, Auster (quo nomine laterales etiam, atque in his Vulturum intelligere possumus) præcipuè periculosissimo anni tempore, hoc est, post mediam æstatem exoritur; cùm Africus sub initium veris potiùs has regiones afflare videatur. Post biduum autem, ait Plinius, exortus (Caniculæ) *ijdem Aquilones constantius perflant diebus quadraginta, quos Etesias vocant. Molliri e's creditur solis vapor geminatus ardore syderis: nec ulli ventorum magis statim sunt. Post eos rursus Austri frequentes, usque ad sydus Arcturi, quod exoritur undecim diebus ante æquinoctium autumni.* Enimuerò de Roma præcipuè, ac proximis locis hæc intelligenda esse nemo, opinor, dubitabit. Secundo loco perniciem afferre non falsò creduntur tot paludes, ac stagna, quæ Latij, Tusciæue litoribus adiacent, atque interioribus etiam locis: quorum licèt aliqua pars antiquis etiam temporibus

*Alia ratio
cur Australes venti
cæteris grauiores sint
ab anni tempore, quo
flant maxime.*

*De Roma, ac proximis locis
Plinius intelligendus
Secundo loco
causa in sa-
lubritatis
Crebre paludes.*

temporibus fuerit; eorum tamen numerus valde postea excreuit partim hominum incuria, partim desertione terrarum, cultorumque penuria. Ex his Pontinæ paludes (quæ longissimo tractu, idest, XX. circiter miliaribus protenduntur) ab omni hominum memoria extitisse videntur, ut ex supra allato loco Strabonis conijcere possumus: etsi quædam earum portio non semel exiccata fuit, ut postea videbimus. Laurentina palus, vel *πληθυντικὴς* Laurentinæ paludes Velleio etiam Paterculo memorantur lib. II. *Sulpicium*, inquit, *adsecuti equites in Laurentinis paludibus iugulauere*. Quin & Vergilius lib. XII. cum fracto gladio Turnum circumspicientem locum fugæ inducit, hæc habet.

Farrum numerus ob desertione agrorum excreuit. De Pontinæ paludibus.

Vndique enim densa Teucri includere corona:

Atque hinc vasta palus, hinc ardua mœnia cingunt.

Ad quem locum non sine causa miratur Cluuerius hæc à Seruio notari. *Vasta palus, quæ nunc non adparet*: cum hodieque totus is tractus syluis, ac paludibus inuius sit. Cætera, quæ hic alij notarunt de apris circa Laurentum frequentibus, ne actum agam, dicere supersedeo. Circa Ardeam itidem stagnantes aquas ut hodie, sic olim fuisse supra ex Strabone adnotaui; ut circa Grauisecas in Tuscia. Non omiserim hoc, quod à peritissimo Mathematico Benedicto Castellio Monacho Casinensi accepi, Tiberim annem, ut hic propè Romam videmus, ubique ferè per angustam quandam vallem non directo cursu fluere, sed multis anfractibus Mæandri penè in modum tortuoso cur-

Loca palustria iuxta Ardeam, Et Grauisecas.

Benedictus Castellus.

*Tiberis
cursus si-
nuosus, at-
que in an-
fractibus
revertens.*

*Paludum
appendices
salinae, syl-
vae, fontes
medicati.
Salinae O-
stiensis.*

*Romanen-
ses salinae
olim cele-
bres.*

*Salinarum
propinqui-
tas noxia,
& quare.*

*Anthylli
sententia
de pestilen-
tiis spiran-
tibus à
salsuginosis
locis exha-
lantibus.*

uari : cùm igitur in ijs flexibus loca quædam con-
caua , atque humilia occurrant , si quando ple-
nior ingruit , facili negotio ijs in locis exundat ,
atque in æstatem vsque non sine accolarum per-
niciæ restagnat . Paludibus tanquam appendi-
ces adiungo salinas , sylvas , ac fontes medicatos ,
qui diuersis modis bonitati aeris obsunt . Salinae
nunc satis amplæ circa Ostiam sunt , olim etiam
iuxta Portum Augusti (ex quo nomen ei loco
mansit , hodie *Campo Salino*) sed promotio longiùs
litore ob aggestam à Tiberi terram & portus inu-
tilis euasit , & Salinae nomen , vsunque perdidere-
runt . Celebres olim , vel vetustissimis temporibus ,
Romanorum salinas fuisse , indicio est via Salaria ,
quam Varro sic dictam prodidit , quòd per eam
Sabini à mari sal in suam regionem conuectarent .
Vicinitatem verò salinarum noxiam esse & ratio ,
& scriptorum autoritas docet . Ratio , quòd cùm
sal æstiuo tempore fiat , atque in areis ad id para-
tis aqua paulatim exiccetur , & condensetur ; ne-
cesse est magnam exhalationum copiam inde dif-
fundi , quæ aerem sine dubio inficiunt . Mitto nunc
subtiliorem aliam , abstrusioresque rationem ,
quam accuratiùs infra exponam . Autoritas verò
Anthylli Medici præstantissimi apud Oribasium
collect. lib. IX. cap. XI. ostendit regiones salsas ,
ac suapte natura perhumidas , spirationes graues ,
ac perniciales emittere ; vt dubitari non possit ,
quod supra ex Strabone attulimus , quin verissi-
mum sit ob huiusmodi salinas Sardiniam maximè
morbosam

morbosam esse. Sylvæ autem, quæ plerunque La- *Sylvæ cir-*
 tini, ac Tusci litoris plagam hodie occupant, *ca litus fre-*
 non modicam & ipsæ partem huius insalubritatis *quentes.*
 ferunt: cùm enim humili, madentique solo pluri- *CHU nonis*
 ma earum pars sit, necesse est passim lamas, at-
 que huiusmodi loca hyberno tempore effici;
 quæ siue penitus adulta ætate exarescant, siue pau-
 lulum siccentur, siue in hyemem vsque perdurent
 (ut credibile est accidere in umbrosis, depressis-
 que locis) non minùs quàm paludes, ac stagna,
 nisi quòd sparsim, non confertim, halitus tetros,
 ac foetentes expirant. Quinetiam hæ sylvæ prape-
 diunt, ne venti montani, ac salubres, cùm flant,
 aerem ibi conclusum euerrant, purgentque. A *De aquis*
 medicatis, seu metallicis aquis nemo sanè mentis *medicatis,*
 perniciales vapores exhalari negauerit; præsertim *sive metal-*
 qui non ignoret metallorum afflatus quantum fos- *licis.*
 foribus obsint; aut audiuerit vnquam propè Viter-
 bium, alijsque regionibus, vbi graecolentes, ac
 sulphurati fontes scaturiunt, quàm longissimè illinc
 homines abscedere. Sunt verò huiusmodi fon- *Fontes me-*
 tes non vno in Latij loco, ut puta, circa Ardeam; *dicati in*
 de quibus ita Vitruvius libro octauo, capite *Latia fre-*
 tertio. *Sunt etiam, inquit, odore, & sapore non bono*
frigidi fontes, qui ab inferioribus locis penitus orti,
per loca ardentia transeunt, & ab his per longum
spatium terræ percurrentes refrigerati perueniunt supra
terram, sapore, odore, coloreque corrupto, ut in Tibur-
tina via flumen Albula, & in Ardeatino fontes frigidi
eodem odore, qui sulphurati dicuntur. Nec verò diffi-
 teor

teor eiusmodi fontes non vbique aerem inficere ;
quod certè in Puteolano , atque Ænaria insula

*Nec est maxi-
mè, ubi
alioquin
aer nō pro-
bus est.*
*Res putre-
factæ ob va-
riam , ac
discordem
mixtionem
potissimum
aeri officiant.*
minùs præstant : sed tamen vbi cæteroquin aer
gravior est , si odores , atque halitus extranei , ac
foetentes accedant , multò deteriore cum fieri ob
talem commistionem verisimile est . Constat enim
multas res prorsus putridas , etiamsi maximè con-
clusæ sint , nisi vnà commisceantur , non proinde
aerem corrumpere : alioquin si minùs id esset ne-
cessarium , cùm tam multa in priuatarum ædium
latibulis quotidie putrescant , multò sæpius vitari

*Exemplo
id proba-
tur.*
aerem videremus . Insigne huius rei exemplum ex-
tat in supra laudato Baldinij commentario , quam
suo tempore Florentiæ euenisse testatur . Erat in-
quit puteus in caupona quadam ad D. Laurentij
non admodum profundus , nec aliqui contactus ;
in quem omnis generis eius tabernæ sordes , ac
purgamenta proieciabantur , quæ vsque adeò aerem
intus inclusum vitiarunt , vt cùm fortè gladius ali-
quando intrò cecidisset , eiusque dominus libramen-
to funis se illò demisisset ; vix ad imum peruene-
rit , cùm subitò occlusa anima enectus est . Inter-
rim alius accessit , vt ei misello spiritum iam ef-
flanti opitularetur : sed ipse quoque celeriter est
præfocatus . Tertius qui descenderat , citiùs ani-
maduerso periculo , ac retractus vix mortem effu-
git . Quæ narratio satis docet , ex rerum diuersa-
rum , simulque commistarum putredine pestilentis-
simum aerem , halitumque progigni ; quod adeò
verum est , vt non modò res per se foetidæ , no-
xiæque

xiaque, sed esculenta, ac potulenta, si vnà putrescant, vehementer aerem corrumpere possint.

Quod in postremo *Conclavi*, in quo Sanctissimus D. N. felicissimè electus est Pont. Max. liquidò apparuit: nec enim aliunde doctiores medici existimant tot vno tempore, tamque exitiales morbos ibi extitisse, quàm ex vino, fructibus, carniū fructis, cæterisque mensarum analectis proiectis, atque aceruatis; baiulorum potissimū, aliorumque ministrorum ignauia, atque incogitantia. Tertia huius insalubritatis causa, immò fortasse pondere, ac *τὴν ἐπὶ τῆς* cæteris prior censenda est situs, ac positio litoris. Est enim totum

Tertia causa Litoris situs, ac facies.

hoc Latij, ac Tusciæ litus valde humile, ideoque decliue, & arenosum; quale genus litoris, ut puto, antiquitus plagam vocabant (vnde nostrum *piaggia*, & *spiaggia*). Necesse est igitur mare mi-

Quid plaga proprie.

nus profundum esse; sed quasi perpetuum æstuarium: atque hinc euenit, ut cū fluctus alluerit, relabente mox æstu, non modicam arenæ partem madentem relinquat; quæ assiduus solis radijs ver-

Cur litus humile, & arenosum valde obsit.

berata, atque alga passim putrescente (quod graueolentia ipsius docet) magnam, æstate præsertim, noxiarum exhalationum copiam quodammodo exsudet, ac remittat; quæ totum, quoquouerfus patet, campestre tractum inficere, atque inquinare possunt. Quod adeò verum est, ut quamuis hoc mare perpetuò immotum, atque inagitatū maneret, tamen adhuc non modicam vaporum vim eructaret; quò magis enim à sole ferue-

fit,

Compara-
tione lo-
corum id
ostenditur.

Ratio Go-
mesij ine-
pta.
Cur edita
litora salu-
bria.

Ex aqua
falsa non
nisi dulcis
evaporatur.

fit, eò magis exhalat: vehementiùs autem calefie-
ri, quò minùs aquæ sustinent huiusmodi breuia,
nec profunda litora, satis, vt arbitror, manife-
stum est. Hæc causa si sola esset, non omnino
fortassis oram maritimam inhabitabilem redderet;
sed magni vtique eam esse momenti negari non
potest: videmus quippe vbi hæc litoris species de-
ficit, statim omnes grauioris cœli cessare quere-
las. Hinc enim quâ desinit Latium, Circeius
mons, & Caietæ oppidum optimo, ac purga-
tissimo aere gaudent; nec minùs vbi vadosum Tu-
scia finitur litus, statim post Macram fluuiam, Li-
guriæ ora saluberrimo cœlo fruens attollitur: non
quòd illisa cautibus, ac scopulis, atque in altum
tenui aspergine vnda resiliens, feruenti spuma cir-
cumfusum aerem purget, vt Bernardinus Gome-
sius in opere elaborato de Sale nimis leuiter credi-
dit, sed partim quòd is non nisi iam terrestribus,
& crassioribus inquinamentis depuratus, ad edi-
tiora loca pertingat; partim quòd eiusmodi litora
profundo mari (quod nullas, aut paucas *ἀναδυμένας*
αἰετς efficit) non cœnosis, ac foetidis æstuarijs val-
lantur. Nam etsi ex falsuginosis locis vapores qui
eleuantur, falsedinis expertes esse credi possit, cùm
docentibus Chymistarum experimentis, ex aqua
falsa per *destillationem* quam vocant, non nisi dul-
cis euaporetur; nihilominus quoniam litorale so-
lum siue suapte sponte, siue ob cadentes pluuias,
dulci intus humore aliquatenus madet; atque vt
experimento comperi, aqua dulcis falsæ commi-
sta

sta citius, ac facilius putrescit; non propterea marinam aquam euaporationum expertem esse credendum est: præsertim cum omnis aqua, quantumvis falsa, dulcis humoris portiones quasdam semper habeat admistas; ut ex eodem supra allato experimento constat: de quo fusiùs Blasius Vi-

Aqua dulcis salsecō- mista faci- lius putre- scit.
Aqua falsa dulcis por- tiones habet admistas.

generus in erudito Commentario de Igne, & Sale: ne Aristotelem, aliosque Autores aduocem, qui crediderunt demisso in mare vase aliquo cereo, aut hederaceo inani, atque obturato, per eius meatus dulcem laticem paulatim intus penetrare. Quare etiamsi litus hoc nostrum humile, atque arenosum nullis lacunis, lamisque squaleret, nec vnquam imbribus madesceret; attamen ipsamet aqua marina terræ, arenæque permista magnam grauiorum halituum vim æstiuo tempore emitteret; tantoque magis pestilentium, quantò, fauente locorum situ, non pauxillo tempore, sed diutiùs, ac tractim computrescerent. Quarta huius insalubritatis, & ipsa minimè contemnenda, ratio afferri potest ex Romani cœli (quo nomine proximam circa regionem etiam intelligo) intemperie; non quidem quatenus ea significat vel nimium vehementes calores, vel supra modum intensum frigus, vel vtrunque: nam reapse de huiuscemodi intemperie neque Vrbs, neque ager ipsius iure queri possunt: sed quatenus hoc cœlum obnoxium est subitis, magnisque mutationibus; caue enim credas quidquam illo mutabilius, aut inconstantius; vsqueadeo Protei in morem mille

O

formas

Quarta causa Intemperies, ac mutabilitas huius regionis.

*Huius in-
constantia
causa.*

formas induit: vnica quippe die nonnunquam vi-
demus sex, vel octo conspicuas temporum con-
uersiones à frigore, vel calore, vel medio tempo-
re; à serenitate, vel nubibus; Borea, vel Austro,
aut alijs ventis; pluuiæ, niue, grandine, Iride,
cæterisque aeris impressionibus. Huius inconstan-
tiæ causam nullam aliam manifestiorem afferre
possumus, quàm modico terræ spatio duas quo-
dammodo contrarias, diuersissimasque regiones;
quarum ea quæ in plano est, tepens, atque hu-
midior, solique ostenta, ac marinis auris obno-
xia longè alium aspectum, ac temperiem obti-
net, quàm superior, ac montana; quæ valde fri-
gida, & ventosa, atque alijs ventis exposita, plu-
rimùm ab illa distat. Accidit id propter altitudi-

*Latij, &
Etruriæ
campestris
regio præ-
altis mon-
tibus val-
latur.*

*Descriptio
horum
n. 67. t. 1. 177.*

nem montium, qui hanc Latij, Etruriæque plani-
tiem, nisi quæ mari alluitur, perpetuo quasi iugo
coercent: inter quos è regione Latij non pauci
sunt elati admodum, & cum Italiæ editissimis cer-
tantes; vt indicium præbent niues maxima anni
parte ijs insidentes. Incipiunt igitur Volscorum
montes (vt de interioribus, ac celsioribus ta-
ceam, quorum amplior circuitus est) secus Vfen-
tem fluuium non longè supra Tarracinam: mox
supra Priuernum, Setiam, Signiam, Norbam Se-
ptentrionem versus ascendunt: dehinc supra Co-
ram; inde supra Velitras in Occidentem flectun-
tur, atque Albanis iugis continuantur: qui rursus
in Septentriones reflexi, quæ Tusculanos colles
excipiunt, paululum deinceps ad Orientem re-
deunt,

deunt, dum Prænestinis iugis connectantur; quibus Æquicolarum, mox Tiburtium præalti montes adhærentes denuò ab Aquilone ad Occasum vergunt; quos Sabinorum non humiles colles excipientes cum Soracte coniungunt. Ii mox non longo camporum interstitio (qui & ipsi remotioribus montibus ponè clauduntur) Ciminijs iugis appropinquant; quæ inter Occidentem, ac Septentrionem supra Volsinios procurrentia, dehinc ab ea regione Volsiniensium collibus in solstitialem Occasum directis finiuntur: qui & ipsi Tinnis montibus inter Suanenses, & Volcientes in Meridiem versis; ac supra Colam non longè à monte Argentario desinentibus, propè nectuntur. Sunt & intra hanc regionem quidam tumuli, colleisque, maximè in Etruria: sed ij permodici sunt, nec vilo loco habendi. Quare manifestum est hunc terræ tractum instar alicuius theatri montibus vndique esse circumclusum, nisi qua parte mari alluitur; quod quasi proscaenium caueam prospectat: ac proinde media planities orchestræ locum quodammodo obtinet. Et sanè decebat Cœlestis Numinis providentia hunc locum ad speciem theatri conformari, qui tanquam orbis terrarum compendium, quidquid alibi dignum memoratu geritur mortalium oculis hic quotidie exhibet. Cum talis sit igitur horum locorum facies, ac positio; minimè dubitandum videtur, quin propter hanc inæqualitatem, tam subitæ temporum mutationes, & non vnius tenoris dies hic crebrò existant.

Hec campestris regio in modum theatri figurata.

Allusio.

*Sardinie
Australis
pars Roma-
ne regioni
valde si-
milis.*

*Circumpada-
na regio
quasi ex
diametro
ei aduersa.*

*Periculosa
mutatio cū
subito ē fri-
gidis locis
in calida,
aut contra
trāsitus sit.*

Multis id probare possem rationibus, atque exem-
plis; sed ne nimium in singulis hæream, consultò
ea missa facio. Hoc vnum dicam, Sardiniae Au-
stralem partem temporum inæqualitatibus, ac mu-
tationibus & ipsam valde obnoxiam, & pariter
morbosam (cuius quoque planities Austro expo-
sita vndique præaltis retrò montibus circumcludi-
tur) Romanæ regioni quasi ἐκ τῆ παραλλήλης respon-
dere: contra quasi ex diametro ei aduersari Cir-
cumpadanam regionem, quæ vniuersi modi fermè si-
tum planum, patulumque obtinet, & statas tem-
porum vices perpetuo ferè tenore conseruat; eo-
que nulli prouinciæ salubritate cedit. Porro cū
omnes subitæ, magnæque mutationes humanis cor-
poribus plurimū incommovent, vt Medici do-
cent, & nominatim Hippocrates lib. de octime-
stri partu, & post eum Federicus Bonauentura in
eruditissimo opere, quod eodem titulo Ducis Vr-
bini iussu conscripsit: præcipuè verò noxiæ, quæ
in horum trium aliquo consistunt, in genere vi-
ctus: in locis: in temporibus. Verū omisso pri-
mo capite, quod huc minimè pertinet, dico non
sine periculo de locis admodum frigidis in valde
calida, aut è conuerso transitum fieri, quod in pri-
mis ex animaduersione Suetonij Paullini de bello
cum Germanis committendo apud Tacitum disse-
rentis elucescit; ait enim. *Iam Germanos, quod ge-
nus militum apud hostes atrocissimum sit, tracto in æsta-
tem bello, fluxis corporibus, mutationem soli, cælique
haut toleraturos.* Sed multò magis id liquet ex eo
quod

quod de Peruvia provinciae natura Nicolaus Mo-
nardes refert. Huius planitiem aequalem admo-
dum, patulamque in immensam ferè longitudi-
nem, hoc est, ad tria leucarum millia secundum
maris litus protendi: à mari introrsus non ampliùs
octo leucarum spatio dilatari. Cæterum perpe-
tuam ferè æstatem hic esse; adeoque feruidam, ut
vix vnquam decidunt imbres: in proximis autem
montium iugis, quæ longissimo tractu planam hanc
regionem terminant, editaque valde sunt, assi-
duum toto anno rigorem, atque intolerabile fri-
gus cum quotidianis ferè pluuijs vigere. Itaque
cuiuscunque generis animantia montanæ regioni
assueta, si in planitiem descendant, breui omnia
in languorem incidunt, ac pereunt: quod ex eiu-
smodi locorum diuersitate, nec aliunde euenire
pro indubitato habetur. Sed quod res nostras
propius tangit, hæc superioris, inferiorisque re-
gionis discrepantia ibi maximè elucet, vbi breui
locorum confinio altera alteram sequitur: quod
ut euidentius appareat, exemplum à Bernardo Sac-
co allatum, hodiernaque experientia confirmatum
proponam. Tusculani collis radicibus adiacet cœ-
nobium in primis nobile, ac splendidum, quod
Crypta Ferrata dicitur, à Basilianis monachis habi-
tatum. Ædificio constat amplo, laxoque in mo-
dum arcis, vel castelli; & supra Tusculanæ Cice-
ronis villæ parietinis, non obscuris indicijs, ex-
structum creditur. Distat is locus ab agri Roma-
ni infima planitie milla passuum duo. Medio cli-

*Exemplum
diuersitatis
regionum,
ex Cryptæ
Ferratæ si-
tu descriptum.*

ui spatio versus solis occasum vicus desertus, ac semirutus conspicitur, modico tantum diuersorio superflite, quem *Burghettum* vocant. Inter eum vicum, & *Cryptam Ferratam* antiqua sylua stadij longitudine protenditur. Infra hanc versus Occasum, & ipsum vicum aqua insuavis scaturit, nec aer admodum tutus est: quapropter is vicus desertus remansit. Verum ab sylua ad coenobium pergentibus, siue ad orientem solem, ac montanam regionem aer purus, atque innoxius per diu, noctuque occurrit; aqua etiam in medijs pratis è fonte quodam saluberrima promanat. Huius diuersitatis rationem Paulus III. Pont. Max. quondam admiratus dicitur: quam idem Saccus adfert talem. *Burghetti* vicus grauem, foetidamque auram à tetra, pernicialique scrobe haurit non longè ab eo loco in planitie sita; quæ sulphureum vaporem assidue exhalat, atque ob id *Sulphurata* vulgò quoque dicitur. Igitur Occiduis ventis spirantibus vapor ille pestilens directò fertur in vicum; sed nequiquam syluæ illius tractum, confiniumque transcendit: quod experimento statim cognoscitur; nam si ab hac sylua egressus in prata *Cryptæ Ferratæ* coenobio propinqua gradum feceris, Orientali aura ab Algido, ac montibus perflante mirificè te recreari senties. Sanè vt non grauati concesserim, propter huiusmodi sulphureum halitum magna ex parte eum tractum grauem esse, ac morbosum; sic fatendum etiam videtur, vt nulla esset sulphuris exhalatio, tamen quò campestri regioni

regioni situs propior est, eò deteriorem editioribus locis habendum esse: statuendum enim aliquod confinium vtriusque regionis, salubris nimirum, & insalubris; atque etiam interstitium quoddam ex utroque temperatum, quod neque omnino sit noxium, nec prorsus salubre, tutumque: & sanè si quis est in hoc campestri tractu elatior paulò tumulus, haud parum commodior, quàm subiecta planities existimandus est: siquidem aer eiusmodi vaporibus crassus, ac palustribus grauidus non valde, ut iam ante diximus, supra terræ infimum solum attollitur; neque tamen certa, perpetuaque huius discriminis regula, aut mensura tradi potest: adeò ut sub eodem tecto, hic Romæ præsertim, longè salubrior sit in superioribus cœnaculis habitatio; quamobrem bonæ valetudinis studiosi quàm possunt maximè hanc cautionem observant: contra in siccioribus locis, ut Madriti, infra terram depressis cubiculis sine noxa utuntur. Quin etiam minimè dubitandum est, si quis diligentius obseruet, circa campestris, & montanæ regionis confinia nonnunquam spirantibus à mari ventis Austrālibus, perniciosisque, simul salubres, ac montanas auras exaduersum flare; quæ, ubi iam in campos descenderis, utpote imbecilliores, nullo modo sentiantur. Quod (mirum sanè tam breui interuallo) liquidò me observare memini cum propè Genuam secundum litus nauigaremus, eius enim triremis, quæ litus propius legebat, flammulum puppi impositum (quod ab officio Anemoscopium

*Non tantum
superioribus
locis habitatio
est sed etiam
campestris
loci natura
plagam in-
feriunt
Clypeus
Fertilem cō-
taminat.*

*Tumuli e-
latiores ca-
pestris La-
ty haud pa-
rum com-
modiores.*

*Romæ quo-
que salu-
brius in-
summa e-
dium par-
te habita-
tur.
Madriti
hypogææ
impune ha-
bitantur.*

*Observatio
de diversi-
tate vento-
rum mari.*

*Obicitur
Austri fla-
tus ad col-
les usque
assurgere
posse.*

*Obiectionis
solutio.*

*Cōparatio
à quibus-
dam flum-
inibus sum-
pta.*

Anemoscopium quispiam dixerit) terrestri aura ventilabatur ; alterius verò non longo interuallo distitæ marino, atque exteriori flatu in contrarium pulsabatur. Verùm obijcere quis possit, cùm Austri (eadem ratio est lateralium ventorum Euro-noti, atque Africi) ab humili, infimaque plaga spiret (quæ causa est vt vehementiùs, ac diutiùs mare commoueat, quàm Boreas) & campestris huius agri facies deuexa sit, ac sensim in litus decliuus, proinde videri eiusdem Austri vim, & quos secum rapit malignos vapores, locis à mari distitis non modicè assurgere; ac minimè, vt dicebamus, infimum tantùm, ac solo proximum aerem grauem propterea, & pernicialem esse. Cui ἀπορήματι vt satisfaciam, non nego quin ingruentibus Austriis grauiiores huiuscemodi halitus satis altè extolli queant, & saltem ad modicos colles pertingere: veruntamen multò perniciosiores sunt certè, vbi ferè semper incubant, quàm vbi rarò, ac fortuitò aerem quasi per transfennam inficiunt: quippe vbi ventus conquieuerit, non tantùm ij crassi vapores residunt, ac deorsum feruntur; sed etiam inquinatior, ac deterior aeris pars procul dubio subsidit: quemadmodum de nonnullis fluminibus fertur, quæ lacus quosdam, aut alios amnes influentia, propter aquarum suarum leuitatem, minimè commiscen-tur; sed perpetuò immista, ac discreta labuntur. Porro loca secundùm litus posita multò melioris conditionis esse (quod supra innui) quàm interiùs sita, ac longiùs à mari, non vna ratio conuincit; nam

Cur loca,
in ipso lito-
re sita co-
modiora,
sint, quam
longius re-
motiora.

Media lo-
ca iter viā
Ostiensē,
& Appiā
ab opera-
rijs preci-
pue refor-
midantur.

tela , ac securitate ditionis Ecclesiasticæ mirè sollicitum assiduè exercent , non postremam hanc reputauerim . Dignam enimuero mentis suæ magnitudine cogitationem , quæ non ad breue dumtaxat tempus , sed in longam posteritatem extendit utilitatis egregiæ fructum . Cùm sit igitur Centum Cellarum aer non omnino pestilens , ac noxius ; accedente incolarum frequentia , multiplicatisque tectis , satis commodum , salubremque tandem euisurum sperare possumus . Verùm cùm tanta sit campestris huius regionis , & montanæ , seu colli-

*Qui æstate
Roma dis-
cedunt ad
montanos
secessus, re-
uertu non
solent ante
Idus Octo-
bris .*

næ diuersitas ; minùs mirandum videtur eos , qui æstiuo tempore vitandi caloris gratia , aut captandæ solitudinis , ac quietis siue Tibur , siue in Tusculanos , Albanosque colles , atque huiusmodi loca secedunt , non nisi post refrigeratum autumnalibus pluuijs aerem , exortumque Aquilonis (quod circa Idus Octobris euenire solet) Romani fermè reuerti . Iam verò opportunum videtur , vt de

*Digressio
de æstiuo
ad Urbem
accessu .*

æstiuo ad Urbem accessu , indidemque recessu , animi saltem gratia , aliquid dicamus ; vtrum scilicet non modò eo tempore periculosa sit huc ex longinquo migratio , sed etiam discessio : an verò sit hoc commentitium , & falsum . In priori quidem sententia plerosque esse video , & nominatim id docet sæpiùs laudatus Baldinius in Commentario in dictum Hippocratis librum . Contrariam verò opinionem Marsilius tuetur (cuius apud me potior est autoritas) qui disertè tradit , si quis æstate salubriorem in locum ex Vrbe proficiscatur

*Diffensus
Baldini ,
& Marsilij
de periculo
discessus æ-
stiu ab Vr-
be .*

(sic

(sic enim intelligendus est hic discessus) turò id
 facturum . Cui sententiæ ego quoque , vt verum
 fatear , non inuitus accedo ; cum ea tamen cau- *At et filij
sententia
probabilior.*
 tione , vt qui in viam se dat , intermedio itinere
 locis grauibus , noxijsque moram ne trahat , præ-
 cipueque ne dormiat : inde enim accidere puto ,
 vt multi æstate Florentiam petentes intereant ; mul-
 toque plures , qui Neapolim proficiscuntur . Cum
 enim proxima viæ Flaminia pars propter huius
 regionis qualitatem sit insalubris ; sed Cassia , quæ
 Florentiam itur , multò maior portio ; Appiæ verò
 quæ Neapolim ducit , aliquantò etiam magis
 (quippe ad Lirim vsque propemodum) nil mi-
 rum si hausto per viam noxio aere , atque humo-
 ribus iam corruptis , vbi quis quieuerit , morbus
 exsurgat . Quinimò , vt ex multis itineribus à
 me confectis obseruasse videor , plerunque acci-
 dit , vt qui longo aliquo itinere cœli , ac tempe-
 statum aduersitatibus afflatus fuerit , non ante
 ferè in morbum incidat , quàm post absolutam
 peregrinationem . Quod in nostro ex Gallia re-
 ditu compluribus ex familia EMINENTISSIMI
 DOMINI CARDINALIS BARBERINI euenit : *Reditus ex
Gallia E-
MINEN-
TISSIMI
CARDI-
NALIS
BARBE-
RINI.*
 quos inter Andreas Eudæmon-Ioannes , eruditissi-
 mus Soc. Iesu Sacerdos , postquam aliquot dies
 inter Senam , ac Romam ægrotasset , intra paucas
 horas quàm Romani Collegij limen attigisset , ex-
 pirauit : eius verò socius Hieronymus Albergottus
 Aretinus nobilitate generis non minùs , quàm san-
 ctitate vitæ insignis , qui priùs satis bellè valuisset ,

vix dum inita Vrbe, maligna febris oppressus paucis diebus ex humanis excessit in ipso flore ætatis. Ego verò, cùm in toto itinere nec minimum languorem expertus essem, vix Romam sub vesperam redij, cùm eadem nocte in febriculam incidi, à qua tamen Deo volente celeriter sum liberatus.

*Aer tenuis,
ac salubris
quibusnam
mortē ac-
celeret*

Cæterum si quis habitu cacoethicus, prauisque humoribus refertus vel in salubriora loca demigret, cùm ea ferè tenuiori aere constent, hunc sibi mortem plerunque accelerare compertum est: quipè rarus, ac subtilis aer tam prauis, quàm bonis humoribus faciliorem transitum, & quasi vehiculum, vt Medici loquuntur, per internas venas, & conceptacula ad vitalia præbet.

*Digressio
de æstiuo ad
Vrbem ac-
cessu.*

Verùm, vt in gratiam Transalpinorum aliquid de æstiuo ad Urbem accessu, saltem rudiori Minerua, dicamus; si quis in itinere non fuerit supra modum à sole calefactus; neque in labore, vigilijs, Venere, crapula modum non tenuerit; nec grauioribus locis, noctu potissimum, somno indulserit, videtur sine periculo quouis tempore Romam accedere posse; præsertim si aliquot dies loco clauso domi se contineat, ac quiescat; victuque tenui, ac refrigerante vtatur. Si verò is sit *πληθώρα* prægrauatus, aut nimio sanguine vel natura, vel ob pleniorum victum turgens, plurimum ei proderit, si quamprimum phlebotomia sibi cauerit. Enimverò non

*Quid ob-
seruandum
estate Ro-
mæ adeun-
tibus.*

*Temporū
inequalitas
aliquando
periculo-
sior, quàm
locorum.*

tam locorum fortasse, quàm temporum inæqualitas, atque *ἀνωμαλία* metui, attendique debet: nec enim statim ac aliquis per æstatem ex planitie, in frigidam

frigidam, ac montanam regionem commigrat (ut
quotidie euenit ijs , qui Tibur secedunt) morbo
se implicat : sed tamen cum aliquo fortasse peri-
culo id fieret, si quis ad altissimos vsque, ac fri-
gidissimos montes nulla interposita mora ascende-
ret, ibique consisteret; præsertim minùs mutata
veste. Quanquam æstate quidem minùs periculo-
sior esse videtur ex calidis locis in frigidiora tran-
situs, quàm vice versa; modò ne eodem reditus
fiat. Vtcunque se res habeat, maneat illud per-
petuò fixum, ratumque omnes magnas, ac repen-
tinas mutationes plenas esse periculi, atque exitij;
quantumuis æstate à calidis locis in frigida, hye-
me à frigidis in calida transitus fiat: moderatio-
res autem non modò non nocent, sed etiam sunt
valde aliquando salutare. Multò plus itaque di-
scriminis habent subitanæ temporum conuersio-
nes, cùm propter alias causas, tùm quòd magis
de improviso fiunt, ac sæpe nec alleuandæ vestis,
nec onerandæ nobis spatium tribuunt: quæ sola
mutatio de hac campestri plaga tantùm loquenti-
bus habenda præ oculis est; cùm de agricolis præ-
sertim sermo sit non adeò delicatis hominibus, ut
his cautionibus obstringi debeant: neque vtramuis
regionem colentibus vltro, citroque commeandi
necessitas admodum incumbat. Cæterùm intem-
periem regionum, quatenus ingentem hyeme rigo-
rem, ibidemque validiores æstate regnantes calo-
res; aut contra æstiuo quidem tempore feruentissi-
mum æstum, hyberno non modicum frigus signi-
ficat,

*Cur subite
temporum
conuersio-
nes pericu-
losiores,
quàm loco-
rum muta-
tiones.*

*Quales re-
giones ve-
hementius
pestis affli-
gat.*

*Quinta
causa Su-
perficies a-
gri Latine.
Qualis il-
la sit.*

*Sexta cau-
sa Aëstui
calores im-
modici.*

ficat; minimè salutiferam esse notius est, quàm vt argumentis, ac testimonijs indigeat: illud non omnibus notum in huiusmodi locis pestilentiam, si quando ingruat, violentiùs grassari solitam; vt in Polonia, ac Lithuania, quæ cùm vehementissimo gelu hyeme premantur, non parum etiam æstate ob dierum longitudinem incalescunt: & pariter in Mauritania, quæ non tantùm æstuosissima, sed etiam ob altissimos montes, qui perpetuò ferè niue operiuntur, hyeme algentior est paulò. Quintam insalubritatis causam sibi vindicat, ni fallor, huius regionis superficies; quæ cùm nec plana sit, nec montosa, sed potiùs vbique multis conuallibus, & concauis locis depressa; qui in ijs cavitatibus intercipitur aer haud facilè à ventis perflari potest, ideoque inagitatus permanens ex facili putrescit, ac vitiatur; & licèt non putresceret, qui ab Austris ibi relictus est vix à superuenientibus Aquilonibus penitus depurgari, aut renouari posset. Quod in locis planis, ac montosis contrahit: in ijs enim ventorum vis totum hoc inane sine villo obstaculo peruadit: in his montosis etiamsi colles occurrant, tamen ijs circumfusus flatus oppositam etiam partem per vallium angustias collustrat: aut quamuis perpetuum dorsum occurrat, nisi præaltum fuerit, ei illisus extollitur, ac superfunditur; aut si ex alto venit, vt Boreales solent, nullo negotio transcendit. Sextò intemperiem inducunt calores æstiu, sub sole præsertim, quibus hæc regio nimiooperè torretur; ac vehementiùs sanè

nè quàm pro Climatis ratione : qui tantò magis perniciousales sunt, quantò minus noctes eundem tenorem feruant; cùm frigidiusculæ hic potiùs esse soleant, tum propter auras marinas, atque Occidentales; tum propter earum spatium prolixius, quàm in Climate magis Boreali, vt notum est. Auget verò hanc validioris æstus noxam non minor profectò eiusdem aeris humiditas, quæ *συχυρία* efficit humanis corporibus planè infestam. Nam vt rectè notat Magnus Albertus, quibus in locis aer à sole sic incalescit, vt magnam vaporum copiam solum eructet; nec tamen calor sit vsque eò vehemens, vt illos discutere queat, atque *ἀπαρίσσειν*, minimè salubris est habitatio: qualia loca magnis, ac frequentibus tonitruis, fulgetrisque infestari solent; quod in Latio, ac litorali Etruria euenire videmus: quam esse causam ferunt, cur olim Tusci Fulguralem scientiam præ cæteris nationibus caluerint. Oritur verò immoderatus hic æstus non tam ex percussu solis radiorum ad montes oppositos, qui à Septentrionibus Romæ imminet; quàm ab eiusdem aeris crassitie, quæ vehementiùs calorem concipit; & reflexu eorundem radiorum, qui in proximo mari, ac litore fit. Cùm enim à Meridiano, atque Occiduo cardine hæc regio solem aspiciat, reflecti radios introrsus necesse est, & quidem ad maximam diei partem; eoque validius, quò litus æquabilius est, atque arenosius: mare verò propter perspicuitatem, ac superficiei læuitatem ad radiorum *ἀντανάκτιν* tanquam speculum

*Est magis
noxæ, quò
noctes frigidiusculæ
sunt.*

*Præsertim
ob adiunctam
aeris hu-
miditatem.*

*Alberti
Magni sen-
tentia.*

*Quænam
loca ma-
gnis, ac
crebris to-
nitruis, ac
fulgetris
infestari
soleant.*

*Tusci olim
rei Fulgu-
ralis per-
tissimi, &
quare.*

*Causa ef-
fectrix im-
modici hu-
ius æstus
Crassities
huius aeris.
Reflexus so-
lis radiorum
in proximo
mari.*

Cur reper-
cussus horū
radiorū sit
validus, ac
diuturnus.
Conualles
agri Lati-
ni calorem
acuumt.

lum accommodatius. Intendi præterea calorem credibile est ex frequentia harum conuallium, de quibus supra egimus, quæ multò magis, quàm memorati montes (longiusculè enim ij absunt) ex percussu solis feruorem augent. Vt autem clariùs elucescat reflexionem solarium radiorum potissimam esse magnorum æstuum causam (quantum id lippis, ac tonsoribus notum est) illustri exemplo rem confirmabo. Susis (qua in vrbe olim reges Persarum hyemare consueuerant) adeò feruens æstas sentitur, vt comburat laceratas sub meridiano sole per apricum reptantes; ideoque incolas cogi ædificia superingesta humo ad binarum vlnarum crassitudinem contegere Strabo testatur. Id autem euenire propter montes ad Boream obiectos, qui partim frigidiores auras intercipiunt; partim ex reflexu radiorum solis eorū vim augent, ac conduplicant. Contra Carpetani montes (nunc *Sierra de Guadarrama*) qui Septentrionem versus Madrìto obiacent, cū remotiores sint, ac toto ferè anno niuosi, non modò ei ab calore non officiunt; sed potiùs frigidiusculis auris, quæ circa vesperam quotidie ferè illinc solent exsurgere, non leuiter commodant; quam ob causam, & propter aeris siccitatem, ac tenuitatem, æstus sanè pro regionis positu non admodum molesti ibi sentiuntur. Septimo loco afferri potest aquarum malitia, quæ in his regionibus non vbi- que sanè probæ existunt: fit enim plerunque, quod supra indicaui, vt quæ loca parum propitium ha-
beant

Susa æstuo-
sissima

Ob montes
ad Septen-
trionē im-
minentes.

Septima
causa A-
quarum
malitia,
quæ tamen
variari po-
test.

beant cœlum, aquis etiam bonis minùs abundant.
 Sed quoniam non tanta hic est aquarum penuria
 (vt inferiùs ostendemus) vt deteriores etiam ne-
 cessariò bibendæ sint, superuacaneum est antiquis-
 simum rerum principium, si Thaleti credendum
 est, ac rem oppidò omnium utilissimam, vt cum
 Pindaro loquamur, in societatem criminis cum
 aere isto tot modis infesto vocare. Aliquantò plus
 difficultatis, ac controuersia habere videtur quod
 nonnulli suspicantur magis, quàm affirmant, huius
 agri solum suapte vi halitus quosdam noxios, æsta-
 te potissimùm, remittere: in quam eos suspicio-
 nem adducit color quidam insolens (vt ijs vide-
 tur) nec passim obuius, quo cùm summa ipsius
 superficies, tùm inferior etiam pars infecta con-
 spicitur: quod si ita esset, parum humana remedia
 profutura metuendum foret. Sed vt quod sentio
 liberè dicam, non arbitror sanè ita esse, nec va-
 pores ascendere puto, nisi vbi cœnosa, palustria,
 aut aqua marina perfusa loca occurrunt, aut vbi
 Charonij quidam specus, vel aliqua mephitis à
 metallicis spirans venis exhalatur: nec alioquin
 colorem istius terræ (quantum mihi videre licuit)
 adeò insolitum adnotaui, vt non alibi sæpe saluber-
 rimis in regionibus planè similem obseruauerim.
 Aliquantò subtiliorem indaginem meretur inferior
 huius soli natura ex topho vt plurimùm, atque are-
 nacea materia constans: in quo maximè dispicien-
 dum videtur, an eiusmodi terræ species, acceden-
 tibus alijs noxiorum halituum causis, earum vim
 Q acuerè,

*Color terre
in hoc agro
quibusdam
videtur in-
suetus.*

*Nō videri
tamē hunc
colore adco-
insolitum;
nec credi-
bile gra-
ues halitus
passim ex-
halari.*

*Disquisitio
de soli in-
ferioris na-
tura.*

acuere, atque augere possit; nam per se quidem

Tophus per se non videtur insalubritatem afferre.

tophum satis esse salubrem ostendit Etruriæ Pontificiæ mediteranea pars, cui ubique ferè tophus subest, & nihilominus saluberrima censetur; ut circa Urbem Veterem, Perusiam, & totum eum tractum: immò extra Ecclesiæ fines in Senensi; quod

Iulij Mancini Commentarius MS. de rebus Senensibus.

Iulius Mancinus in Commentario inedito de rebus Senensibus ad salubritatem conducere existimavit; tale solum minùs vaporosum esse ratus. Quod si verum est, frustra dubitamus an propterea Latium insalubrius sit; cum vice versa salubritatem id augeat. Sanè non dissimulandum est (quod alicui mirum fortasse videbitur) etsi interdiu quidem filices, aliaque saxa duriora intensissimum sub sole feruido calorem concipiant; noctu tamen refri-

Tophus pertinaciter calorem noctu retinet magis, quam filix.

gescere: contra tophum, arenosamque terram, licet interdiu non adeò vehementer solis radijs inardescat; multò tamen pertinacius in noctem calorem fouere: unde fortasse euenit, ut cryptæ in huiusmodi solo excauatæ æstate frigidissimæ sint.

Cardanus hoc ampliùs; non retinere tantum, sed multum etiam concipere caloris tophum putauit; cuius rei causam affert, quòd suapte natura calidus sit: in quo meritò à Scaligero reprehenditur; quanquam & ipse aberrasse à verò videtur, dum ait id euenire potiùs, quòd densus sit: cum multò densior sit filix, immò omne aliud ferè lapidum genus; qui minùs tamen pertinaciter calorem fouent. Probabiliùs igitur dici potuisset, non tam celeriter à topho, quàm à filice calorem excede-

re,

Cardanus meritò à Scaligero reprehensus.

Ipsius etià Scaligeri ratio improbat.

re, quòd ille minùs suapte natura frigidus sit; nam propterea calidum dici non posse ex eo etiam liquet, quòd infra terram cryptarum aerem ambiens, vehementiùs quàm lapides eum refrigeret, aut certè frigidum conseruet. Vereor enim ne mihi non constem, si maiorem refrigerandi vim topho, quàm silici tribuam, qui hunc & densiorem, & naturali facultate frigidiorum statuerim. Verùm quomodo tophus, qui medium quiddam est inter lapidem, & terram (cùm sit densior terra, rarior verò lapide) calorem supra terram pertinaciùs retineat, frigus verò infra terram intensiùs foueat, altioris est indaginis: quodque penitus definiri nequeat, nisi probè cognita natura τῆς ἀντιπεριστάσεως; cuius contemplatio non est huius loci. Illud verò minùs intelligere me fateor, cur idem Scaliger acerrimi iudicij, atque incredibilis eruditionis vir pronuntiauerit, solum vliginosum maximis calibus suppeditare materiam; cùm certè vligo, & aqua ad terram, atque aerem refrigerandum potius valeat. Nunc illud quæri posset, an cùm experientia constet tophum æstate in multam noctem diurnum retinere calorem, conducibile id sit sanitati corporum, an aduersum: seu vt thesim potius, quàm hypothesim statuamus, magisne salubres sint æstate noctes calidiores, an frigidiores. Verùm in confesso esse debet, vt æstiuæ noctes frigidiusculæ, quales Romæ multò magis, quàm in Gallia Cisalpina, aut Florentiæ sentiuntur, ad quietem captandam commodiores sunt;

Quid probabilius dici possit.

Tophus medium quiddam inter terram, & lapidem.

Scaliger asseruit vligine soli augere calorem.

Q₂

ita

*Noctes æ-
state nimirum
frigida in-
salubres.*

ita si nimium frigida forent, ob rationes supra po-
fitas improbandas esse. Sed id quidem in tempe-
ratis regionibus vix, aut rarò contingit. Mirum
enim mihi visum fuit, cùm Augusto mense Ma-
drito Valentiam nocturnum iter in comitatu EMI-
NENTISSIMI CARDINALIS BARBERINI ca-

*Ubinā no-
ctes perfri-
gidas autem
expertus
sit.*

*In Lusita-
nia æstiuæ
noctes satis
frigidae.*

*Cuius etiā
causa in-
dagatur.*

*Scatebræ
fontium in
Lusitania
tepidæ.*

*Lusitania
valde are-
nosa.*

*Discepta-
tio de cry-
ptis, ac pa-
rietinis a-
gri Roma-
ni.*

passerem, adeò frigidas in Castella noctes exper-
tum me esse, ut cùm in trajciendo Sarama fluuio
scapham præstolarer, dum ad citeriorem ripam
accederet, pedibus penè obrigescerem. Nam in
Lusitania quidem, regione alioquin æstuosissima,
perfrigidas esse noctes æstiuas nil mirum; cùm id
ab Fauonio longissimo tractu ab Oceano afflante
euenire possit: quanquam, nisi pari forte sit Gal-
laciæ, Aquitaniæ, & Mauritanæ maritima pars
eidem mari obiacens, existimare possumus aliun-
de hoc euenire; nimirum ex vaporibus ab ipsa
met terra noctu surgentibus, quæ alioquin aquas
in summo habere fertur; adeò ut fontium scatebræ
ibi tepidiusculæ sint: quapropter haustam ex ijs
aquam noctu refrigerant, ut fiat potui iucundior.
luuat hanc coniecturam natura soli illius valde are-
nosa, ideoque permeabilis; potissimum Transa-
ganæ regionis, quæ propterea sterilior est. Po-
stremò illud in disceptationem adduci posset (nam
de hoc quoque affirmare nihil ausim) de frequen-
tia cryptarum, cauernarumque quæ circa Ro-
mam sunt (eademque ratio est veterum parietina-
rum, quamuis pleræque hodie defecerint) in qui-
bus aer inclusus faciliè corrumpi posse videtur, ac
proximum

proximum porrò inficere. Credidisse hoc videtur grauis in primis, ac nobilis scriptor Otho Episcopus Frisingensis Friderici primi patruus, & Cisterciensis monachus, qui ubi de aduentu Imperatoris ad Urbem tradit, inter alia hæc scribit. *Iam tempus imminebat, quo Canis ad morbidum pedem Orionis micans exurgere deberet. Et vicinis stagnis, cauernosisque, ac ruinosis circa Urbem locis, tristibus erumpentibus, & exhalantibus nebulis totus vicinus crassatur aer ad hauriendum mortalibus lethifer, ac pestilens. Urgebatur hoc incommodo in Urbe cuius, hoc tempore ad montana consuetus fugere: in castris miles tanta desuetus aeris intemperie &c.* Ex quibus cognosci potest Othonem existimasse partim ob propinquas paludes, partim ob cauernas, veterumque ædificiorum squalentes, ac semidirutas cameras, quibus aer conclusus putrescit, insalubrem eum fieri. Verùm hoc loco notandum est, Cauernas propriè esse cauitates terræ non admodum profundas, latasque; Cryptas verò profundiores specus, vt Arenarias, de quibus supra diximus. Et quidem superuacuum meo iudicio sit, huiusmodi cauernas à cryptis, quibus adde si lubet Antra, ac Speluncas, distinguere: cum eadem ferè aeris qualitas sub terram conclusi hic, aut illic esse videatur. Alia tamen ratio esse potest parietinarum supra terram extantium; in quibus qui intercipitur aer, faciliori negotio fortasse corrumpitur. Sanè qui huiusmodi arenarias cryptas non semel introgressi sunt, differtè testantur nulla in eis foeda animantia, non halitus

Otho Frisingensis perniciiales eas esse censes.

Quid differat Cauernæ à Cryptis.

Cir cryptarū aer existimandus sit minus putridus, ac pestilens.

*Idē valde
temperatus
cognoscitur.*

halitus grauiores , aut aquarum colluuiem , aut quippiam tetrius , atque insuetius occurrere ; sed omnia fermē sicca , & pura , & (quod mirum maximē videri debeat , cū in modicis his vinarijs cryptis contra sit) nec æstiuo tempore aerem perfrigidum , nec hyberno nimium calidum deprehendi . Cuius rei causam non deerunt fortasse , qui ex Physicis principijs inquirant ; mihi enim sufficit , vt rem à fide dignis accepi , simpliciter attulisse . His igitur ita se habentibus non vsque adeo pestiferum esse crediderim aerem in cauenosis huiusmodi locis interclusum : præsertim cū

*Christiani
veteres
persecutio-
num tem-
pore satis
tutò ibi de-
gebant .
Sed inter-
diu ferē ,
non noctu .*

Christiani veteres , sæuiantibus τῶν εἰδωλολατρῶν persecutionibus , diutissimē hic degere consueuerint . Etsi tamen , vt verum fatear , interdiu tantū his latebris eos vsos puto ; cū propter immensam Urbis magnitudinem , ac frequentiam noctu apud familiares suos in suburbanis , immò vrbis etiam domibus tutò latitare potuerint . Verumtamen , vtut sit , harum parietinarum , cryptarumque eam esse vim , ac malignitatem , vt notabiliter aeri officiant in tanta regionis latitudine , haud facilē mihi persuadeo . Sequuntur eæ rationes , quæ non tam regionem pestilentem , atque inhabitabilem reddunt , quàm id efficiunt , vt eius cultores durare ibi planē non possint . Mitto desertionem ipsam agrorum , ac vastitudinem vnā ex potissimis causis esse , cur hæc ipsa regio deterior fiat : etsi id quoque ab hisce causis maximē efficitur ; hoc enim ad vltimam huius sermonis partem propriē

*Aliæ cau-
sæ extra
ordinem ,
quæ cultoribus
agri
Romani
obsunt .*

priè pertinet , in qua de remedijs agemus . Aio igitur , non tantùm quia huius agri constitutio partim natura , partim euentis insalubrior est , lethali-
 bus , ac difficillimis morbis eius incolas implicari ; sed alijs etiam de causis aliunde petitis . Primùm enim homines , qui has terras colunt , omnes ad vnum sunt aduenæ , atque ex longinquis locis , ijsque saluberrimis , maximaque ex parte montanis ; quæ longissimo interuallo , multisque differentijs ab hoc tractu distant : scilicet frigoris , & caloris ; situs montani , & campestris ; & consequenter aeris tenuis , ac crassus ; soli sicci , atque humentis ; ac demùm positionis mundi , illic quidem propiùs ad Septentrionem , hic remotiùs : quapropter vix vnquam huic regioni assuescunt : ab insuetis verò plus noxæ fieri peruulgatum est . Deinde miseris hisce agricolis omnia penè sunt aduersa : nam cum in agris opus faciunt , sine requie vlla laborant , ac totos dies in sole consistunt ; rarò occurrentibus tectis , aut antris , ac rarissimè arboribus , sub quibus meridianos æstus vel paululum deui-
 tent . Iam verò casæ illæ agrestes maxima ex parte malè materiatae , nec optimis locis positæ exiguum præstant aduersus cœli iniurias prælidium : tùm verò nullis cameris intus suspensæ , & rarò hypogæis excauatæ , æstiuos ardores , qui vehemētissimi hic sunt , vix leuiter arcent ; atque humi plerunque cubantibus haud sanè tutum noctu cubile præbent . Quid verò de ijs dicam , qui sub dio nocturnam quietem capiunt ? quæ cum parum
 tuta

*Cultores
huius agri
omnes ad-
uene & sa-
luberrimis
locis adue-
ti.*

*Alia ad-
uersitates
horum ho-
minum.*

*Casæ agre-
stes malè
materiatae.*

*Æstiuica-
lores in
hoc agro
vehemen-
tissimi.*

Subdialis *tuta* ubique sit, tùm multò infestior humilibus,
et latio quā *atque* humentibus locis, ac præsertim
perniciosa;

maximè
his locis, &
cùm Luna
luet.

Cum suos ignes cocunte cornu

Iunxit, & curru properante pernox

Exserit vultus rubicunda Phæbe.

Ex supra-
dictis in-
fertur agri
Romanum
nec omni-
no insalu-
brem esse,
nec valde
salubrem;
talem ta-
men, et di-
ligentia ad-
hibita utò
coli, habi-
tarique
possit.

In prepara-
tionibus o-
pus esse nec
immensis,
nec nimium
sumptuosis.

Gradus
quidam bo-
nitatis ae-
ris.

Ex dictis igitur satis constare arbitror, ea quæ circumfusam Romæ regionem morbosam, insalubremque reddunt, partim congenita, atque à natura insita illi esse; ut tolli non possint; partim adventitia, ac separabilia. Quæ cum ita se habeant, exploratumque sit antiquis temporibus nullum penè terrarum angulum tam benè ædificatum, ac frequenter habitatum fuisse ut regionem hanc nostram; illud necessariò sequi videtur, eam non esse usqueadeò morbosam, ac pestilentem, ut prorsus sit inhabitabilis existimanda; nec rursus adeò salubrem, ut cum Italiæ plerisque conferenda sit: tutam tamen, & quovis tempore, & cuiusvis sexus, ætatis, & conditionis hominibus accommodatam, si diligentia accedat, eaque fiant quæ pristinum statum, ac formam, ex parte saltem, ei reddere possint. Quibus perficiendis nec intolerabilem laborem, nec infinitos sumptus, nec immensam operarum multitudinem, nec longissimum tempus requiri, satis etiam, opinor, ex infra dicendis manifestum erit. Sed priùs constituendi videntur quidam gradus bonitatis aeris, ac locorum; quò res comparatione, & exemplis illustrior fiat; ut quoto reponenda sit hæc regio faciliùs æstimare possimus. Primus est saluberrimi, ac tempe-

temperatissimi, atque omni prorsus vitio carentis; in quo homines & diutissimè viuere, & vitalia munera iucundè, atque *εὐμαρῶς* explere possunt: in quo Fesulas, exempli causa, apud Tuscos ponimus; Pausilypum, & Stabias apud Campanos. Secundus est in quo nulla notabilis grauitas, aut qualitas bonæ valetudini officiens deprehenditur, vitæque cursus ordinarius est; vt Bononiæ. Tertius vbi cœlum iam est vel iusto humidius, aut calidius, aut frigidius, aut alia eiusmodi qualitate supra modum afficitur, vt aliquantum humanæ vitæ incommodet; quemadmodum inter Bononiam, ac Ferrariam; vt in Alpium vallibus; vt in Apuliæ Dauniæ campis. Quartus vbi præ nimio alicuius qualitatis excessu morbi periculosi, ac difficiles existunt, ex quibus nonnulli pereunt, compluresque habitu fiunt morbofo, & languido; vt Ferrariæ, proximisque locis inter Padi ostia. Quintus vbi iam insignis est cœli grauitas, ac lues, quæ plerosque malignis febribus perimit, aut morbis insanabilibus implicat; licèt cum aliqua cura nonnulli tutò ibi degere possint; vt circa viam Appiam, & Ostiam. Huic classi adscriberem insulam quandam Australem Gulielmi Schutteni nauigationibus paucis abhinc annis detectam; ad quam cùm Bataui appulissent, omnes incolas peculiari aliquo morbo, aut vitio affectos deprehenderunt; vt nihil deformius, aut monstrosius fingi potuerit: hunc enim gibbum, hunc ventriosum, hunc varicosum, hunc distortis oculis, hunc gutturosum, hunc tu-

R

mentibus

Insula Australis, cuius omnes incole morbofi, ac deformes.

mentibus buccis visos fuisse ; & cætera ad hunc modum . Sextus , & ultimus ubi iam locus est pestilens , ac planè exitiabilis , atque omnes ferè breui intereunt ; vt circa Aquileiam , & apud

Quotogradu olī fuerit ager Romanus.

Montem Altum in Tuscis . Ex his facilè tertium gradum antiquis temporibus obtinere potuisse agrum Romanum existimo : & nunc etiam non

Falsò quidā credunt naturā humanā prorsus senio effœtam esse.

Citra aliquot sæcula homines imbecilliores, ac breuioris vitæ sunt.

immensis molitionibus ad eundem statum paulatim posse reduci . Nec enim credendum est naturam ipsam humanam eousque senio effœtam , ac fatigatam esse , vt minimè sub eo cœlo durare possimus , vbi veteres sine periculo , noxaque degebant . Vt enim concedam aliquot abhinc sæculis breuiori spatio humanæ vitæ curriculum definiri cœpisse ; hominesque partim imbecilliores , partim breuioris staturæ iam nasci (quod minimè ambigendum videtur) ex multis tamen indicijs deprehendere licet , præsertim ex ossium mensura in antiquis sarcophagis repertorum , & eorum compluribus Inscriptionibus (in quibus quantum quisque vixerit , more tunc passim recepto , adnotatum videmus) nihil , vel perparum ab Augusti

ACHRISTIDOMINI temporibus humanæ vitæ cursus, & mensuræ corporum vix diminuta. Ratio desumpta ab indiciis.

Imperio, quo CHRISTVS DOMINVS natus est , ad hanc vsque ætatem diminuta corporum amplitudo , aut humanæ vitæ cursus contractus cognoscitur . Quod ita esse , etiamsi omnia quodammodo in peius ruere , ac retrò sublapsa referri exploratum sit , minùs mirum videri debet . Etenim sicut homines videmus , cùm à virili , ac florida ætate in senium declinant , siue canescentibus capillis , siue

siue cute in rugas sublidente, paruo tempore magnam subire mutationem: postquam verò iam senilem habitum, & κατάσασιν ceperint, aliquot annorum interstitio eundem aspectum, atque ætatis tenorem propemodum præferre; ipsis viribus vix, aut parum decrefcentibus, tametsi sensim immutentur: ita planè magno huic mundo, totique hominum generi euenire credendum est; cumque iam ad senectutem suam peruenerit, latenter, atque ἀκαταλήπτως immutari. Quocirca stultè faciunt qui verentur nec ad excolendum hunc agrum, quem ipsi prorsus damnabilem, ac pestilentem sibi fingunt, ullos iam homines idoneos repertum iri. Nec item audiendi sunt, qui nihil nisi de visu, ac mensura animi sui æstimantes, de antiquitate perperam iudicant; nec faciliè admittunt quæ de magnis veterum operibus prædicantur: nec qui versa vice de nostris temporibus tam angustè sentiunt, vt si quod opus magnificum ab antiquis ædificatum proponitur, continuò exclament nec omnium hodie Principum vires ad simile faciendum suffecturas; perinde ac si huiusmodi opera à Gigantibus essent ædificata, aut à laruis, ac dæmonibus (vt ignarum vulgus non in Italia tantùm, sed alibi etiam ridiculè putat) ac nos è genere Pygmaeorum essemus. Apage huiusmodi nugas, ac peruersa iudicia. Faceffant procul etiam qui omnia metuant: omnia desperant: omnia noua, aut ἐκ τῆ παλαιοῦ repetita, fictitia, ac chimærica appellant: qui nihil fieri posse putant, nisi quod quotidie fieri vident.

Atque ad senectutem peruenit.

Atque audiendi qui desperant, et illas tam repertum iri idoneos, his agris frequentatis.

Nec qui antiquitatis parum fauent, aut rursus nimium tribuunt.

Nec qui omnia metuant.

*Proponun-
tur difficul-
tates in re
nostra oc-
currentes.*

vident. Quos ut refellamus, videamus quænam potissimum difficultates in re nostra sese obijciant; & an vlla ratione tandem expugnari queant.

*Quod pri-
mi qui hæc
loca ingre-
diuntur ma-
lignitati
aeris resi-
stere ne-
quibunt.*

*Quod non
reperientur
qui velint
tâto peri-
culo se ex-
ponere.*

*Quod ar-
dum sit tã-
tam multi-
tudinem,
qua frequen-
tandis his
agris suffi-
ciat, repe-
rire.*

*Primum ex-
ponendum
quo ordine
preparatio-
nes locorũ
faciende
sint; tũ ad
difficultates
propositas
respondẽdũ.*

Principiò cum indubitatum sit nullum esse præstantius remedium huic regioni sanandæ, quàm testorum ædificationem, & deductionem colonorum (quorum vel sola frequentia, atque ignes domestici aerem purgare possunt, ac meliorem efficere)

primi inquit, qui hæc loca ingredientur, miserabiliter occumbent, nec malignitatem aeris euincere poterunt; atque idem fiet de secundis, de tertijs, alijsque: quare hæc difficultas erit inexplecibilis. Secundò vndenam homines euocabuntur vel adeò sui negligentes, vel confidentes, ut

tanto cum periculo hæc resqua, ac deserta velint excolere? Aliorum scilicet exemplo docti cauebunt, si sapient, ne Caniculæ sydyus eos hic op-

primat. Tertiò quibusnam ex locis tantam multitudinem cogemus, quæ tot incultis, ac squalentibus locis sufficiat? nam si particulatim vacua hæc loca complere velimus, non poterit à paucis regio probè purgari: non exicari paludes: non syluæ collucari: non ea denique fieri, quæ miti-

gare aerem possunt. Hæ sunt igitur difficultates, hi scopuli, quos ineuitabiles quidam sibi persuadent: quibus ut respondeam, exponam primum qua ratione administranda mihi videatur harum regionum προπαρασκευῆ, quoue ordine in his operibus procedendum sit: tũ si quæ manebit difficultas, pro ingenij mei captu ei satisfaciam. Ac

primum

primùm eo posito, quod ambigendum non est, naturam locorum, ac situm nulla humana vi mutari posse; nec effici, exempli gratia, ut cœlum hoc Romanum sit constantius, ac magis æquabile; nihilo minus affirmo hominum manibus, atque industria, & sumptibus non immodicis ad pristinum statum reduci posse; fierique hanc regionem prorsus habitabilem, ac tutam. Primùm ergo paludes, ac stagna ductis in mare fossis quàm diligentissimè siccabuntur, ut nihil pigræ, ac marcentis aquæ, si fieri possit, intus remaneat: complanatis etiam depressioribus locis, aggestaque terra ubi opus erit. Non nimium magna id molitione fiet, præterquam circa Pontinas paludes: reliquæ enim nec sanè prægrandes sunt; aut à mari, ac fluuijs sic remotæ, ut non facilè deriuari possint. Maius sine dubio negotium erit in Pontinis; de quibus satis causæ esse videtur ut fusiùs agamus, earumque situm describamus, quantum ex eorum qui viderunt relatu, & Chorographicis chartis colligere potuimus. Pontina igitur palus (siue Pomtina, nam à Pometia celebri olim Volscorum vrbe dictam nonnulli putant) planitiem satis magnam occupat veteris, ac noui Latij, quod magna ex parte Volscorum fuit: in longum enim triginta circiter miliaribus extenditur à Tribus Tabernis (quas ferè ubi nunc Cisterna est Cluuerius fuisse docet) ad Tarracinam vsque; in latum verò à mari introrsus, ubi latissima est, octo passuum millia propemodum patet. Eius pars quæ in mare longiùs procurrat, subiecta est Circeo monti satis edito, qui

*Naturalis
locorū con-
stitutio mu-
tari nō po-
test.*

*Primū opus
preparato-
rium Palu-
dum desic-
catio.*

*Nō magno
labore id
prestatitur
præterquā
in Pontino.*

*Accuratio
descriptio
Pontinarū
paludum.*

*Longitudo
XXX.
miliarium.*

*Latitudo
V^{III}.*

*Circeius
mons insu-
la fuit Tro-
ianis tem-
poribus.*

qui peninsulam facit: quæ quidem Troianis tem-
poribus insula fuisse perhibetur, vt ex Homero
collegere multi, atque in his Varro apud Seruium.
Locus, vt olim à Circe nobilitatus (quam in
eius vertice Regiam habuisse in fabulis habetur)

*Multiplicē
herbarum
copiā edu-
cat ad rem
medicam,
cunductū.
Nomina
præcipuorū
fluminum
Iōtinas pa-
des lun-
fluentium.
Qualis olī-
varum pa-
ludum sta-
tus.*

sic hodie multiplici herbarum genere, quæ in va-
rios rei medicæ vsus à rhizotomis conquiruntur,
famam obtinet. Influunt in hanc paludem, eam-
que efficiunt Nymphæus fluuius, nunc *Ninfa*, qui
potius riuus dicendus esset: vterius Amasenus su-
pra Priuernum incipiens: mox Vfsus, hodie etiam
Ausente dictus: alijque riui, ac minores fluuij.

Huius tractus antiquissimis quidem temporibus in-
firmam tantum, ac proximam Circeijs partem aquis
contectam fuisse, atque ijs profundis, verisimile
est; cætera sicca, aut stagnantibus aquis immu-
nia: alioqui non video quomodo ea, quæ à Pli-
nio ex Mutiano afferuntur de viginti tribus vrbi-
bus, quæ olim hic erant, congruere possint cum
Homeri testimonio, qui Circeios mari circumda-
tos prodidit. Vtunque se res habeat, posteriori
etate exaggeratis limo eorum fluuiorum ostijs, eo-
que restagnantibus aquis palus excreuisse, ac di-
latari cœpisse videtur. Scimus hanc sæpius fuisse

*Sæpius à
multis de-
siccata, sed
nō penitus.*

exiccata tam ad lucrandos agros, qui demersi
nulli vñi sunt, quàm ad noxium aerem, qui vt
supra diximus, inde ab Austris Romam infertur,
propulsandum. Cæterum à nemine in totum id
præstitum videtur; nec fortasse natura loci id pa-
titur. Antiquissima huius rei memoria extat ab

Anno

Anno V. C. DXCI. quo, ut ex Liuij Epitome constat, Pontinæ paludes à Cornelio Cethego Cos. cui ea prouincia euenerat, siccatae, agerque ex ijs factus. Iulius Cæsar dehinc, quo nemo magnificorum operum studiosior fuit, easdem vel siccare molitus est, ut Plutarchus in eius vita prodidit; vel certè destinauit, ut Suetonius cap. XLIV. scribit. Aggressus postea id felicius est Augustus Cæsar, qui magnam earum partem deficasse videtur: quò pertinent versus Horatij.

A Cornelio Cethego Cos.

Iulius Cæsar idē efficere vel incipit, vel destinauit.

Augustus Cæsar eas deficauit.

*Debemur morti nos, nostraque, siue receptus
Terra Neptunus, classeis Aquilonibus arcet,
Regis opus: sterilisue diu palus, aptaque remis
Vicinas urbeis alit, & graue sentit aratrum:
Seu cursum mutauit iniquum frugibus amnis.*

Ad quem locum vetus Interpres hæc habet.
Diuus Augustus duas res diuinas fecit, ut Pontinam paludem exsiccaret, & ad mare meatum habere cogeret, ut postea arari posset: deinde portum Lucrinum munuit. Post Augustum an alij Romani Principes idem opus præstiterint incertum; quando nihil de hoc produnt Autores: nisi quòd Traianum per eas viam strauisse Dio Cassius refert. Τα ἔλη, inquit, τὰ Ποντῖνα ὁδοποιήσει λίθῳ καὶ τὰς ὁδὸς παροικοδομήσας καὶ γέφυρας μεγαλοπρεπείας ἐξιστοήσει. hoc est, per Pontinas paludes viam saxo strauit, extruxitque iuxta adificia: pontesque magnificentissimè fecit. Posteriori ætate Theodoricus Gothorum Rex excelsi animi Princeps, & veterum æmulator, obliuio tempore iniuria fossis, & fluminum faucibus

Traianus per Pontinas paludes viam strauit.

Theodoricus Gothorum Rex easdem siccauit.

bus aggestione terræ obstructis, suggerente Decio quodam; viro Patricio, denuò hoc opus refecit; ut constat ex Cassiodoro lib. II. epist. XXXII. & XXXIII. quod confirmat etiam vetus Inscriptio Tarracinæ reperta, quamvis magna ex parte vetustate oblitterata, quam non abs re duxi huc inferere.

DN. GLORIOSISS. ADQ. IN
CLVTVS. REX. THEODORICVS. VICT
AC. TRIF. SEMPER. AVG. BONO. REIP.
NATVS. CVSTOS. LIBERTATIS. ET
PROPAGATOR. ROMANI. NOMINIS
DOMITOR. GENTIVM.

DECENNOVII. VIAE. APPIAE. ID. EST. A. TRIP.
VSQ. TERRACENĀ. ITER. ET. LOCA. QVAE
CONFLVENTIBVS. AB. VTRAQ. PARTE. PALVDVM
PER. OMNES. RETRETRO. PRINCIPVM. INVNDAVERANT
VSVI. PVBLICO. ET. SECVRITATE. VIANIVM
ADMIRANDA. PROPITIO. DEO. FELICITATE
RESTITVIT. OPERI. INVNCTO. NAVITER. INSVDANTE
ADQ. CLEMENTISSIMI. PRINCIPIS. FELICITER
DESERVIENTE. PRAECONIIS. EX. PROSAPIA. DECIO
RVM. CAEC. MAV. BASILIO. DECIO. V. C. ET. INL.
EXPF. VRB. EXPPO. EXCONS. ORD. PAT. QVI. AD
PERPETVANDAM. TANTI. DOMINI. GLORIAM. PER
PLVRIMOS. QVI. ANTE. NON. ERANT. ALBEOS . . .
. DEDVCTA. IN. MA
RE. AQVA. IGNOTAE. ATAVIS. ET. NIMIS. ANTIQVAE
REDDI

REDDI

Porro Decennouium inferiori saeculo fluuium ipsum Vsentem incolae appellarunt (vt ex Procopio Gothicorum libro primo docet Cluuerius) quod vndeuginti milliarium spatium supra Tarra- cinam conficiat. Post Gothorum tempora ad no- stram vsque memoriam, an aliquis praeter Sixtum V. aggressus hanc molitionem fuerit, dicere pla- ne non possum; quando librorum penuria valde laboramus: nec alioquin otium nobis superfuit eos, vnde haec haurire possemus, studiosius conquiren- di, euoluendique. Verum inter alia egregia ope- ra Nicolaum V. id aggressum fuisse ab EMINEN- TISSIMO DOMINO FRANCISCO CARDINA- LI BARBERINO accepi; cuius inter tot ardua negotia, quae assidue illum sollicitum habent, non postrema cura, est recondita etiam, ac paucis no- ta, nedum obuia, ac protrita solerter rimari; at- que omnifaria eruditione capacissimum rerum omnium pectus instruere. Denique patrum nostro- rum aetate Sixtus V. Pont. Max. Princeps animi magnitudine nulli secundus, & ipse pariter huius paludis exiccandae prouinciam suscepit, & aliqua ex parte perfecit. Verum, vt quod dicebam ma- gis eluceat, nunquam penitus has paludes fuisse de- siccatas; notandum est multos veterum scriptorum

*Quod sit
Decennouium
in hac In-
scriptione.*

*Nicolaus
V. proavo-
rum nostrorum
aetate Pon-
tinas palu-
des siccare
aggressus
est.
FRAN-
CISCI
CARDI-
NALIS
BARBE-
RINI eru-
ditio.
Sixtus V.
postremo i-
dem opus
aliqua ex
parte per-
fecit.*

S

carum

Ex eo esse
datur nun-
quam has
paludes de-
fuisse, quod
plurimi
scriptores
earum me-
minerint.

Strabo ad
eum de-
scribit in
Pontinas
paludes.

Horatius
fossa nau-
gabilis Pon-
tino memi-
nit.

Appia via
in Pontino
nō amplius
frequentia-
tur.

An palu-
des Ponti-
na penitus
exiccanda
sint.

earum meminisse: ut Vergilius, qui Saturæ palu-
dem nominat (ut rectè Cluuerius affirmat) lib.
VII. Quà Saturæ iacet atra palus &c. Iuuenalis Sat.
III. Lucanus lib. III. Martialis lib. X. epigr. LXXIV.
Vibius Sequester, Plinius, Seruius, alijque. Opti-
mè verò, ut solet, eius situm, ac positionem de-
scribit Strabo his verbis. Πλησίον δὲ τῆς Ταρρακίνης βα-
δίζοντι ἐπὶ τῆς Ρώμης παραβέβληται τῇ ὁδῷ Ἀππία διώρυξ ἐπὶ
πολλὰς τόπας πληρεμένη τοῖς ἐλαίοις τε καὶ ποταμίους ὕδασι. πλεί-
ται δὲ μάλιστα νύκτωρ ὥς ἐμβάντας ἐφ' ἑσπέρας ἐκβαίνων πρῶτας
καὶ βαδίζον τὸ λοιπὸν τῇ ὁδῷ τῇ Ἀππίᾳ. ἀλλὰ καὶ μεθ' ἡμέραν
ρύμωκεται δι' ἡμιόνων. hoc est. Propè Tarracinam, quā
Romam itur, adiacet oblonga fossa palustribus; ac flu-
vialibus aquis plena, per quam noctu potissimum nauiga-
tur, ut qui sub vesperam conscendunt, manè egredian-
tur, & reliquum terrestri itinere per Appiam conficiant;
ceterum interdiu etiam ducentibus mulis remulco nauigatur.
Meminit huius fossæ Horatius Sat. V. lib. I.
qua festiuè iter suum à Roma Brundisium descri-
bit: ex quo intelligitur à Foro Appij ad Lucum Fe-
roniæ XV. passuum millibus protensam fuisse.
Hodie verò corruptis vetustate itineribus, atque
Appiæ viæ tramite multis in locis derelicto, non
amplius per paludes transitur; sed altiori itinere
per montes à Cisterna Sulmonem Caietanorum
Ducum oppidum, atque inde aliquot mansionibus
in viam Appiam propè Tarracinam reditur.
Num igitur, inquiet aliquis, Pontinas paludes,
quibus exiccandis antiquorum potentia non suffe-
cit, multò nunc minoribus opibus iam erunt de-
siccandæ,

siccandæ, vt Latio, atque Vrbi æstiuo tempore consultum sit? Respondeo etiam si scriptores minimè tradant qua fini exiccata olim fuerint ab Augusto Cæsare primùm, deinde à Theodorico Rege Pontinæ paludes; attamen verisimile esse eatenus stagnantes in ijs aquas egestas fuisse, quâ longiùs à fluminibus dissitæ, vix, aut nunquam ab ijs refrigerabantur: sed potiùs hæc, atque illac, quâ concaua, depressaque loca occurrerent, seorsim putrescebant: nec necesse fuisse, aut hodie esse omnes eas aquas quæ stagnum efficiunt emitti, & corriuari; sed eas tantùm, quæ vel occultis venis scaturientes exitum non reperiunt, vel imbris coaceruantur, vel certè quas fluuij excrecentes longiùs ab alueis suis humilibus in locis deponunt: quæ postea fluuijs ipsis subsidentibus, ob altius solum intermedium, in cœnosis lacunis putrescunt; aut cum grauibus, ac *πολεμαῖς ἀναθυμιάσει* æstate exarescunt. Quantum verò ex tabula quadam Chorographica huius regionis apud humanissimum, cordatumque virum Petrum Benesium colligere licet, flumina quæ olim in stagna litori adposita (quæ quatuor præcipua comparent in longum porrecta, atque inter se faucibus quibusdã peruia) è montibus fluebant, lucrandorum agrorum causa, commutato cursu per nouos alucos in mare feruntur inter Circeios, ac Tarracinam. Verùm ne quis existimet ijs operibus, quæ Sixto V. Pont. Max. administrata sunt, quidquam ad Latini cœli bonitatem effectum esse; sciat à priuatis redemptoribus (per

*Quatenus
desiccandæ
videantur.*

*Tabula
Chorographica
Petri
Benesi.*

Opera Sixti V. temporibus in Pontino effecti ad salubritatem aeris nihil profecerunt.

S 2

quos,

quos, non per publicos mancipēs res gesta est) *Obfrandes, ac sordes redemptorum.* dum suum quisque compendium sequitur; nec tantum agros lucrari studet, sed ex piscatu quoque

loculos implere, coercitis passim cataractarum, quarundam obice fluminum alueis, magnam terrarum portionem, quæ desiccanda erat, aquis adobruisse: ac fortasse vice versa ritos, canalesque ab ijs locis auertisse, quæ cū æstate non penitus siccescant, præstabat potius inductis perennibus

aquis cooperiri. Quare priuatus quorundam quaestus *Priuatorū quaestus sepe publicè nocet.* communi utilitati, ut euenire solet, non leuiter incommodauit. Quod ut à peritis, ac fide dignis accepi, eò retuli, ut quantum huic generi hominum partim indocto, partim auidiori, certè de gloria, ac publica utilitate minùs sollicito in

huiusmodi molitionibus adhibendum sit fidei, Principes hoc documento intelligant; atque ut magis elucescat magnis hisce operibus nullum esse maius obstaculum, quàm auaritiam, ac sordes. Sed hæc exactiorem quandam *τοῦτοδεσία*, inmodò diligentem ipsorum locorum inspectionem desiderant; si quis rectum proferre iudicium velit de harum paludum natura, situque, atque operibus, quæ ibi fieri possent. Veruntamen in vniuersum statuendum videtur, ut quæcunque paludum partes à fluentibus aquis seiunctæ refringerari, ac subinde renouari nequeunt, omnino si fieri possit desiccantur; conuectaque terra compleantur, ne rursus lacunas efficiant. Stagna verò profundiora, amplioraque, quæ siccare penitus nequibunt, quantum plurimum

fieri

fieri poterit, contrahantur; & quacunque copia erit, perennes à fluminibus, ac riuis aquæ inducantur. Circa Urbem verò tantò diligentius id fiat, quantò propinqua, quàm longinqua pestis perniciosior. Iam verò cùm salinarum propinquitās vsque eò pernicialis sit, vt supra ostensum; optimum quidem foret in tota hac Romanensi regione nullas esse: quod si carere ijs non possumus, nec tam certum lucrum agri sanandi gratia despiciendum ducimus; proximum est, vt quàm longissimè, si fieri possit, Ostienses hasce transferamus: puta circa Tarracinam, aut Circeios in Pontino litore; vbi fortasse opportuni situs copia non deerit. Quoniam verò ab vsque eo tractu flantibus Euronotis pestilentes halitus Romam peruenire possunt, haud futili remedio, ni fallor, huic malo occurremus, si iuxta easdem salinas Urbem versus procerarum arborum sylvam, maximè pinorum, obseremus: exaggerata etiam, si opus fuerit, quàm altissimè terra ad eam latitudinem, quæ aliquot arborum ordinibus sufficiat; vt multò efficacius ab exitialium ventorum flatibus illinc surgentibus non Latinus ager tantum, sed Roma quoque ipsa protegatur. Atque hanc quidem pineti consitionem secundum citeriorem paludum Pontinarum limitem, tametsi nullæ ibi salinae extruerentur (modò tamen reliqua opera non omittantur) vtique faciendam existimarem: eaque ratione omnem ferè illarum noxam cessaturam: præsertim cùm eiusmodi materia ad tot, tamque multiplices

vsus

vsus expetatur . Sequitur opus huic contrarium ;
 sed non minimæ profectò vtilitatis, ideoque omni
 ratione perficiendum : sylvarum nimirum exci-
 sio , quæ maximam partem horum litorum occu-
 pant ; nec exiguo sanè aeris detrimento : quippe
 non tantum ventorum liberum perflatum impe-
 diunt , sed solis radios magnoperè præpediunt :
 unde frequentes lamæ, lacunæque cœnosæ depres-
 sis, condensisque locis existunt, quæ non minimam
 partem cœli huius grauitatis ferunt : vt appositè
 omninò Albertus affirmauerit inter magnas syluas
 aerem spissum , ac suffocatum reperiri : ideoque
 interiectas ijs terras parum commodas esse , quas
 ideò succisione sylvarum ab antiquis purgari con-
 sueuisse . Nec ideò tamen necesse erit omnes
 omnino syluas radicitus extirpare ; sed hic , atque
 illic sparsim : ac ferè vbicunque cœnosa loca sese
 obijciunt . Interim vt in Vrbis vsum ligna suffi-
 ciant , seruari hic modus poterit ; vt emundato
 priùs à dumis , ac virgultis solo , arbores dumta-
 xat interlucentur, hoc est vbi densiores sunt, suc-
 cidantur ; nonnullæ solo tenus , reliquæ ad homi-
 nis altitudinem cædantur, ex ijsque fiant syluæ cæ-
 duæ capitatae , sicut apud nos in Etruria ; vbi so-
 lent quercus eo modo amputatas relinquere , vt
 iuxta incisionem cum pullulauerint , validissimos
 in gyrum furculos , cæteris defractis , crescere si-
 nant : ij mox septenum, vel octonum annorum spa-
 tio cum adoleuerint, ad brachij ferè crassitudinem
 eodem modo circa eum locum defecantur ; atque
 ita

*Aliud opus
 huic adne-
 ctitur Syl-
 varum exci-
 sio .*

*Quo mul-
 tisariam
 salubritati
 officiant .*

*Non tamē
 prorsus ex-
 cidendæ .*

*Arborum
 interluca-
 tio .*

ita sylua rursus emundatur. Quæ culturæ species, si in his Latij, ac Tusciæ maritimis syluis vsurpetur, non tantum ad aerem depurgandum salutariter cedit, sed etiam ad lucrum ex agro capiendum vtiliter: partim enim aruorum modus augebitur, partim maior graminis copia ad alenda pecora subnascetur: nam arbores quidem relictæ superfluo pondere leuata, ac rarefactæ celerius adulescent; vnde lignorum iactura non parum reficitur. His absolutis extruenda erunt tecta, atque habitacula nouis colonis, eaque quàm scientissimè, atque appositissimè fieri poterit. Mirum enim est quantum in huiusmodi grauioribus locis domus domui præstet: rectè, ac prudenter ædificata, temerè, ac sine iudicio extructæ. Itaque in primis opus erit acri, peritoque architecto, addo etiam erudito, quales hodie pauci reperiuntur; qui omnia exploret, omnia perscrutetur, nihil intentatum relinquat, nihil sine summa ratione, atque iudicio moliatur. Et sanè multis exemplis docemur quantum momentum afferat ad vtilem, salubremque habitationem opportuni situs electio, atque ædificij commoda, aptaque distributio. Vnico M. Varronis contentus ero, qui in lib. I. de Re rustica sub Tremellij Scrofæ persona, Ita enim, inquit, salubritas quæ ducitur è cælo ac terra non est in nostra potestate, sed in naturæ: ut tamen multum sit in nobis, quod grauiora quæ sunt, ea diligentia leuiora facere possumus. Etenim si propter terram, aut aquam, odoremue, quem aliquo loco eructat, pestilentior

Hæc cultura species salutaris simul, ac incrofa.

Tectorum edificatio.

Multum refert in his locis, qua ratione domus extruatur.

Eruditi architecti pauci hodie occurrunt.

Insigne exemplum ostendens multum conferre ad salubritatem ipsam ædificiorum positionem, ac distributionem.

est

est fundus, aut propter cæli regionem ager calidior sit, aut ventus non bonus flet: hæc vitia emendari solent domini scientia ac sumptu: quod permagni interest ubi sint posite villæ, quantæ sint, quò spectent, porticibus, ostijs, ac fenestris. An non ille Hippocrates medicus in magna pestilentia, non unum agrum, sed multa oppida, scientia seruauit? Sed quid ego illum uoco ad testimonium? Non hic Varro noster, cum Corcyra esset exercitus, ac classis, & omnes domus repletæ essent agrotis ac funeribus, immisso fenestris nouis aquilone, & obstructis pestilentibus, ianuaque permutata, ceteraque eius generis diligentia suas comites ac familiam incolumes reduxit? Quem locum ideò huc integrum inserui, ut magni Autoris testimonio manifestum sit, quantum diligentia, atque ars valeat in corrigendis etiam locis suapte natura grauibus, ac morbosis.

*Quinā si-
nus eligēdi.*

Porro quod ad situs capiendos attinet, enitendum in primis, ut celsissima quæque loca eligantur; utpote in regione humili, ac præhumida, nec nimium editis collibus assurgente. Quod si deleta olim oppida, aut quædam semideserta minuendæ impensæ gratia (quod valde rationabile est) reficere præoptarimus, quàm noua ædificare, facili negotio id consequemur: antiqui enim, qui sapientissimè optimos quosque situs in condendis oppidis eligeabant, nec huius qualitatem regionis ignorabant, editiora quæque loca adamasse videntur; ut ex oppidorum veterum Ariciæ, Lanuij, Lauinij positionibus liquet. Quamobrem si locorum optio dabitur, præferenda sine dubio primùm sunt

*Antiqui-
ditissima
quæque loca
in hoc La-
rio ad ha-
bitandum
delegerunt.*

sunt præalta, & secundum mare posita; sed ea diligenter munientur propter piratas: secundò præalta, ac remota à litore: tertio humilia, sed mari proxima. In planis verò locis, atque à mari remotis nullo pacto inædificandum videtur, nisi post longum tempus, crebris iam vndique tectis cuiuscunque modi excitatis. Præcipuè verò memoria teneamus Columellæ præceptum: is enim vbi de Villæ positione loquitur, hoc habet. *Præstat à mari longo potius intervallo, quàm breui refugisse, quia media sunt spatia grauioris halitus.* Verùm antequam peculiare quædam cautiones in his agricolarum ædificijs adhibendas trado, dispiciendum videtur, an conducibilius sit casas, villasque rusticas sparsim per agrum collocare in suis quasque fundis, prædijsque: an potius certis quibusdam locis castella extruere, in quibus agrestium vnius pagi, vel regiunculæ omnis turba versetur; singulæ tamen familiæ seorsim suos lares colant. Priori modo aliquantò minores sumptus fient: quippe mœnia, vel fossæ, aliæue huiusmodi munitiones compendissent; atque habitationis utilitas, quæ maximè à focus, atque aeris agitatione petitur, latius se communicabit. Posteriori ratione maior quidem fiet sumptus; sed cum grandi, solidoque emolumento. Primum enim rusticorum familiæ, & fructus agrorum tutiores erunt, non modò aduersus subitos grassatorum incursus; sed à manu etiam militari; dum mediocribus saltem operibus loca muniantur: deinde longè certiori euentu, atque

T efficacius

Quenā loca ceteris potiora sūt.

In planis, atque interioribus locis initio minime inædificandum.

A mari refugisse longius præstat, quàm breui intervallo.

Utrum conducibilis sit villas sparsi extruere, an castella, seu vicos potius. Quid prior ratio commodi habeat.

Quid posterior.

*Hac ante-
ferenda est.*

*Quo ordi-
ne proceden-
dum.*

*Oppidum
aliquod
maritimū
opportuni
sitū prae-
dicandum
videri.*

*Quanam
aedificia
struenda.
Aedes sa-
cra.
Domorum
numerus.*

Fossa.

*Et agger
ex caespiti-
bus.*

*Atque in
eo vallum.*

efficaciùs aer depurgabitur: quod enim uerò disper-
sis habitationibus vix sperandum est. Præstat igitur
minora spatia cum certiori effectus spe occu-
pare, quàm latiora cum minori fructu. Proinde
ut super tanta re iudicium meum proferam, sic fa-
ciendum existimarem. Desiccatis paludibus, syl-
uisque aut excisis, aut collucatis, nisi oppidum
aliquod maritimum, puta Antium, aut Laurentum
reparare velimus (quod pulchrius, ac gloriosius
foret) aut locum aliquem semidesertum nouis
agricolis complere, ut Ardeam, aut Sabellum;
proxima aliquot Vrbi loca, vel vnum saltem, si
quis experiundi gratia id malit, deligendum esset
optimo, ac maximè opportuno situ; præsertim vbi
probæ, ac perennis aquæ copia non desit; in ali-
quo colle edito, aut tumulo elatiori. Ibi præter
ædem sacram (cuius procuratio erit eius Sacer-
dotis, cui animarum cura incumbet) domus ædi-
ficandæ erunt quot primæ statim ἐνοικήσῃ suffecturæ
videbuntur, exempli gratia centum, vel ducentas.
Quamprimum etiam præalta Fossa locus munien-
dus erit, introrsus regeſta terra, ac firmiter exag-
gerata, opere potissimū caespitio, si solum erit
tenax: additisque vallis, aut validis stipitibus in-
summo aggeris margine confertim defixis, muni-
mentum habebimus ad multos annos durabile, &
cū ad speciem decorum, tū contra hostilem
vim satis tutum. Vallorum modum, ac speciem
quoniam ex Polybio, Lipsioque petere promptum,
ne actum agam, hic non describo: hoc tantū
addo,

addo, si valde robustos, densosque, nec vnica serie connexos defigamus, ita vt intermedia spatia luto paleis solidato stipentur, loricae muralis vsum, atque, vt opinor, aduersus mediocria tormenta satis firmæ bellè præbituros, & aduersus incendia vix penetrabilis. Figura Castelli opportunior videtur fore quadrata; cuius singulis angulis totidem Propugnacula ad hodiernum morem applicabuntur. Magnitudo erit nec nimis laxa, vt nullo tempore verisimile sit eam implendam; nec rursus adeò angusta, vt quandoque crescentibus incolis spatium desit: id quod Ligurno oppido propter opportunitatem, ac celebritatem illius portus memoria nostra accidit: quanquam non æquè id metuendum hic est; præsertim cùm quantumcunque velimus, extollere domus, ac tolerabili sumptu terreas has munitiones proferre liceat. Portas satis erit binas relinqui, è regione inuicem oppositas. Qua in re illud animaduersione dignum est, huiusmodi opera, ac munimenta ab ipsismet agricolis, ijs diebus quibus à cultura agrorum feriebuntur, fieri posse: magna vtique commoditate, ac sumptuum compendio. Magistratibus, atque iudicibus haud sanè opus erit: nisi dum oppidorum faciem castella induerint, & numero, ac splendore incolentium excreuerint. Verùm sufficiet ex prouectioribus ætate, atque experientibus vnum, vel alterum fieri Vicomagistrum, qui quandam præfecturæ speciem obtineat; eiusque opera, cùm quid erit castellanis denuntiandum, Princeps utatur.

*Quid ad
valli spe-
ciem anti-
quā addē-
dū videat-
ur.*

*Figura Ca-
stelli qua-
drata.*

*Propugna-
cula in an-
gulis.*

*Magnitu-
do Castelli.*

*Ligurni
portus, &
oppidū ni-
mis angu-
stè definitū
fuit.*

*Magna
pars harū
munitionū
ab ipsis a-
gricolis fie-
ri poterit.*

*Vicomagi-
str.*

*Forum of-
ficium.*

*Rerum mi-
litarium ma-
gistrum, ac
duces.*

*Sine ullis
præfectura
insignibus.*

*Armamē-
tarium, &
Horreum.*

*Horum cu-
stodes.*

*Satis dato
cauebunt.
Arma ma-
gis necessa-
ria quæ pa-
randa.*

*Exercita-
tio sclopi
diebus fe-
stis permit-
tenda.*

*Scorpionū
seu arcu-
ballistarū
aliquot de-
na.*

*Eorū usus
nōdū apud
Gallos exo-
lent planè.*

tur. Adhæc duo, vel tres rerum militarium non-
omnino rudes ex ijs, qui aliquot stipendia lauda-
biliter confecerint (nec deerunt, si militandi præ-
bebitur occasio) nec imperando sint prorsus in-
habiles, rebus militaribus præficientur: nullis ta-
men militiæ insignibus, vel autoramentis supra-
agrestem modum decorandi. Eorum munus erit
armorum tractationem ceteros docere, stationes
seruare, excubias agere; & reliqua ad hunc mo-
dum: ut si quando necessitas ingruat, incolæ Ca-
stellum defendere, ac fortiter repugnare per se ipsos
sciant. Quare utile erit vnicum saltem Arma-
mentarium, itemque vnicum Horreum in Castello
fieri; additis singulis custodibus, qui claves penes
se habeant, atque earum curam gerant: qui nisi
quantum opus erit in solo possederint, satisfacto
reipublicæ caueant. In Armamentario seruabun-
tur armorum aliquot paria, puta galearum, lori-
carum, hastarum, & scloporum maioris formæ:
minores quidem sclopi (caue de sclopolis manua-
rijs intelligas) rusticis vnà cum gladijs permitti po-
terunt, ut ad sui defensionem, atque in aucupio
ijs vtantur; tùm etiam ut diebus festis (quemad-
modum in Gallia solent) in fossis Castelli, aut
campo ad scopum, si volent, se exerceant. Po-
terunt etiam aliquot dena scorpionum, seu maio-
rum arcuballistarum parari, quibus utiliter muni-
tiones defensabuntur; præsertim si fortè sulphura-
tus pulvis defecerit. Et sanè huius teli species
apud bellicosam Gallorum gentem nondum planè
exoleuit;

exoleuit; quamuis in expeditionibus, ac prælijs minimè ab ijs assumatur, sed in tuendis mœnibus maximè vsum suum præstet; quemadmodum arcus, & sagittæ apud Anglos, nationem alioqui pugnacem, nec sclopi tractandi imperitam. Iam verò Horreum reponendo frumento, sali, cæterisque annonarijs copijs, quæ vel incolis publicè attribuentur, vel contra ab ijs pensitabuntur, destinari quiuis intelligit. In eodem Castello, ne quotidie rusticos ab opere auocari contingat, opifices magis necessarij, eorumque tabernæ collocabuntur; singulæ saltem in vno quoque genere opificij. Hi fermè sunt calceamentarij, vestiarij, artopolæ, lanij, mulomedici, fabri materiarij, ferrarij, cæmentarij, caupones. Ad tuendam etiam sanitatem satis erit vel vnicum esse pharmacopolam, qui rei medicæ non sit prorsus imperitus, eique facultas dabitur propter loci tenuitatem alia quædam ad victum vtilia vænum exponendi. Vnicus etiam tonsor suffecerit ad chirurgi-
vices, in leuioribus saltem curationibus, implendas. Consultum etiam fuerit ad euitanda prorutabulorum pericula, quibus de improuiso, ac nocturnis ferè impressionibus castella, oppidaque perruptis claustris à Turcis, vel grassatoribus opprimuntur, Pontes subductarios singulis Portis adnecti; nonnullaque tormenta muralia, saltem minoris formæ quæ in Propugnaculis statuuntur, incolis tradi. Verùm cum præcipua cura esse debeat, quæ ad opportunam collocationem, idoneamque dispositionem

*Quid in
Horreo re-
ponendum.*

*Opifices
magis ne-
cessarij qui-
nā in Ca-
stello sta-
tuendi.*

*Pharma-
copola rei
medicæ nō
omnino im-
peritus.*

*Tonsor pa-
riter rei-
chirurgicæ
non planè
rudis.
Prorutabu-
lū vulgo
Petardi.*

*Pōtes sub-
ductarij.
Tormenta
muralia
minoris
formæ.*

dispositionem Castelli pertinet, operæ pretium duxi (quanquam nimidò fortasse arrogans videbor ijs pertractandis, quorum minimè scientiam profiteor) tamen ut hæc *πραγματεία* absolutior sit, quidnam præterea in distributione ædificiorum obseruandum videatur, indicare. Siquidem igitur collem ceperimus modicè editum, satisque capacem; in summo ipsius vertice totum Castellum ædificabimus: sin autem apex sit angustior, collis verò ita sublimis, ut tecta alicui lateri applicata, nihilominus ab infima planitie satis extollantur; tùm Ædes sacra in summo extruetur cum adiuncta Area, eoque numero Casarum, quem locus recipiet: reliqua Castelli pars ei lateri potissimum applicabitur, quod verget in Septentrionem. Igitur in huiusmodi positionibus perpetuò ferè hæc regula seruari poterit; ut Ædis sacræ absis, seu postica pars in Meridiem, atque Austrum spectet, aut etiam versùs Euronotum, seu Ortum hybernum, pro conditione cuiusque loci; quæ inspecta peritus architectus vtram volet regionem cœli sectabitur. Sed ponamus Ædis sacræ anticam partem in Septentrionem, posticam in Meridiem constitutam esse; quæ positio sanè cæteris salubrior existimari debet. Nam de Ecclesiæ amplitudine, ornatuque qualis esse debeat, nil certi definiri potest; cùm id pro præsentibus copijs, tùm pietate, ac voluntate ædificantis æstimari oporteat. Cæterùm autor sim, ut ante frontem Ecclesiæ Pronaum, siue Porticus statuatur, quæ multiplices

*Quomodo
collis edito,
& in summo
capacitate
ædificandū.
Quid in
angustiori
colle seruā-
dum.*

*Quid ubi-
que ferè.*

*De Eccle-
siæ ampli-
tudine, &
ornatu ni-
hil certi
status po-
test.*

am
mul-
am

bre
sie
lari-
nume.



eteriū
i. Eo-
imfa-
lum.

itoria
illa
implis
fatec.


i. seu
a an-
Eccle-

uum
i. viri-
nomo-
llocā-

ulis
tots-
Chor-
idivni-
e.



- A Fossa
B Propugnaculis
C Porta Orientalis
D Porta Occidentalis
E Armamentarium
F Horreum
G Pontes subalterni
H Ecclesia
I Pronaum
K Ianae Ecclesiae, & Pronai
L Cimiterium
M Platea sive Area
N Series Domuum interior Orientalis
O Series Domuum interior Occidentalis
P Series Domuum Orientalis exterior
Q Series Domuum Occidentalis exterior
R Choris rustice Domibus interiecte
S Atrium praedictis adijunctum arcus
T Via publica
U Luens ad delicta facere retrinque latus
V Series Domuum interior Orientalis
W Series Domuum interior Occidentalis



Quomod
colle calu
in sūn
capaci in
dificandi
Quid in
angustia
colle seru
dum.

Quid in
que fere

De Ei
sic an
tudine
ornatu
hil c
statu
est.

plices vsus præstabit, si satis lata pro loci conditione fiet; cuius tectum lapideis columnis, si ratio impensæ, aut commoditas suaserit; si minùs, lateritijs parastatis suspendetur. Fenestras omnes specularibus cuiuscunque generis muniri præstabit, quàm apertas relinqui; aeris noxij vitandi causa. Cœmeterium extra Ecclesiam potiùs fieri oportet, quàm intra eam struètilia monumenta; etsi hic mos hodie vbique ferè inoleuit. Non rarò enim huiusmodi conditoria non satis diligenter operculata adeò foetentes halitus eructant; ut non sine valetudinis periculo diutiùs quis ibi consistere possit. Ante Ædem sacram, vbi ampla Area aperiri nequibit, saltem Platea pro modo lata relinquantur; recta regione secundùm Ædis longitudinem producta. Ab utroque latere Plateæ Domuum series collocabuntur; singulæ tricenarum ferè, aut quinquagenarum; quarum hæc Orientalis erit, illa Occidentalis: utrique à tergo alia series totidem Domuum adiicietur; relicto tamen inter utranque eo spatio, quod binis in ordinem Chortibus collocandis sufficiat; ita ut singulæ Domus singulas ponè se habeant, à fronte, & à lateribus macerijs, vel sœpibus inuicem diuisas. Verùm ut omnia clariùs elucescant, non ab re fuerit supradictam Castellì distributionem appposito schemate ob oculos ponere.

*Pronaum
tēplī mul-
tariarum
vtile.*

*Fenestræ
Ecclesiæ
speculari-
bus munē-
dæ.*

*Cœmeteriū
extra Ec-
clesiam fa-
ciendum.*

*Conditoria
struètilia
in templis
sæpe satiet.*

*Area, seu
Platea an-
te Eccle-
siam.*

*Domuum
series utri-
que quomo-
do collocā-
dæ.*

*Singulis
Casus tota-
dem Chor-
tes adin-
gendæ.*

Hæc

Hæc Domorum dispositio accommodatior ijs locis, ubi venti Occidentales graues non sunt.

Ianuæ Domorum, & fenestræ.

Alia dispositio Domorum ubi venti Occidentales noxiæ quæ sunt.

Chortibus rusticis multis modis utiles.


Hæc ædificiorum dispositio potissimum conueniet ijs locis, ubi tam Occidentis, quàm Orientis aspectus saluber est. Ibi enim ianuæ Domorum tam in publicum exeuntes, quàm in Chortes; itemque fenestræ utrobique spectantes partim ad Ortum, partim ad Occasum aperientur: extremæ etiam Domus, idest ab Ecclesia remotiores, à Septentrione etiam lumina, atque introitus habere poterunt. Vbi verò nec Occidentalis aspectus, ventique inde spirantes tuti sunt, maior erit adhibenda cautio, ac diuersa paulò dispositio: namque ad eosdem coeli cardines directis cum ipsius Ecclesiæ, tum vicorum limitibus, Domorum tantum parietes alio modo ordinabuntur: ita ut in utroque latere tam Orientali, quàm Occidentali vacuum spatium inter geminos Domorum ordines, videlicet interiorē, atque exteriorē relinquatur, hoc est, minimè Chortibus attribuat; sed, ut in urbanis semitis, peruium fiat. Chortes (quæ multis rusticorum vsibus necessariæ sunt) singulis Domibus alternatim interserantur; ianuæque, ac fenestræ ad Septentrionis, & Orientis regiones dumtaxat aperiantur: exempli causa, Series Domorum interior lateris Occidentalis ianuas in Plateam Castelli, seu malis Aream Templi, exeuntes habebunt: fenestras item anteriorum cubiculorum eodem respicientes: ostia Chortibus applicita Septentrionem aspicient: in postica verò parte cubicula indidem à Septentrione illuminabuntur: Porticus, quæ Chortis partem quandam tegere debent,

dehent Orientem , ac Plateam versus spectabunt .
Verùm in lateris Orientalis interiori ordine Do-
mum omnia contrario modo fient : nam ianuæ
quidem minimè in Plateam patebunt , ne Occi-
dentales ventos excipiant ; sed in postico , quà se-
mita binos ordines tectorum discriminat , aperien-
tur ; eodemque respicient fenestræ contiguorum ,
seu Orientalium conclauium , & Porticus rusticæ
in Chortibus : cubicula verò , seu conclavia Pla-
teæ continentia fenestras pariter à Septentrione
habere poterunt : & vice versa , huius lateris ex-
terior series , sicut interior Occidentalis ordina-
bitur : quemadmodum exterior Occidentalis , sicut
interior Orientalis ; vt sequens ichnographia osten-
dit .

V

Cæterum

Notandum
est in utro-
que sche-
mate Chor-
ribus rusti-
cis adun-
ctas esse
Porticus,
quibus in
hoc tantum
litera X
apponitur;
tum quod
autor de
hac Domo-
ru dispositione
agens me-
morerit, tu
maioris
perspicui-
tatis gra-
tia, quod
præter Do-
morum al-
terius late-
ris Ichmo-
graphia la-
xiori for-
ma desi-
gnatas ex-
hibeat.



Cæterum extremus limes , qui in priori *διαυπώση* *Maceria* series Chortium Austrum versus terminat ; in po-
altior , quæ
Austrum ar-
ceat , ubi
struenda.
 steriōri verò distributione vicos , siue semitas finit ,
 præcludi poterit Maceria , siue Muro altiori , qui
 Austrinos flatus quàm maximè arceat ; præsertim
 vbi Castellum non accliui , sed plano loco collo-
 cabitur . Post eam Maceriam ad Ædis sacræ vtrun-
 que latus totidem Luci statui poterunt , siue vni-
 cus , qui totam Ecclesiam excepta fronte ambiat ,
 ex proceris , ac densis arboribus , puta cupressis ,
 pinis , vlmis ; prout hanc , vel illam speciem loci
 conditio magis adamauerit : nam & eæ , quibus
Arbores
φυλλοβό-
λοι εἰσι
εὔτελες .
 folia decidunt , vtiliter assumentur ; cùm æstate po-
 tissimùm vsus suos habituræ sint . Quare non me-
 diocri loco gratia , atque ornatus conciliabitur :
 totaque Australis Castellī regio partim obiectu
 Ædis sacræ , partim Luci (qui eius altitudinem
Ædis sa-
cræ & Lu-
ci altitudo
noxios vē-
tos arcebit .
 facilè æquabit) obsepta , Austrinos flatus , quan-
 tum opus erit , excludet : idemque præstabunt al-
 tiora quædam ædificia ad vtrunque latus Ecclesiæ
 in vicorum capitibus iuxta Luci limites excitata ,
 puta hinc Horreum , illinc Armamentarium . Ca-
Idem præ-
stare pote-
rūt Horre-
um , & Ar-
mamenta-
rium .
 uendum porrò erit , ne in Australem regionem ,
 vbi Lucus est , aditus Ostiorum patefiant à Septen-
 trione in Meridiem ; sed obliqui potiùs , vt in prio-
 ri schemate : in quo non tantùm Orientalis Eccle-
 siæ , & Pronai paries singulis Ostijs perforatur ;
 sed Occidentalis etiam : in hac enim parte toti-
 dem fieri posse dictum est , vbi flatus inde spiran-
 tes non fuerint insalubres . Sed communis quædam

Cautio adhibenda in luminibus ostiorum, & fenestrarum aperiendis.

regula in ostiorum, ac fenestrarum luminibus aperiendis tradenda videtur; ut si alicubi Australium ventorum ingressus vitari non poterunt, detur opera saltem, ut exaduersum aditu patefacto ex facili effluant; ne quòquam impingentes resiliant, aut residant. Multis enim id modis nocet, ac longè perniciosius est, quàm si in transcurso tantùm pestilens aura locum aliquem inficiat. In aggeribus

In aggeribus Castellis lauri obserenda.

Castelli eleganter, atque vtiliter lauri singulae, vel binæ feri poterunt; quæ & loci gratiam, & salubritatem etiam augebunt, ac munitiorem efficient. Quod genus arborum, ut præ cæteris seligendum putem, magis etiam quàm vlnos, populosque, quæ *Antuerpiæ*, ac *Lucæ* mœnia eleganter coronant, illud maximè me mouet; quòd earum vmbra, atque halitum non minùs salutarem esse, quàm odoratum verisimile sit: quod Herodiani astipulatu confirmari potest; qui lib. I. Hist. Commodum Imperatorem ad euitandam pestilentiam Laurentum secessisse scribens, ait id à medicis ei persuasum, quòd existimarent syluas laurorum, quibus illa regio abundabat, suauitate odoris, & vmbra- rum amœnitate ad aeris propulsandam contagionem plurimùm valere. Sed præstat hic Autoris testimonium afferre. Κόμμοδος, συμβαλευσάντων αὐτὰ τινῶν ἰατρῶν, εἰς τὸν Λαύρεντον ἀνιχώρησεν. εὐψυχίστερον γὰρ τὸ χωρίον, καὶ μεγίστοις κατ'ἀσκιον δαφνηφόροις ἄλσεσιν (ἴδεν καὶ τὸ ὄνομα τῶ χωρίου) σιωτήριον εἶναι ἐδόκει, καὶ πρὸς τὸ τῷ ἀέρι φθορὰν ἀντέχεσθαι ἐλέγητο, εὐωδίᾳ τε τῇ δαφνῶν ἀποφορᾷ, καὶ τῇ δένδρεων ἡδύας σκιᾷ. idest, ut vertit Politianus. Commodus

(ita

(ita scilicet quidam medicinae periti persuaserant) Laurum secessit, quod frigidior ea regio sit, sylvisque è lauru permultis opaca, à quo etiam regioni inditum nomen. Valere enim plurimum aiebant ad aeris evitandam contagionem, cum odores laurorum, tum ipsarum amœnitatem umbrarum. Quinetiam cum quarundam arborum (quid nisi propter halitus spirantes ?) ut nucum, ac taxorum graues umbræ, noxiæque perhibeantur, contrarium illis genus salubrium solertissimam, benignamque naturam non genuisse rationi congruum non est. Quod si quis in grauioribus locis lauros, in salubrioribus vltimos, aliasue huius generis ferendas esse putauerit, non repugno. Illum etiam usum hæ arbores præstabant, ubi crassiores euaserint, præsertim ubi nec mœnia, nec loricae murales erunt; quod post eas tutius consistere poterunt explodendis scelopis milites, qui locum tuebuntur. Illud quoque monendum videtur, ut Casæ huiusmodi rusticæ, tametsi propter crassitiem parietum duplicabitur impensa, quàm altissimæ fiant; ut ad purgatorem, ac salubriorem aerem tantò propius accedant. Adnotasse præterea videor, fornicati operis, atque omnis generis camerarum usum valde frequentem apud antiquos fuisse, non modò in publicis, ac lautioribus ædificijs; sed etiam in priuatis, ac rusticanis: ut ex parietinis passim extra Urbem occurrentibus animadvertere licet. Eorum exemplo camerata in primis cubicula fieri vellem, nisi sumptus modum excedat; non tam quia per æstatem frigidio-

Quarundam
arborum
umbræ gra-
ues.

Coniectura
à contrariis
ducta.

Alius usus
harum ar-
borum.

Casæ rusti-
corum quàm
altissime
faciendæ.

Fornicium
usus quàm
olim fre-
quens.

Camerarum
in cubiculis
utilitas.

ra sunt (nec enim id agrestibus hominibus curæ esse debet) sed quoniam crassiores, firmioresque parietes ideò ædificandi erunt : qui & diutiùs durabunt, & non tam facilè rimis patebunt ; quæ humentes , ac noxios regionis flatus admittunt .

Aqua salubres omniratione cōquirenda. Aquarum verò salubrium copia dici vix potest quantum utilitatis allatura sit : ideoque ijs deligendis non minor cura adhibenda est , quàm aeris , ac

Quid faciendū ubi manantes aque non sunt.

situs . Omni igitur studio curandum , vt quàm optimæ , ac frigidissimæ (nam & id magni refert æstiuus caloribus mitigandis) ex quocunque genere haberi poterunt , conquirantur . Vbi ergo manantium aquarum copia non erit , ibi putei , si intus salubres erunt venæ ; si minùs , cisternæ ædificandæ erunt , quæ ad vsum incolarum sufficiant ; nec impensis tam necessarijs parcendum : quamquam vix vspiam , quantum ego conijcio , id necessarium erit : quotus enim locus occurreret vbi , si putealis aqua , aut fontana potui idonea deficiat , non ab aliquo fluuio , riuoque duci possit ? Nam in Latio quidem præter Tiberim , atque Anienem , & obscuriores quosdam fluuios in alterutrum defluentes , Veresis mediocris amnis (nunc teste Cluuerio *Paferano* dictus) qui paulò supra *Gallicanum* exortus , quatuor millia passuum infra Tibur Anieni miscetur , circumiectis campis fermè sufficere potest . Sub vrbe Roma Almo tenuis , sed nobilis antiqua superstitione fluuius , inter primum , & secundum lapidem in Tiberim labitur ; qui vulgò *Acqua d' Accia* dicitur : vnde similitudine nominis ,

Enumeratio fluuiorum Latij. Tiberis. Anio. Veresis fl.

Almo fl.

nis, ut existimo, inducti quidam aquam Appiam, quæ opere arcuato in Urbem olim ducebatur, esse putant. Sequitur exiguus & ipse, sed *Numicius fl.* clarus fabulis fluuius Numicus, siue Numicius dicendus est, iuxta locum ubi quondam Lauinium situm erat, exoriens; ac tribus infra miliaribus in mare influens. Dehinc iuxta *Neptunium* Loracina prælabitur, & ipse modicus fluuiolus; sed aquæ, *Loracina fl.* ut coniectura fert, non malæ: siquidem ex eo C. Lucretius, qui Prætor bello Persei Macedonico *Linus lib. XLIII.* fuerat, impensa sua aquam Antium perduxit. Ultra Antium Astura amnis celebrior (hodie etiam *Astura fl.* nomen retinet) & maior, è montibus longius in mare delabitur. Post hunc Nymphæus; alijque, *Nymphæus fl.* qui in paludes Pontinas confluunt. Nec desunt etiam in proximo alij vberes, ac salubres riui, quamuis minimè fluminum vocabulo insigniti; qui non modicam aquæ copiam accolis suppeditent. Ut aqua Crabra (huius Cicero pluribus locis *Aqua Crabra.* meminit) quæ sub Tusculo vberi vena scaturiens riuum efficit, qui ubi proximos hortos rigauerit, vallem Circi Maximi inter Palatinum, & Auentinum secans, Tiberi commiscetur, aquæ *Marane,* seu *Marianæ* vocabulo. Ut aqua Ferentina, quæ *Aqua Ferentina.* sub Marino castro in nemorosa valle, pulcherrimo ac copiosissimo fonte promanans, infra quartum ab Urbe lapidem in Tiberim fluit. Nec omittendus Iuturnæ fons, & lacus; nam & hic præcipuè *Iuturnæ fons, & lacus.* ob salubritatem ab antiquis celebratur. Varro lib. IV. de Lingua Latina. *Nympha Iuturna, quæ iuuaret;*

ret. Itaque multi agroti propter id nomen hinc aquam petere solent. Seruius ad lib. XII. *Eneidos*. *Iuturna* fons est, inquit, in Italia saluberrimus iuxta *Numicum* fluvium, cui nomen à iuuando est inditum. Hunc *Iuturnæ* fontem, ut *Cluuerius* ostendit, necesse est eum esse, qui ex *Albani* montis radicibus, atque ex ipso lacu, ut vulgò fertur, profluens, sub ipsa via *Appia* sonorus, & copiosus adeò, ut statim molas verset: unde non longè progressus in lacum diffunditur haud magnum, quem paululum corrupta voce *Lago di Turno* nunc vocant: ex lacu deinde ad *Tiberim* defertur, cui miscetur quinto mil-

M. Tullij, & Augusti Cæsaris ætate ex emissario lacus Albani aqua rigandis hortis deseruebat.

liario ab *Ostia*, septimo verò ab urbe *Roma*. Notandum tamen est *M. Tullij* quoque, atque *Augusti Cæsaris* ætate ex lacus emissario in usum agrorum reductis claustris aquam deriuari solitam fuisse. Ostendit id locus *Ciceronis* II. de *Diuinatione* post hiatum quendam . . . Ita aqua *Albana* deducta ad utilitatem agri suburbani, non ad arcem, urbemque retinendam. *Dionysius* lib. I. ἡ δὲ λίμνη βαθεῖα ἐστὶ καὶ μεγάλη καὶ αὐτὴ διὰ κλεισιᾶδων ἀνοιγομένων ὑποδέχεται τὸ πεδῖον ταμειυμένων ὅποσα βούλονται τῶν ἀνδράπων τὸ ὕδωρ. idest, lacus profundus est, atque magnus, ex quo reductis claustris in subiectos campos aqua promitur, quantum eius volunt incole. Deinde ut alios quosdam lacus,

Lacus Nemorensis, & Regillus.

Nemorensis scilicet, siue *Aricinum*, nunc *Lago di Nemi*, o di *Genzano*; *Regillum*, nunc *S. Praxedis* nuncupatum pertranseam; itemque nonnullos olim celebres fontes; multorum aquæductuum capita, scatebrasque (quas exaruisse non est credendum)

Aquæ ductuum veterum fontes.

è *Latij*

è Latij potissimum regione Urbem olim influen-
tium, nunc verò deperditorum, si quis in eo cu-
ram intendere vellet, facile deprehendet; ut aqua-
rum Juliae, Tepulae, Appiae, Martiae. Quinetiam
ex ipsismet ductibus qui in Urbem hodie influunt,
è Latio quidem aquae *Felicitis*, è Tuscia *Paulianae*
(sive ea *Sabbatina*, sive *Alfietina* est) quae non
optimae potui deprehenduntur, quaedam pars in
usum agricolarum, atque *οικονομικον* propinquarum
concedi poterunt: quae nihilominus rusticanis ho-
minibus erunt non ingratae, aut inutiles; praefer-
tim si antequam bibantur, in cisternis ad id factis
eliquentur, attenuenturque, quod factu difficile
non est: geminae enim cisternae fabricantur inui-
cem iunctae, non modicae amplitudinis, si castel-
lis, vicisque integris inseruire debeant; sed altera
capacior minuta glarea substernitur, per quam
minutatim aqua transcoletur in alteram minuscu-
lam, unde hauritur: atque hac ratione commo-
dior potui euadit. Hae igitur, aliaeque ignobiliora
flumina, lacus, fontes, quos sciens praetereo, re-
gionem Latij rigant: proxima autem Etruria, ac
Sabinorum ager non minus, quam Latium salu-
berrimis aquis exuberant. Quibus igitur locis lon-
ginquior erit aquatio, quacunque ratione poterit,
eò aquam ducendam vel opere arcuato, vel sub-
terraneis cuniculis, vel apertis riuis existimo; ut
res humanae vitae tam necessaria potius redundet,
quam deficiat: praesertim si non vicum, castellum-
que, sed aliquod oppidum reficere, aut de nouo

*Qua ratio-
ne supra di-
ctae aquae
commodio-
res reddi
possint.*

*Geminae
cisternae
quemodo
fabricandae.*

*Etruscus,
ac Sabinus
ager non
minus quam
Latium a-
quis abun-
dans.*

*Quid fa-
ciendū ubi
longinqua
erit aqua-
tio.*

X

condere,

condere, atque ornare aggrediemur. Qua in parte non minùs, quàm cæteris rebus maiores nostros & magnificos, & diligentes fuisse cognoscet, qui aquæductuum quæ Ostiæ supersunt vestigia, quamvis tam propinquo Tiberi, inspexerit: quales & Antij, alijsque non ignobilibus oppidis sine dubio extiterunt. Sanè hæc salubrium aquarum conquisitio inter magis necessaria, atque utilia opera præsentis *πρᾶγματος* adscribenda est; adeò ut cum paludum exiccatione, probaque ædificiorum collocatione contendat: quibus tribus quasi præcipuis fundamentis tota hæc molitio innititur: quod ita esse tùm antiquis, tùm recentibus experimentis probandum insuper videtur. Herodes Atticus non magis liberalium artium studijs, quàm cæteris laudibus florens, atque ob id Imperatori Hadriano carus in paucis, cùm super Principis gratiam opibus etiam polleret, Canusium non obscurum Apuliæ oppidum aquæ inopia valde laborans (ut omnis fermè ea regio, adeò ut multis in locis hodieque pretio ematur) atque ob id defertum, inducta aqua ut frequentaretur rursus, ac refloresceret effecit. Ὡκισε δὲ (inquit Philostratus) καὶ τὸ ἐν Ἰταλίᾳ Κανύσιον ἡμερώσας ὕδατι. μάλα τὸτο δεινόν. idest, *Canusium in Italia inducta dulci aqua, cuius vehementer indigebat, habitabile reddidit*. Nostra verò ætate cùm Pisis æstivo tempore plurimi ægrota- rent, eaque ciuitas salubris aquæ copia vehemen- ter deficeret; Ferdinandus Primus maximi animi, ac prouidentiae Princeps rem dignam sua magni- tudine

Antiqui diligentes, & magnifici in proximis oppidis aquæ copiam instruendis.

Quam sit utilis, ac necessaria hæc salubrium aquarum conquisitio.

Exemplis id confirmatur. Philostratus in eius vita.

Canusium inducta aqua ab Herode Attico readificari, ac frequentari cepit.

Pisarum urbs ob eandem causam commodius habitatur.

tudine aggressus est : nam conquisito , perductoque aquæ riuo eam urbem & ornauit , atque insigni utilitate affecit : nam ab eo tempore tanta mutatio insecuta est , vt longè salubrius , ac tutius ibi incolæ degant . Sed nihil attinet omnia ea loca , quæ inductis aquis conualuerunt , ac salubria facta sunt , curiosius persequi , atque in superfluis morari lectorem . Quod reliquum est , præter di-

*Aliud apud
magna mo-
litionis quod
dubitanter
proponitur;
nec nisi lo-
go post tē-
pore tentan-
dum.*

ctas molitiones alia quædam maximi momenti se-
se scribenti obijcit : sed quæ propter magnitudi-
nem operis non nisi longo tempore , & à multis
hominibus perfici potest ; ideoque non nisi post
multiplicatos cultores , regionemque tractabilio-
rem iam effectam de ea cogitandum videtur .
Sed tamen quandocunque licuerit ; tentanda uti-
que est , cum prius inter peritos constiterit operis
fructum non minorem labore , atque impensa fu-
turum ; nec negotium supra modum impeditum
fore . De hoc enim iudicium ferre non est eius ,
qui vt liberè ac simpliciter , ita parcè , ac mode-
stè in publicum vsum cogitationes suas profert
non vt normam agendi alijs tradat , sed ansam
potiùs , ac materiam meliora proferendi . Etsi igitur
perdifficile videatur naturalem statum , ac *diá-*
sticti finitimæ regionis corrigere , atque immutare ;
ideoque nullo humano consilio , nulla vi , aut ope-
ribus litoris positio , ac facies (quam inter præ-
cipuas pestilentis aeris causas tertio loco recensui-
mus) in aliam speciem conuerti possit ; arbitror
tamen & huic incommodo remedium aliquod fa-

tis certum, atque efficax me reperturum, si laboris, atque impensæ ratio constaret. Sed res exem-

Bataue, & Frisia ora litoralis qualis. plo fiet manifestior. Batauorum, ac Frisiorum ora litoralis adeò humilis, ac depressa est, ut ab Oceani fluctibus quandoque demergeretur (sicut

portioni cuidam *Zelandie* euenit, cuius adhuc sub aquis turres, tectorumque culmina conspiciuntur)

Aggeres, siue Dunæ Batauorū, ac finitimorum. nisi aggeribus quibusdam præaltis, ac continuis in extremo margine appositis, quas *Digas*, siue *Dunas* vocant indigenæ, maris æstum, ac violentiam

Huiusmodi aggeres in his litoribus constructi fortasse tertiam in salubritatis causam tolleret, aut mitigaret. arcerent. Ad hoc exemplum si humilis hæc, & decliuus Latini, Tusque litoris plaga, quæ primum madescere fluctu incipit, huiusmodi aggeribus præductis communiretur; fortasse si non in totum, at maiori tamen ex parte pestilentium *auarum* fomes, atque origo cessaret. Ut enim pe-

nitus tolli posse verear illud me mouet, quod cum longius à litore huiusmodi aggeres iaci nequeant tum propter immensitatem operis, tum quod intrinsecus vacuus locus complendus esset, probabile est proximiorē adhuc maris partem, utpote parum profundam, nonnihil exhalaturam: quodque magis refert, ubicunque flumina, ac riuī sese in mare exonerant, atque ubi incilia palustribus, aut pluuiialibus aquis exhauriendis aperienda erunt, intermisso ibi, intersectoque aggeritio opere quandam æstuarij speciem futuram; quæ non perinde salubris euaderet. Veruntamen non magnoperè id mihi formidandum videtur; sed potius credendum hoc opere absoluto, multis partibus

campestris

campestris huius regionis aerem puriorem, sicciorem, ac denique commodiorem fore. Nec est, cur quisquam vereatur Turcarum, ac Maurorum excensionibus oram Latij maritimam (cuius unica tutela perhibetur litoris natura importuosa, atque inaccessa) propterea magis expositam fore; cum eo loci aggeres ducendi sint, quod breuibus tantum nauiculis dabitur accessus: immò si quando piratarum nauigia aperta vi milites exponere conabuntur, tantò magis nostris ex superiori loco repugnandi facultas præstabitur. Atque hæc præcipua fermè opera sunt, quæ ad conciliandam agro Romano salubritatem tanquam fundamenta quædam præstruenda videntur. Sunt & aliæ leuiores operis molitiones tanquam subsidiariæ; quæ licet à maioribus, quas dixi, seiunctæ paruum momentum sint allaturæ, attamen ijs adiunctæ non leuiter collatis viribus conducent. Huius generis sunt arbores, quæ si recto ordine circa camporum limites conserantur, & fructum ijs, & gratiam augebunt; atque agricolis sub meridiem opus facientibus, feruidioribus horis (quibus interquiescere ij solent) non sine magno valetudinis commodo tutamen aliquod ab nimio solis ardore præbeant. Qui eousque vehemens circa Romam est, ut supra diximus (ob aeris crassitiem sine dubio) ut non tantum urbanis, ac delicatioribus hominibus, sed durioribus etiam, ac rusticis vehementer obesse possit; etsi non statim eius violentia, noxaque ab his sentitur. Laudauerim itaque

*An maior
esset peri-
culū pira-
ricarū ex-
censionum.*

*Respondetur
oram ma-
ritimam
potius tu-
tiorē fore.*

*Aliæ mo-
litiones tan-
quam sub-
sidiariæ.*

*Arborum
ordines in
campis.*

*Sol hic
valde ve-
hemens.*

*Syluula re-
tiaria, siue
aucupato-
rie Floren-
tinorum.
Earum u-
tilitates.*

que in primis vt, præter arbores fructiferas, aliaf-
que lignorum, aut pabuli causa deplantandas,
quàm creberrimis locis syluulæ aucupatoriæ more
nostratium Florentinorum plantarentur, maximè
secundùm fluuios, riuosque; quos hic non deesse
supra demonstratum est. Multas enim, ac multi-
juges commoditates, & delectationes exhiberent:
nam neque tantùm miscellis agricolis vmbracula
meridianibus offerrent; sed etiam cremium, ligno-
rumque nonnullam copiam ad vsum furnorum, ac
domestici foci: quodque caput est, fundorum do-
minis iucundissimum in primis aucupij genus ma-
xima anni parte suppeditarent. Sed quoniam res
est non passim omnibus nota, consultum videtur,
vt data occasione, in gratiam eorum qui ingenio-
sa commenta adamant, atque imitari student, hu-
iusmodi syluulas instituendi rationem ostendam,
sicut à nostratibus in suis illis amœnissimis, ac cul-
tissimis fundis adornantur. Primùm ergo locus eli-
gitur, qui potiùs humilis, & concauus sit, quàm
sublimis, ne validioribus ventis infestetur; quique
à syluis aliquanto spatio sit remotus: maximè in
agris cultis, vbi ficus, aliorumque agrestium fru-
ctuum, qui aues allicere possint, copia non desit:
ac potissimùm secundùm fluuios, aut riuos perpe-
tuò manantes; aut si ij desint, iuxta torrentes, qui
autumno saltem, atque hyeme fluant. Totus au-
tem is locus, quem conferere voles, pastinandus
priùs est satis altè; vt feliciùs stirpes proueniant.
Longitudini nullus modus præfiniri potest: latitu-
dini

*Earum de-
scriptio, at-
que aucu-
pandi mo-
dus.
Electio lo-
ci.*

*Loci præ-
paratio, ac
repastina-
tio.*

dini decem, vel duodecim ad summum passus sufficient; quantum scilicet rete maioris formæ, quod Pantherem, siue Panagrum dicere possumus (vulgò *una ragna* vocatur) in transuersum extenso obsepieri potest. Vbi locus repastinatus est, omne genus syluestrium arborum, ac fruticum ibi deplantatur, ex ijs potissimum, qui baccas turdis, ac merulis gratas diutissime proferunt; atque etiam ex perpetuò virentibus; quæ ita cum alijs admiscantur, vt sylua non transluceat. Huiusmodi sunt Lauri, Iuniperi, Arbuti, Oleastri, Lauri tini, Myrti, Ilices, Alni, Vlmi, Aceres, Pruni, Cerasi, Pyrique syluestres, Corni, Frutices sanguinei, Vitices, Ligustra, Rubi. Quinetiam Hederæ, Labruscæ, atque huiusmodi plantæ, quæ aliarum futura egent, quæque copiosam, gratamque auibus escam præbent, quàm creberrimæ esse debent; vt libentius aues ibi consuescant. Laudatur & Salix perticalis; quoniam cum areferi, & putrescere incœperit, maiores formicas complures gignit, quæ mirum in modum ab auiculis expetuntur. Quod si ficedularum magnam copiam habere potissimum voles, ficus frequentes vtrinque iuxta syluam adferantur; maxime præcoces, atque eius generis, quæ fructus dulces, ac copiosos, diutissimeque pariunt: cuiusmodi sunt ficus *albæ* à nobis dictæ, Romæ satis *ἀξύρας* *fichi rouelli*, quæ Plinij albiceratæ esse videntur, ab albo, cereoque colore sic nuncupatæ. In huius syluulæ medio relinquendus est trames purus, vt per eum singuli homines commodè

Latitudo
harū syl-
ularum.

Panagrium
retis genus.

Quale ge-
nus arbo-
rū, ac fru-
ticum con-
ferendum.

Præcipue
copiosam
escam sub-
peditantiū.

Salix per-
ticalis Flo-
retinis Sa-
licone.

Crebre fi-
cus ficedu-
larum gra-
tia iuxta
ferenda.

Ficus albi-
cerata.

Trames
per eam
syluulam
perg. ns.

*Calles trans-
uersi ad
tendenda
retia.*

commodè incedere possint : verùm certis quibus-
dam spatijs , puta quæ inter se interfint vnico ia-
ctu lapidis , calles transuersi emundato loco facien-
di ; eius latitudinis , vt cùm rete ibi tensum fue-
rit , impellente vento , non facilè spinis , ac vir-

*Stipites v-
trinque in-
tra calles.*

gultis , ramisque arborum adhærescat . Vtrinque
verò ad extremos calles erigendi sunt stipites sin-
guli eius mensuræ , quæ syluam ad certam altitu-
dinis normam æqualiter detonsam paululum exce-

*Trochlea
in stipitum
vertice.
Transenna
retis.*

dat . In horum summis capitibus trochleæ , vel
harpagones affigendi sunt ; per quos transfenna ,
quæ rete sustinet , duci possit . Altitudo retis ea
esse debet , vt in summo syluæ fastigium adæquet ;
deorsum verò paulum supra humum attollatur , ita

*Lapides ab
imo appēsi.*

vt spatium ne desit lapidibus , qui crebri funiculis
quibusdam ab imo margine dependentibus suspen-
duntur , stabiliendi retis gratia : quod fusco colo-
re tingendum ; vt cùm extensum est , quàm mini-
mè cernatur , eoque magis aues decipiat . Quòd

*Panagrum
pro turdis ,
ac paruis
auiculis ut
faciendum.*

si turdis , ac minoribus simul auiculis capiendis
idoneum cupis , angustioribus maculis faciendum
est ; sed tam crasso filo , vt à minoribus auiculis
non impunè traijciatur ; aut à turdis , merulisue

*Retia cras-
siora vtri-
que pana-
grum te-
gentia.*

disrumpatur . Porro rete hoc minusculum vtrin-
que retijs singulis crassioribus , ac grandibus ma-
culis contextis prætegatur ; ita vt omnium trium
extremæ oræ simul conueniant , connexæque sint
communi funiculo , qui totum retis ambitum con-
tinet . Summus autem funiculus , qui rete exten-
sum sustinet , anulis osseis adnectitur , qui per tran-
sennam

fennam (funis sic vocatur à quo rete dependet)
 ducuntur . Superioribus angulis altrinsecus alij
 duo funiculi alligantur , quibus rete vtrunque dila-
 tatur , atque extenditur ; similique ratione postea
 reducitur , ac constringitur . Iidem extenso rete
 vtrunque vltra stipites humi alligantur . Infimi
 item anguli breuiiores singulos funiculos habent ,
 qui infimam retis partem ad stipitem continent .
 Item à media ipsius , summaque ora singuli funi-
 culi vtrunque descendunt , qui cùm æqualiter pro-
 tensi sunt , ac deorsum alligati , diagonalem cum
 medio rete angulum efficiunt ; præstantque ne à
 ventis huc , vel illuc impellatur . Extenso rete dan-
 da opera est , vt creberrimi per omnem ipsius
 regionem sinus fiant ; vt cùm aues impetu volan-
 tes impeerint , ijs inuolutæ ne elabantur : qua-
 propter medium rete tenue aliquantò amplius , ac
 sinuosius fit , quàm crassiora duo , quæ extensa nul-
 los sinus facere debent . Huiusmodi autem sinus ,
 cùm rete probè extensum fuerit , ac funiculis quo-
 quouersus firmatum , geminis arundinibus in sum-
 mo crenatis fiunt ; quibus rete varijs locis com-
 prehensum , vtrinde voles , per maiores maculas
 educitur . Modus autem aucupandi hic est . Ab
 vno capite syluulæ tres homines sensim inceden-
 tes ad eum locum pergunt , vbi rete subtensum
 est ; ita vt vtrunque singuli iuxta syluam , tertius
 medio ipsius tramite æqua fronte , vel aliquantò
 magis retrò incedentes , tùm aspectu , tùm modi-
 cè excitato strepitu aues intra syluam volitantes

*Funiculi
duobus.*

*Alij duo funi-
culi bre-
uiiores deor-
sum .*

*Alij duo funi-
culi me-
diant .*

*Sinus cre-
bri faciendi .*

*Modus au-
cupandi .*

Y

impellant

*Diversa
ratio pel-
lendi aves
pro earum
differētijs.*

impellant in retia : cum hoc tamen discrimine ,
quòd si turdos , præsertim ante adultam hyemem ,
ac priusquam pingues euaserint , capere voles ; le-
uissimo strepitu , lentoque valde incessu in plagas
vrgeantur ; alioqui perterriti facilè euolant , atque
aucupis spem decipiunt : si autem merulas , ali-
quantò maiorem strepitum pedum , & virgulto-
rum quassationem facere licet : si ficedulas , atque
eiusmodi auiculas χαμαιπετεῖς , vehementiùs adhuc
obstrependum est ; atque etiam ab ijs , qui forin-
secus incedunt , glebæ , ac lapides antrorsum in
sylvam conijciendi , vt piger auicularum , præser-
tim pingium , volatus excitetur . Quin & illud in
venatu turdorum solertes aucupes faciunt , ne fa-
cilè ij sursum auolent : fissiculo vocem accipitris
imitantur ; aut etiam si avis est ad manum , eam
sursum dimittunt : qua , vt consuevit , supra syl-
uam circumuolante , maiore metu perterriti turdi
non audent euolare ; sed sensim , ac taciti in pla-
gas incurrunt . Atque hæc ἐδὲ πάρεργον dicta suffi-
ciant de conferendis in agro Romano ad morem
nostrum retiarijs syluulis , non minori cum utilita-
te , quàm oblectamento . Nunc quod instat aga-
mus . Quoniam verò superiùs nonnullas externas ,
atque aduentitias causas delibauimus , quæ præter
natiuam cœli huius grauitatem , agricolarum va-
letudinem perturbant , ac morbos exaugent ; con-
gruum videtur , vt & extraordinarias quasdam
cautiones ostendamus , quæ plurimùm & ipsæ ru-
sticis hominibus conferent ad bonam valetudinem
confer-

*Extraordi-
naria qua-
dā cautio-
nes à rusti-
cis nostris
seruanda.*

conseruandam, morbosque præcauendos. Ac primò quidem occurrunt aquæ: cùm enim fortasse quantauis diligentia adhibeatur, superfutura quædam loca sint probabilis aquæ carentia; videndum est, num aliquo artificio (quando nihil ferè est, quod industria non assequatur humana) aquæ probæ, ac potabilis copia vbique haberi possit. Sunt quidem multa experimenta corrigendarum aquarum, quæ à varijs afferuntur; sed ea nimis operosa sunt, & potiùs explendæ curiositatis, quàm tuendæ valetudinis: quæ putidum est recensere. Omitto etiam ridicula, & magica; quale est illud, quod Plinius de herba Æthiopide ex Magorum libris refert, amnes ac stagna ea coniecta desiccare: quod tamen meritò deridet. *Siccentur, inquit, hodie Æthiopide Pontinæ paludes, tantumque agri suburbanæ reddatur Italie.* Prætermitto quoque pulegium quod, si aquæ insalubres bibendæ fuerint, idem tritum aspergi iubet: quod nimiam diligentiam, siue potiùs curiositatem redolet. At enim quod de allio produnt, eius esu aquarum vitia corrigi; & verissimum puto, & operæpretium duco, vt de illius vtilitate, quæ multiplex est (adeò vt *theriaca rusticorum* vocetur) agrestes admoniti, magnam ipsius copiam, vbicunque sedem fixerint, diligenter serant. Quam præcipuam fuisse causam puto, cur olim Athenienses nauigationem adornantes allia in retibus imposita secum ferrent; Romanique remiges tam libenter ea quondam esitarent: vnde Plautus in Pœnulo.

*Curiositas
aquis.*

*Artificia
quædam de-
purandæ a-
quæ nimis
operosa.*

*Plinius pu-
legiū aquis
potandis a-
spergi iubet.*

*Alli esu a-
quarū vi-
tia corri-
guntur.*

*Romani re-
miges mul-
tum allio
utebantur.*

— tùm autem plenior

*Allij vulpici, quàm sunt Romani remiges.**Allij vis
putredini
resistēs, ac
corrobora.*

Habet enim allium vim quandam ἀντίσητον, hoc est putredini, ac corruptioni directò aduersantem: tùm etiam robur, ac vires mirificè auget, excitatque spiritus; quanquam minimè vnguenta exotica redolens. Sapienter itaque antiqui, qui eius facultatem non ignorarent, atque animadu-
*In classibus
frequenter
aqua cor-
rumpitur.* uerterent in nauibus frequenter aquas corrumpi (vnde longiores nauigationes fumentes in scorbutum morbum incurrunt, de quo supra nonnihil diximus) nautas, remiges, classiarios allijs præmuniebant; quæ non modò antidoti vsum præberent, sed obsonij quoque. Erat etiam poscæ vsus olim apud milites, atque agricolas frequens; nunc etiam, vt audio, in Venetorum nauibus; quam

*Poscæ vsus
laudatur.*

non sine magna vtilitate æstiuo tempore rustici nostri vsurpare possent. Habet enim & ipsam acetum (quòd aquæ admistum posca vocatur) vim putredini maximè resistantem, atque in magnis caloribus, vt notum est, multùm refrigerat.

*Quid sit
posca.*

Quinetiam animaduertisse videor poscæ potum apud nauticam turbam valde olim vsitatum fuisse. Huc enim referendum est quòd Suetonio teste A. Vitellius Asiaticum libertum olim sibi carum, Puteolis poscam vendentem deprehendit: quo in oppido propter propinquitatem Misenatis classis maxima nautarum, & classiariorum turba versabatur. Atque hæc de potu dicta sufficiant. De ci-
*De cibatu
rusticorum
paucæ.* batu verò rusticorum quid attinet plura persequi,

cùm

cùm ijs necesse sit vesci quæcunque casus obtulerit, aut præsens copia suppeditarit? cùm tamen & illud in confesso sit, quò magis à noxijs, prauisque alimentis abstinuerint, eò saniores, magisque longæuos fore. Ac fructus quidem in agro minùs suppetere, tantisper dum ad pristinam salubritatem prorsus redierit, hominesque penitus ei insueuerint, non adeò dolendum est. Notum enim puto quot, & quàm graues morbos per autumnum nimium liberalis fructuum esus concieat: quibus si etiam aeris non omnino tuti labes accesserit, metuendum erit ne hominum quantumuis valentium, ac robustorum natura tot aduersis victa tandem succumbat. A cibatu, potuque proximum est vestitus dixisse rationem; de quo illud tantùm monendum habeo, thoraces scorteos in hoc agro, & vbicunque noxij regnant venti, plurimùm vtilitatis allaturos: cùm enim densa, atque impermeabilis sit pellium materia, aeris, ac præcipuè ventorum iniurias à corporibus validè prohibet; quæ alioquin multis cutis meatibus peruia, facillè eorum malignam vim exciperent, ac prauas qualitates imbiberent. Vtantur igitur rustici, si me audiunt, scorteis corporis integumentis minimè antrotrorsum apertis, sed prorsus clausis; quæ longè fortassis vtiliora per æstatem forent, quàm per hyemem pellicæ vestes; quibus eos Satyrorum intar amictos videmus, frigoris arcendi causa, vel potius ob pellium vilitatem. Solem autem æstate valde noxium capiti, præsertim eorum quos stantes,

*Fructuum
esus.*

*Largior
fructuum
esus mor-
bos excitat.*

*De vestitu
eorundem
paucæ.*

*Thoraces
scortei lau-
dantur.*

tes, & immotos ferit, cùm omnes fateantur (etsi rusticos nostros nimium delicatos neutiquam velim) quoniam tamen his in regionibus, vt sæpiùs dixi, præter modum perniciosus est; laudauerim fanè vt agricolæ, ac pastores, dum æstate opus in

Petaforum latiorū gestatus etis agricolis, ac pastoribus per æstatem.

agro faciunt, ac pecora custodiunt, petasis, aut umbellis latioribus ex quacunque materia factis vtantur: saltem vsque dum perpurgato aliquantùm aere, orta que ex ijs sobole alij subnascantur huic cœlo magis assueti, atque assuetudine firmiores.

Nocturnæ huius regionis aer noxijs. De cubatu rusticorum.

Cùm verò nocturno potissimùm tempore Latini cœli maligna, noxiaque vis sentiatur, multa salubriter excogitari possent ad cubatum rusticorum spectantia; quæ non modicè, vt ego quidem existimo, eorum sanitati conducere: puta si in summa, atque altissima ædium parte cubarent: si supra stramenta quædam ex siccis, atque odoratis herbis confecta, quibus tomenti vice segestria inferciri possent: præterea conquisitis ijs frondium, herbarumque generibus, quæ assiduè odoratos halitus remittunt, propriamque vim aduersus aeris malitiam habent, manipuli ex ijs parati parietibus, & contignationibus vtiliter suspendi possent; & maiorem utique fructum, quàm suffimenta præstarent, quæ ad breue tantùm tempus durant. Illud

Aliud monitū leuius de colūbis alendis. Pisces in cisternis aquam servant incorruptam.

quoque quamuis fortasse subtile nimis, ac περιεργον non omiserim: sicut pisces in puteis, ac cisternis agitato suo creduntur aquam incorruptam tueri; ita fortasse columbæ circa rusticorum tecta volitantes, nonnihil aerem, præsertim immotis, ac silentibus

silentibus ventis, ventilarent, ac tenuiorem me-
 ioremque efficerent. Quare quàm creberrimos
 peristereonas in summis testorum culminibus fa-
 ciendos censeo: ex duplici autem columbarum ge-
 nere domesticas potiùs, quæ haud longè à nido
 recedunt, ideoque ad hoc officium accommoda-
 tiores sunt, deligendas. Quòd si quis suspicetur,
 propterea quòd hæ aues pestilentiae tempore occi-
 di solent, bonitati aeris potiùs officere, ratus à
 stercoris odore id prouenire; sciat enecari eas
 consueuisse, quòd facilè de loco in locum pesti-
 lentiae semina, vt cæteræ quoque aues, animalia-
 que domestica, transferre possint: non quòd ipsa-
 rum stercus cæteris grauius, atque ad citandam
 pestem efficacius sit: immò cùm præcalidum sit,
 siccaeque facultatis, adeò vt à Medicis in vsum
 τῶν πατισμῶν adhibeatur; videtur potiùs pestilen-
 tia aduersari, sicut reliqui quoque acutiores odo-
 res. Sed de hoc quidem Medici iudicabunt: no-
 bis non vacat de columbino fimo disputare. De
 caminis verò tam notum est, quàm quod notissi-
 mum, eorum frequentia, crebraque succensione
 aerem perpurgari, atque effici salubriorem: quare
 fusiùs de hoc agere nihil attinet. Verùm locus
 admonet, vt de stipularum succensione aliquid di-
 camus: solent enim Romanenses agricolæ peractis
 messibus (quas non ad infimum solum seruandæ
 paleæ gratia, vt nostrates faciunt, quibus foeni
 penuria est; sed ad medium culmum recidunt)
 Augusto mense, circa Idus ferè, ignem stipulis im-
 mittere,

*Peristereco-
nes.*

*Ex utro co-
lubarum
genere sele-
gendum.*

*Obiectio
quorundā.*

*Pestilentia
tempore co-
lumba non
occiduntur
propter ster-
coris odorē;
sed quòd pe-
stis semina
transferre
possunt, vt
cætera do-
mestica a-
nimalia.*

*Camini,
focique fre-
quētes aeris
profunt.*

*De stipula-
rum incen-
sione que-
dam.*

Quamobrem id fiat. Loco ster- cerationis aahibetur. mittere, vt vnà incensis malignis herbis, earum-
que seminibus (quod stercorationis pariter, ac fermentationis terræ vicem implet) cùm autumno insequente solum proscissum fuerit, latius deinde segetes proueniant. Vnica enim hæc ferè est campestris huius regionis stercorandæ ratio. Caterùm id non hodie, atque heri inoleuisse ex eo colligi-

Calēdaria rustica vetera.

tur, quòd in Calendario rustico lapideo, quod est in peristyllo Farnesianæ domus, sub Augusto mense legitur STVPVLAE. INCENDVNT. idest, incenduntur: quod item extat in altero simili Calendario Vallengium, nisi quòd quædam verba aliter concipiuntur; vt hic STVPLAE (pro stipulæ, siue stipulæ) vnde proxima in hodiernum vocabulum *stoppie* mutatio emanat: quapropter vt

Scriptores Rei rustica ætatem trita præter-miserunt. Quamdiu duret.

rei fortasse nimis notæ, tritaque scriptores Rei rusticæ qui quidem extant, Vergilio excepto, mentionem facere superfederunt. Quindecim verò dierum spatio plus minùs hæc stipularum durat incensio; nisi quòd prout sicca, aut pluuia fuerit æstas, ita vel maturius, vel ferius perficitur. Iis

Is diebus calor Roma intenditur. Inde aerē depurgari vulgò creditur, nec falsò.

diebus manifestè Romæ calor intenditur: tùm verò aer densus, ac fumidus circa Urbem facilè animaduertitur. Etsi autem non ea gratia stipula succenditur; hinc tamen quandam aeris depurationem subsequi & communis fert opinio, & ratio ipsa conuincit, quæ purgatricem igni vim in-

Bernardus Saccus falsò credidit hoc institutū aeri potius obesse.

dubiè tribuit. Quamobrem institutum esse huic Vrbi saluberrimum, quidquid putet Bernardus Saccus in Historia Ticinensi, minimè dubitandum.

Poterit

Poterit fortasse nonnunquam contrarium accidere; ut si per eos dies pluviae fortè deciderint, atque ita humor intempestivè cum calore aduentitio, nimioque, qui febrium seminarium esse solet, geminetur. Sed id vix, aut perrarò evenit: quare minùs est attendendum. Insignem verò vim esse ignis ad aerem depurgandum, illinc quoque discere possumus, quòd inter alia depellendæ pestis remedia, Medici doctissimi præcipiunt crebras lignorum strues succendi, quibus perniciosa lues per aerem inexplicabili modo diffusa tollatur. Quod diuinus Hippocrates in magna illa pestilentia, quam Thucydides describit, non sine ingenti utilitate, magnaue sua laude factitasse proditur. Deinde si calor siccus, ac purus, quantumvis vehemens, humanis corporibus tantopere incommodaret, non tam salubris esset Africa, ac Numidia, cuius incolas rarò morbis tentari; sed senectute plerunque dissolui gravissimus cum primis Autor Sallustius scribit in Iugurthino. Non negamus tamen quin locis natura siccis, & feruidis, si æstas supra modum calida contigerit, febres ardentes, acutæque nonnunquam existant: quod tamen fortasse non tam caloris immodici culpa, quam prauorum humorum vitio (sive à victu inordinato, sive à præcedenti aeris constitutione) quos subsequens æstus in venis corrumpit ac putrefacit, evenire crediderim. Sic Anno MDCVII. quo æstas calida ac sicca fuit, in Apulia, & Campaniæ locis nonnullis calidioribus magna copia febrium acutarum, atque ardentium succreuit; ex quibus multa

Z

millia

Ad pestilentiam depellendam crebras lignorum strues succendi.

Hippocrates ad felicitatem præstat.

Aliud argumentum ostendens stipularum incensum proficuum esse.

Sallustius Africam, ac Numidiam salubrem esse testatur.

Cur in regionibus feruidis calores immodici nonnunquam noceant.

Anno MDCVII. Apulia, & Calabria exitialis

De aere, millia mortalium interiere, vt Nicolaus Eustachius
 & situ Be- testatum reliquit. Quanquam huiuscemodi morbi
 neuent. ci- epidemici, cuiuscunque generis sint, non tam vi-
 nit. tio tempestatum, atque aeris, quàm superiorum
 Pestilentia corporum; ac syderum multifariam coeuntium,
 no tam ae- maligna quadam vi in hæc inferiora occulto influ-
 ris vitio, xum deriuantur. Quibus omissis, quæ ad præsens in-
 quàm syde- stitutum non faciunt, non modò retinenda vide-
 rû influxu- tur hæc stipulas incendendi consuetudo, quæ hac-
 deriuatur. tenus in Latio viguit; sed sumpto hinc exemplo
 Crebri in- quàm creberrimos ignes circa *οἰκίστας*, si quæ in
 gnes post- proximo fient, post eas consumptas excitandos
 stipulas in- putauerim vsque ad autumnii conuersionem: quod
 censas cir- tempus Græci, ni fallor, *φθινοπωρίαν* vocant. Hæc si
 ca noua- rectè, atque ordine fient, quauis sponsione facta
 habitacula- recipere, rem ex sententia processuram. Ast his
 accendi pos- operibus, ac *προπαρασκευαίς* omissis, quicunque agri-
 sent. colæ in has terras inducentur, in certissimum exi-
 Autumnii- tium dabuntur. Quod inter alios expertus est ali-
 posterior- quot abhinc annis optimus, ac nobilissimus vir Io.
 pars Græcis- Baptista Sacchettus; qui cùm latifundium, quod
 φθινοπω- amplissimum hæc familia in Ostiensi habet, benè,
 riæ. ac diligenter cultum vellet, accitis aliquot ex agro
 Autoris as- Florentino rusticis, culturam aggressus est: sed id
 feneratio de- tam improspere ei cessit, vt breue intra tempus
 felici euen- exitalibus morbis omnes absumpti fuerint: insigni
 harum mo- præbito documento non esse alienigenas cultores
 lutionum. in hæc loca temerè inducendos. Verùm vt, quod
 extremum in hoc sermone nostro propositum erat,
 explicemus: age iam sit eo modo, quem dixi,
 præparatus

Io. Bapti-
 sta Sac-
 chetti co-
 natus in
 Ostiensi.

præparatus ager ; exiccatae noxiae paludes ; excisae sylvae ; corriuata opportunis locis aqua , aut defossis puteis vsui hominum exposita ; sit etiam vnicum aliquod castellum , aut si maior vicus opportuno loco , habitaque ratione salubris prospectus in luminibus aperiendis , ædificatus , ac rebus ad victum necessarijs instructus : vnde nam , quoue ex hominum genere novos colonos desumemus , qui agros colere sciant , & velint ; & non modò sine periculo viuere ; sed sobolem etiam ex se relinquere valeant ? Non leuis profectò questio , ac difficultas ; & quam pro captu nostro enodari operæpretium fortasse fuerit . Regnante nuper Paulo huius nominis V. Pont. Max. (cuius propter egregia opera , quibus Urbem excoluit , nunquam memoria interibit) exactæ sunt ex Hispaniæ regnis Maurorum reliquiae magna sine dubio publicæ rei vtilitate , atque Hispanici nominis gloria ; etsi cum aliquo fortasse priuatorum dispendio . Cùm itaque eorum multi , qui in Africam , antiquam scilicet patriam suam , atque Hispaniæ propinquam , deportari cum alijs debuerant , varijs casibus ad Galliæ , atque Italiæ litora appulissent , quibusdam in hæc Pontificiæ ditionis maritima loca exscendendi potestas facta est : qui cùm ferè essent homines strenui , atque industrij ; rei que rusticæ , sed potissimùm hortensis , apprimè scientes ; fuere qui Pontifici suaderent , vt eam gentem profugam , atque extorrem non modò reciperet , sed in hisce sedibus larem figere , atque ædificare

*Postrema
disquisitio
de homini-
bus compa-
randis .*

*Quid sub
Paulo 67.
de Mauri-
scis ex Hi-
spania exu-
latis prae-
positum fue-
rit .*

*Homines
erant indu-
strij , ac di-
ligentes a-
gricultores .*

*Quidam
Pontifici
suadebant,
ut Mauris
regionem
colendam
attribueret.
Cur id cō-
siliū non
esset utile.*

*Homines
erant fal-
laces, &
Christiano
nomini in-
fensi.*

fineret; agrorum videlicet excolendorum causa, ex quibus magna percipi utilitas posset. Veruntamen, quod pace illorum dictum sit, consilium istud discriminis multum; utilitatis nihil pollicebatur. Quid enim? tanta ne est in Italia hominum penuria, & Latini campi exerceri non poterunt, nisi eos hominibus non dico alienigenis, ac vilissimis, atque eiecititijs; sed supra quam credi potest fallacissimis, & Christiano nomini, quidquid simulent, infestissimis tradamus? Mitto quòd turpe, atque indecorum, ac Romanæ Sedis maiestate prorsus indignum videtur, horum agrorum ijs tradere culturam, quorum maiores excursionibus suis, & cladibus funestissimis vastitatem eis intulerunt: nisi fortasse argutior aliquis hoc ipsum vrgeat, iustum, atque *εὐλογον* fuisse, ut quasi proavorum suorum delicta suo sudore, ac laboribus expiaturi, solitudinem hanc, & vastitatem ab illis factam suis corporibus refarcirent. Dignum enim uerò multæ genus, si non ut coloni liberi, ac soluti glebas nostras, atque has nobilissimas terras arbitrato suo temperarent; sed tanquam vilissima, nequissimaque mancipia, onusti ferro, ac vinculis excolerent agrum à maioribus olim suis deuastatum: nec potius ipsi metum nobis inferrent, quàm nutum nostrum exhorrerent: denique si non successu temporis, nimia Principum indulgentia, an incuria? in vnā gentem nobiscum coalescerent; nec Agar ancillæ spuria, atque intestabilis proles, per speciem simulati foederis, mysticæ Sarra nobilissimum genus,

genus, ac populum Dei electum contagione tar-
pissimi sanguinis foedaret: nec ex hac terra spiri-
tum, ac sanguinem ducerent, quam extinctam
olim penitus voluerunt. Det nobis Africa potius,
ut olim æmula huius Imperij peruiçax; sic hodie
factorum nostrorum implacabilis hostis, catena-
tos, ac robustos follores suos, quorum lacertis arbi-
tratu nostro pingues Latij, ac Tusciæ glebas fran-
gamus: aut si maiora augurari libet (quando sub
VRBANO Principe omnia in melius sese verten-
tia nil non magnum sperare sinunt) redeat potius
ad obsequium pristinum illa ferax, illa pinguibus
aruis exuberans: quæque nobis defunt frumenta,
ex areis suis in nostra horrea summittat. Apage
igitur quàm longissimè genus hominum leue, infi-
dum, impium, quos salubri consilio Hispani ex
sedibus suis eiecerunt: præsertim cùm Hispani cœli
siccissimi, ac saluberrimi ab hoc nostro diuersitas
vix fortasse passura fuerit, ut ibi nati atque edu-
cati, hic perennarent. Mitto aliam apud eos, aliam
apud nos fuisse culturæ formam, quæ non facile
permutari potest, aut debet. Sed quod magis re-
fert corrumpendæ religionis periculum silendum
non est: neque enim sine magna contagij suspi-
cione gens auitæ superstitionis ut mirè tenax,
ita eius propagandæ vehementer cupida, inter ru-
sticos homines imperitos, ac rudes, & nescio quo
humanae naturæ vitio in deterius pronos, versari
potuisset. Mitto aliud periculi genus, quod non
ad illaqueandos animos, sed ad corpora catenis,
ac

*Græci As-
sarenos vo-
cant; ipsi
vero Sar-
raceni, at-
que Ismae-
lite dici vo-
lunt: ex
quorum ge-
nere cum
Africis cõ-
mixto Mau-
ritici erant.
Notum au-
tem.*

*Salubri cõ-
silio Hispani
ex sedi-
bus suis
Maures e-
iecerunt.
Hispanie
vulgi sic-
cum, ac sã-
lubre.
Corrumpẽda
religionis
periculum.*

*Aliud pe-
re culum à
Turcis.*

ac compedibus vincienda pertinet. Quis enim non assidue trepidaret, si gens Italico nomini perpetuò infensa, atque in dies augescens, oram maritimam insideret? nimirum ut quoties Turcarum classes conspicerentur, metuendum foret, ne sociatis viribus nos opprimerent. De Mauris igitur rectè meo iudicio factum est, quòd ab hac plaga repulsi sunt. Quidam verò nationem ut toto cœlo diuersam, sic moribus planè aduersam proponunt; videlicet Batauorum, Catholicorum dumtaxat, quos idoneos maximè ad hanc solitudinem frequentandam existimant: iamque, ut audio, Taracina certis quibusdam legibus ijs tradita est ad habitandum. De quibus ut dicam quod sentio, non me fugit gentem esse probam, candidamque, & si quæ alia, sedulam, atque industriam: itaque arbitror tutò ijs quantumuis magnam huius terræ portionem tradi, & concedi posse: hominibus scilicet nulli Principum mancipatis; & ita

*Quid de
Batauis sē-
tiendum.*

*Batauorū
gens proba,
cādidaque,
& indu-
stria.*

*Heluetij
Alaman-
nica gens.*

*Romani
Principes
Batauis
corporum
custodibus
aliquando
xij.*

Heluetij Alamannica gens ad custodiam corporum præcipuè expetuntur ab Regibus, ita olim Romani Cæsares eorum opera libentissimè vterentur. Adde quòd propter hominum miram frequentiam, & mulierum fœcunditatem non magno fortasse negotio excrescerent, & quidquid vacui soli est paulatim complerent: adhæc popularium suorum naues commercio linguæ, ac sanguinis facillè cum suis mercibus ad proximos portus, stationesque allicerent: quæque alia in speciem pulchrè, ac magnificè dicuntur. Verùm
cùm

cùm Batauiæ cœlum (adde etiam si vis victus rationem) huic nostro sit propemodum è diametro aduersum, perfrigidum nimirum, ac saluberrimum; contra hoc calidum, ac morbosius; si vlla gens cum magno suo periculo in has terras migraret, hæc foret maximè: præsertim cùm cibatu, potuque pleniore vtatur, & corpore potiùs sit pingui fluxoque, quàm duro ac sicco; vt opus esset. Quare sicut vnum, alterumue locum ex maritimis, atque editioribus non inuitus ijs permiserim; ita totam campestre regionem ijsdem tradere, aut destinare inconsultum crediderim, nec minùs ijs, quàm nobis infructuosum. Maneat igitur hoc fixum, atque ἀναμειβήτων, novos colonos non è longinquo petendos esse, si in proximo suppetant. Nec enim tanta est Italorum penuria, vt ex vltimis, ac disiunctissimis terris cultores accersere debeamus: quod Hispania fortassis effugere non potest, si vastitatem à Maurorum discessu relictam explere velit: video enim Nauarretum in suis Politicis dissertationibus, vbi eius infrequentia causas, & remedia perquirat, vehementer suadere, vt ex Circumpadano genere cultores potissimùm deligantur. Nobis verò quæ necessitas subest vt, si quæ supersunt, genuini Italici sanguinis reliquæ cum quacunque gentium colluie commisceantur? Itaque tutiùs, atque utiliùs, si quid mei iudicij est, nostra tradentur fidei hominum nec moribus, aut lingua, nec culturæ genere discrepantium: cùm præsertim quò quis natalibus, ac patria huic regioni

Quamquam
obscure vi-
deantur,
cur gentes
esse nō pos-
sint.

Batauiæ
cœli quale.

Item habi-
tus corpo-
rum.

Nouus colo-
ni è proxi-
mo potius
petendi.

Discursos
políticos de
Nauarrete.

Cur Italici
potius de-
ligendi.

*Omnes
magna mu-
tationes,
etiā quæ in
melius sūt,
incipites.*

gioni propinquior erit, eò magis etiam aeri, cœ-
loque insuescet; quod & ratio ipsa, & experientia
confirmat: omnes enim magnæ repentinæque mu-
tationes, vt dictum est, periculosæ existunt, etiam
quæ in melius fiunt; quantò magis quæ in dete-
rius? Huiusmodi porrò hominum τὴν μακρόθεν mi-

*Exemplū
à semini-
bus petitiū.*

grationes & illa necessariò sequitur mutatio, quæ
in victus genere versatur: quæ ipsa per se grauis
est, nedum si aliæ accedant. Vt igitur in frugibus,
ac seminibus transferendis peritiores agricolæ fa-
ciundum monent; ita in hac colonorum traductio-
ne curabimus, vt potiùs de grauioribus locis, cœ-
loque deteriori, si fieri possit, quàm de salubrio-
ri eos deducamus. Sed quoniam minùs id licet,

*De grauioribus locis
quàm hæc
nostra colo-
ni peti non
possunt.*

cùm grauiora in Italia loca, quàm Latium mari-
timum hodie est, vix homines colant; eligamus
certè quàm proximis, eosque reliquis præferamus:
nec consilij profectò pœnitebit. Igitur quàm ma-
ximè sumendos censeo ex Pontificiæ ditionis fini-
bus; si minùs, ex Etruria & Samnio certè, proximi-
misque locis. Ex populis autem Romanæ Eccle-

*Volsci, at-
que Herni-
ci maximè
idonei forent.*

siæ subiectis nemo negauerit; Volscos præcipuè,
atque Hernicos idoneos fore. Est enim hoc ge-
nus hominum cùm loco proximum, tùm laboris,
ac solis apprimè patiens, & toto corporis habitu

*Quales es-
se deceat
nouos agri-
colas.*

solidum, ac strigosum: cuiusmodi decet esse pro-
cul dubio nouos huius agri cultores. Sed quo-
niam haud oppidò multi inde haberi poterunt, po-
tior pars constare debet ex Picentibus, ac fini-
timis Piceno Vmbris: qui cùm sint homines, vt
plurimùm

plurimum rudes, atque inconditi, ac præterea robusti valde, grauiora ex rusticis operibus perbene administrare poterunt. Ex vltiori verò Tuscia, nimirum ex agro Florentino, Pistoriensi, Lucensi, Aretino; insuper ex Vrbinati, ac Flaminiae, Æmiliaeque regionibus non exigua copia bonorum agricolarum accedet. Hi sunt ferè, vt supra indicaui, ingeniosiores, atque ad subtiliora operaruris magis, quàm superiores accommodati: ideoque vinearum culturae potiùs, quàm arationibus hodieque dant operam: cùm verò saluberrimis regionibus sint educati, non facilè se grauioribus locis committunt. Sed tunc dispar ratio foret; quando præparata, vt diximus, regione, sine periculo huc fieret migratio non modò virorum, sed etiam mulierum quantumuis imbecilliorum: quas non grauatè secum ducerent, vbi importunioris cœli cessaret metus, vitæque commodioris spes afflueret. Cæterùm quoniam coniugiorum cura non vltima esse debet; illud addere possumus, vtile in primis fore, si agricolis hisce aduenis, qui quidem vxores quærent, aliquot ex his vrbaniis puellis pauperculis, quæ quotannis ex sacrarum ædium prouentibus, aut pijs legatis elocantur, nuptui tradantur: qua ratione fiet, vt Urbem magis adament, eiusque quasi se ciues existiment: nec verendum erit, ne eas vtpote imbecilliores, ac teneras, atque agrestibus laboribus inassuetas, modò vnctiusculæ dotes accedant, aspernentur; præsertim cùm ex quotidiana laborandi consuetudine

*Præparata-
tionibus,
quæ supra
dictæ sunt,
facilis etiã
mulieres
tunc hac cõ-
migrarent.*

*Coniugiorũ
cura nõ de-
serenda.*

*Puelle pau-
percule vr-
bane nouis
colonijs nu-
ptui tradi
poterunt.
Quid vti-
litatis inde
securum
sit.*

A a

paulatim

*Quotidian-
no exerci-
tio durio-
res fient. &
laboribus
rusticis
magis ido-
nea.*

*Primis an-
nis multa
domi à mu-
lieribus ad-
ministrari
poterunt.*

*Etiāse pri-
mò aliqua
pars nouo-
rum colo-
norum in-
tereat, non
esse despe-
randum.*

*Cōparatio
à remigi-
bus petita.*

paulatim & ipsæ duriusculæ sint euasuræ ; atque etiam , si ea omnia quæ retuli , vel certè maiori ex parte ritè priùs administrata fuerint , cœli iniurias non malè toleraturæ : adeò non est pertimescendum , vt viri agrestes , atque indomiti post tot præuias cautiones perdurare hic non possint . Hoc quoque lucro apponendum , quòd primis potissimùm annis , cùm nondum rura vario consitionum genere exculta erunt , multa à mulieribus domi administrabuntur cum magna virorum suorum vtilitate , ac fructu : non modò in domesticis officijs , sed in lanificio , atque alijs artibus . Veruntamen dissimulandum non est , etiamsi ex nouis hisce colonis primo statim incolatu , præsertim vbi grauiores anni aduenerint , nonnulli qui imbecilliores erunt , interierint ; non irreparabilem hanc fore iacturam : quandoquidem qui remanebunt , vbi complures annos huic cœlo insueuerint , tuti deinceps perennabunt , ac liberos gignent ; qui nullo iam periculo vsurpare poterunt , *Hic domus , hæc patria est* . Tùm noui quotidie coloni pretio illecti aduenient , qui defunctorum numerum supplebunt : vt minimè desperandum sit , quin post aliquot annos satis hominum probatorum , atque induratorum habeamus , qui saltem vnum aliquod mediocre castellum tutò , ac sine metu incolant ; ex quorum deinceps liberis alia subinde loca συνιστάμεν possimus . Sic in hominibus ad triremes damnatis euenire videmus , vt primò statim multi , qui tam durum vitæ genus tolerare nequeunt , celeriter moriantur :

riantur : quorum in locum alijs suffectis tandem iustus , ac plenus remigum numerus cuique naui conficitur ex ijs , quos tot labores , atque incommoditates impunè perpeſſæ robuſtiores oſtenderint . Sed modò ea quæ dixi præſtentur , neceſſe non erit , opinor , tam aſpero , atque infauſto experimento ; ſed omnes propemodum tutò , ac proſperè in nouis colonijs vitam traducent . Veruntamen autor ſemper fuerim , vt tutiſſima potiùs , quàm breuiſſima ratio frequentandi huius agri eligatur : qualis ea eſt , quam dixi , ædificatis opportunioribus locis caſtellis ; non ſparſim , ac temerè ruſticorum caſis , villiſque conſtructis . Quanquam vbi ſemel compluribus caſtellis , vicis , atque oppidis regio frequentata fuerit , vltro à priuatis hominibus commoditatis gratia villæ , ac tecta agreſtia hac illac extruentur : in quibus non minùs bellè , ac libenter etiam , quàm in frequentioribus locis quiuis degent . Quare mirandum non eſt in agro Vrbinatium ſaluberrimo , ac frequenter habitato complura caſtella , migrantibus in villas ruſticis , deſerta manſiſſe ; vt in valle Metauri *Primerium* , *Caiffam* , *Paginum* , *Montaltum* : in valle *Folie* *Montem Guiducij* , *Montem Falcum* , *Scletium* , *Montem Fabrorum* , *Collem Attij* , *Talaculum* , *Petrianum* , aliaque . Iam verò , vt inſtituto ſermoni colophonem addam , dicendum aliquid eſſet de commodis , ac priuilegijs nouorum colonorum , quæ & inuiolabiliter ſeruari , atque augeri operæpretium foret ; vt tantò libentius huc confluerent :

*Tutiſſima
potius, quàm
breuiſſima
ratio fre-
quentandi
huius agri
eligenda.*

*Vbi regio
oppidis, ca-
ſtellis, vi-
cis frequen-
tata erit,
priuatis
villæ quo-
que con-
ſtruentur.
Complura
agri Vrbina-
tis caſ-
tella mi-
gratibus in
villas ru-
ſticis de-
ſerta mā-
ſerunt.*

*Concluſio
operis de
augendis cō-
modis, ac
priuilegijs
ruſticorum.*

A a 2

ſed

*Apud Res-
publicas
benè cōsti-
tutas agri-
cole in pre-
tio habiti.* sed in re alioquin satis nota non multum immo-
rabimur. Fuit quidem omni tempore penes Res-
publicas benè constitutas agricolarum genus (ar-
tem quippe tam necessariam humanæ vitæ exer-
centium) magno in pretio, atque existimatione;

Allusio. iisque magna ab legibus cum antiquis, tum recen-
tibus priuilegia, & commoda concessa sunt. Et
iure sanè leges ei professioni fauerunt, cuius præ-
ses atque inuentrix, ut est in fabulis veterum, le-
ges quoque ipsas prima Ceres inuenit. Igitur

*Ægyptio-
rum insti-
tutum.* apud Ægyptios (quæ gens antiquissima fuit, &
plurimum ab alijs instituto discrepans) floruit ma-
ximè agricolandi studium: id eueniebat, quoniam
rusticis hanc vnā *πραγματείαν* exercere licebat,
nec vlllo tempore, vllaue causa ab agris auoca-
bantur; sed tradita per manus agrorum cura exi-
gua mercede à dominis conductorum, quos pa-
tres exercuissent, nunquam liberi deserebant: quod
& hodiernis Indis (de veris, ac præcipuis loquor

*Indorum
Respublica
Ægyptiæ
veteri affi-
nis.* Brachmanica lingua vtentibus, quorum Respubli-
ca valde est affinis Ægyptiæ) vsu receptum est:
neque enim eorum rusticis vel ad militiam, vel ad

*Apud eos
item rusti-
ci professio-
nem suam
deserere nō
possunt.* cæteras artes aspirare fas est. Immo id quoque
antiquis Indis teste Diodoro lib. II. factitatum,
qui à bello, reliquoue opere liberi, atque immu-
nes ætatem omnem in agris colendis consumeabant.

*Idem olim
apud eos
factitatum.
Græci mul-
ta in agri-
colarū uti-
litatē sta-
tuerunt.* Apud Græcos verò longum esset connumerare,
quàm multa in gratiam, & commodum rustico-
rum statuta sapienter fuerint: quæ apud Politia-
rum scriptores, aliosque miscellaneos Autores spar-
sa

fa reperies . De Romanis verò nostris (vt antiquiora missa faciam) libet pauca quædam decerpere circa potiores leges , quæ ab Imperatoribus prudenter sancitæ , etiamnum magna ex parte seruantur . Huiusmodi est Constantini Augusti rescriptum lib. XI. Codicis Iustiniani , titulo de agricolis , & censitis ; quo agricolas in rustico opere versantes ad extraordinaria onera trahendos non esse pronuntiauit . Tales sunt eiusdem Constantini , Theodosij , Anastasij , & Zenonis sanctiones , quæ agricolas à publicis oneribus personalibus excusari volunt : in titulis Codicis Iustiniani , de salgamo hospitibus non præstando . De metatis . De re militari . De cursu publico . Sed nihil æquè vbiuis locorum inualuisse video , quàm vt ne pigoris nomine , aut debiti soluendi causa instrumentum rusticum agricolis auferatur . Cùm verò instrumentum rusticum triplex sit , mutuum , in quo sunt aratra , & ligones ; semiuocale , in quo sunt boues , & asini ; vocale , in quo sunt mancipia , quorum loco hodie veniunt operarij liberæ conditionis ; apud plerasque ciuitates vsu receptum est , ne priora duo ex causa æris alieni publici , priuatiuè capiantur . Apud Gallos etiam hoc amplius ; vt Renatus Choppinus docet edito Regio anni MDLXXI. seruatur , vt rustici homines æris alieni obtentu ne in carcerem abripiantur . Nec deseruit hanc partem Romanorum Pontificum prouida , ac salutaris cura : nam præter alios , qui commoda agricolarum ampliarunt , Pius V. Pont.

Max.

Imperatorum Constitutiones agricolis fauentes.

Ubiq̃ ferè inualuit ne instrumentũ rusticũ quouis titulo rusticis auferatur.

Gallorum cõsuetudo.

Romanorum Pontificum circa hanc partem sollicitudo.

Max. saluberrimam Constitutionem edidit anno MDLXVI. qua inter cætera cautum voluit, vt frumenta ad Urbem deferentes non modò ab omni pro ijs portorio soluendo sint immunes; sed ne aduersus eos, eorumque bona æris alieni causa cuiquam manus iniectione sit. Item ne ij, qui intra XL. lapidem agros exercent, messis, aut sationis tempore in ius trahantur; aut quidquam agrestis rei ijsdem auferatur, si aliunde soluere possint. Item ne boues aratorij, aliaue rustica instrumenta, propter quamcunque ciuilem obligationem vnquam ijs eripi possint: immò rerum dotalium priuilegijs, atque immunitatibus gaudeant. Hæc igitur, aliaque huius generis iura, commoda, priuilegia, immunitates, exemptiones, vacationes agricolis Romanis concedi ex vsu fuerit; vt partim ijs illecti, partim ijs operibus, quæ facienda esse dixi, meliùs animati & lubentiùs patrijs sedibus à se relictis careant, & alacriùs culturæ agrorum, vt quæque cuique obuenerit, manus admoliantur. Magnæ enim ægritudines magna, variaque fomenta desiderant. Atqui & agrum hunc nostrum graui, contumacique morbo oppressum quodammodò dicere possumus; & cum remedijs à me recensitis morbosum habitum exuerit, non facillè tamen, apud imperitos præsertim, fidem recuperatæ penitus sanitatis sinueniet. Quidam enim diu cunctabundi, & quasi omnia prætentantes vix tandem induci poterunt, vt quidquam commercij cum eo exerceant: demùm opimis premijs incitati

*Rusticum
instrumentum rerum
dotalium
priuilegijs
Pius V.
gaudere
voluit.*

*Magnis
morbis va-
lida reme-
dia adhi-
benda.*

incitati, & quotidianis experimentis edocti, de-
 posito omni metu, & sibi quaestuosum, & reliquis
 tutum agnoscent. Faxit Deus Opt. Max. ut tan-
 to, tamque insigni bono omnium terrarum Pa-
 rens, ac Princeps quamprimum Roma fruatur;
 atque hinc nouæ cuiusdam iuuentutis effœtus iam,
 ac languidus senio mundus spem, ac documentum
 sumat: eaque gloria tibi VRBANE PONTIFEX
 MAXIME potissimum contingat; quo nemo vn-
 quam Romanorum Præsulum vel ad magna, atque
 illustria opera excogitanda maiori solertia, inge-
 nioque fuit, vel ad examinanda, disponendaque
 grauiori iudicio, vel ad prosequenda firmiori con-
 stantia. Ad consummanda verò, perficiendaque
 reliqua, tua, hoc est temporum nostrorum, feli-
 citas, ut spero, non deerit: quando accensis, va-
 lideque commotis inter Christianos Principes exi-
 tialibus, ac difficillimis bellis, tuis maximè pater-
 nis consilijs, prouidisque admonitionibus, præter
 omnem spem, atque expectationem, non semel
 arma conqueuisse, pacemque compositam vidi-
 mus, ut nuper: & quod vix quisquam tam breui
 tempore potuisse fieri vnquam sperasset, deiectam
 afflictamque cum in Gallia, tum in Germania
 Calvinianam factionem hisce proximis annis ga-
 uisi sumus: ut fatale quodammodo Pontificatus tui
 sit Rem Christianam magnis agitari motibus; sed
 maioribus incrementis ampliari. Nec vires, aut
 voluntas egregio, ac fructuoso, ut reor, operi
 deerunt: cesset modo pertinax hoc, atque exitia-
 bile

*Votum au-
toris.*

*Non semel
difficillima
bella inter
Christianos
Principes
Santissimi
D. N. ope-
ra potissi-
mum, ac fe-
licitate cõ-
queuerunt.
Caluinia-
norũ factio
in Gallia,
ac Germa-
nia hæc tẽ-
pore affli-
cta.*

*Pontificatus
Santissi-
mi D. N.
fatale vi-
detur Rem
Christianam
magnis mo-
tibus con-
tenti; sed
vehementer
augeri.*

*Sanctissi-
mi D. N.
& CAR-
DINA-
LIS BAR-
BERINI
ad depel-
lēdam pe-
stilentiam
mira soli-
citus, ac
vigilantia.*

bile pestilentiae malum, quod magna tot populo-
rum strage iamdudum grassatur: ad quod certè se-
dandum nullum Diuinum, humanumque praesidium,
quantum in te fuit, intactum reliquisti: nulli la-
bori, aut sollicitudini te Patruo dignissimus FRAN-
CISCVS CARDINALIS BARBERINVS peper-
cit; vt, qui est humanissimus, hoc est humani ge-
neris amantissimus, in id maximè à Deo Opt. Max.
hoc tempore terrarum orbi concessus videatur,
vt te Autore, ac Magistro humani generis mise-
rias leuaret, ac solaretur.

L A V S D E O.

D. Augustinus Coltellinus I.V.D. videat, & referat an in hoc opere sit ali-
quid quod fidei Catholicae, vel bonis moribus aduersetur. 22. Febr. 1665.
Vinc. de Bardis V. G. F.

Illustris. & Reuerendiss. Domine.

V. Cl. p. m. Io: Baptistæ Donij opus nihil nisi vtile, & pium continet Vr-
bi, & Orbi proficuum: vtinam bonae mentis meditationibus benedicat De-
us; vt restituta Salubritate Agri Romani, operarijs in vinea Domini secu-
rior fiat commoratio; peregrinis verò vndeque confluentibus ad san-
ctam Ciuitatem tutior pateat quandocunque accessus. Ita precor, pro edi-
tione mea manu subscribens.

Augustinus Coltellinus.

Imprimatur seruatis seruandis. Vinc. de Bardis Vic. Gen. Fl.

Adm. Reu. P. Ioannes Maria de Cutiliano Ord. Min. Obs. Consultor
huius S. Officij Flor. videat, & referat, &c. hac die 23. Augusti 1666.
Fr. Io: Paulus Giulianettus à Flor. S. Offic. Flor. Canc. de mand. Reuerendiss.

Nihil, censura dignum contra fidem, ac bonos mores in hoc erudito ope-
re a me perlecto vidi; in cuius testimonium propr. manu subscripsi, die 26.
Augusti 1666. *F. Ioannes Maria à Cutiliano Min. Obs.*

Stante praedicta attestatione impr. Flor. hac die 28. Augusti 1666.
Fr. Io: Paulus Giulianettus à Flor. S. Off. Flor. Canc. de mand. Reuerendiss.

Ioannes Federighius.

905644009

